

IUSTI LIPSI  
EPISTOLARVM  
SELECTARVM  
CENTVRIA QVINTA  
MISCELLANEA  
POSTVMA.



ANTVERPIÆ,  
EX OFFICINA PLANTINIANA,  
Apud Ioannem Moretum.

CLD. LDC. VII.

*Cum Privilegiis Casareo & duorum Regum.*



ILLVSTR<sup>MAE</sup> STIRPIS,

EXCELLENT<sup>MAE</sup> INDOLIS.

THOMÆ SAMOSCIO

MAGNI IOH. F.

VETERIS AC NOVI SAMOSCI DOMINO,

PRINCIPI IVVENTVTIS.



OSTVMÆ huius, & vltimæ LIPSIANARVM  
Epistolarum Centu-  
riæ, ILL<sup>MI</sup> nominis tui  
gloriã prætexere, THO-  
MA PRINCEPS, non

tam nostri instituti, quàm defuncti Au-  
ctoris quasi est mandati. Si enim non tan-  
tùm quæ istis in paginis plurimis locis de  
Heroicæ virtutis PATRE tuo scripsit, le-  
gimus; sed magis quæ sæpè, imò semper

\*

2

de

de illo dixit, recolimus: tunc subit, non  
modò omnibus præsentis æui summatis  
bus æquiparasse, sed planè cum olim in-  
comparabilis famæ hominibus compo-  
uisse. Nam vt illius temporis vel pau-  
ca stricte nomina reuocemus; quid in  
Catone, Tullio, ipsóque etiam Iulio, sic  
gloriosa suorum æstimatrix vetustas ex-  
tulit, quod non meritò in IOANNE SA-  
MOSCIO MAGNO POLONIAE CAN-  
CELLARIO ET EXERCITVVM PRAE-  
FECTO, ventura posteritas agnoscat &  
veneretur? Adde, quòd illi adiuti tem-  
poribus lætissimis, Italiâ Româque cul-  
tissimis: quibus debere mores illos, tam  
felicitatis fuit; atque iisdem nostrâ æta-  
te & remotissimis SARMATIAE in lo-  
cis excelluisse, optimæ maximæque est  
laudis. Catonem sanctitas, & infra-  
ctum pectoris robur probauit. Cice-  
roni,



roni, Eloquentiæ decus, & seruata Patriæ gloria, parem gratiam reddidit. Denique Iulium, non tam à Dis origo, quàm per omnia diuinæ potentæ æmulus animus, sideribus assignauit. Citra assentationem, MAGNANIMI Patris FELIX Fili, loquor: anne in illo tuo pariter & Patriæ Parente, rectitudinem Resp. aut constantiam etiam in aduersis vñquam desiderauit? Eloquij sanè disertissimi & salutaris opis bona sic semper subministrauit; vt, ne secum desinerent, etiam prospexerit. Postquam enim, optimarum artium cultus quid regnorum præsidibus prodesset, suo satis exemplo confirmasset; Musarum celeberrimum Athenæum, HIPPEI SALMOSCIANI cum titulo, publicis & perennibus POLONIAE vsibus consecrauit. ô laudem, & famæ, quia non inter-

ituri fructus, æternitatem ! Superest Cæ-  
sareæ imaginis typus. quem militiæ ar-  
tibus, patientiâ, successibus nostro sæ-  
culo sic reddidit, vt post veterem illam  
memoriam, vno tantum dissimilitudinis  
genere, ab illâ Veneris ( sed quam Mars  
armatus amauerat ) stirpe discesserit. Qui-  
bus enim ille armis patriam oppressit, hic  
seruauit. Quibus Gallias ille toto decen-  
nio, sed sibi, subiugauit; hic à SARMATIAE  
limite, bono publico, Dacum,  
Parthos, ingentibus submouit stragibus;  
Moschum Lithuaniam expulit, Sueciæ  
Tyrannum non semel fregit. Denique  
XXIII. annis inter militares florentissimi  
regni viros sic belli præfecturam susti-  
nuit, vt gloriâ plenus, offensæ nescius,  
ab armis non antea quàm è vitâ discesse-  
rit. Talem LIPSIVS HEROA, quoad  
vixit, suspexit; idque, si fata tulissent,  
pluri-

pluribus sempiterni ingenij monumen-  
tis testari constituerat. Verùm ah ! non  
toto vertentis anni spatio illum suum  
POLONIA extulit, huic Europa etiam  
cum lacrymis parentauit. Ita nihil sum-  
mum diu consistit ; & qui humanum  
fastigium excessere animi, vti cælo pro-  
ximi, ita citò ad illam beatitudinis ædem  
& lubenter transeunt. Nec aliter tamen  
(habet hoc omnis inclyta virtus sui præ-  
mium) à nobis & terrestribus hisce re-  
cessisse vterque videri potest, quàm à lu-  
minis sui auspice, & roseâ vt sic dicam  
matre, antelucanus Sol solet. Iste enim  
apud originem ortumque totus aspicitur,  
quia adhuc terris adhæret : sed mox vbi  
cæli conuexa scandere cœpit, omnes bo-  
nis illius fruimur, nemo intentè aspicere  
conatur. Tale meritò fulgidissimis hisce  
eueniet, in cælestem claritudinem, à vi-

talis huius lucis tenuitate sublimatis. quid-  
 quid enim à vicinitate mortalitatis, quasi  
 nubium nebularumque adhærescere vi-  
 detur, dies demet; supràque ætatis suæ  
 conspectum prouecti, sempiternâ sæcu-  
 lorum veneratione vigeant. Verum  
 huiusmodi, & recurrentis doloris singul-  
 tibus æquales, dum cogitationes conte-  
 ximus; ecce alterum mœstitiæ huius  
 membrum illis superest, qui desertam  
 tuam pueritiam, annosque infra primam  
 adolescentiam positos, cum miseratione  
 æstimant. Hos licet indoles tua securos  
 facere possit; tamen Illustrissimi dignita-  
 tibus, coniunctissimi sanguine & amicitia  
 SAMOSCIANA quatuoruique, ætatis  
 & familiæ tuæ curatores, pro te spondent:  
 GEORGIUS SAMOYSKI EPISCO-  
 PVS CHELMENSIS, NICOLAUS  
 ZEBRZYDOWSKI PALATINVS ET  
 GENE-

GENERALIS CRACOVIENSIS,  
MARCUS SOBIESKI PALATINUS  
LUBLINENSIS, STANISLAVS ZOL-  
KIEWSKI CASTELLANUS LEO-  
POLIENSIS ET EXERCITVVM  
PRAEFECTVS CAMPESTRIS. Hem,  
quanti, qualésque viri te manibus suis  
gerunt, oculis obseruant, cordibus cu-  
rant! Imò totum simul SARMATIAE  
Regnum, quos à PATRIS tui morte  
oculos turbauit, in te reficit: te MA-  
TRIS tuæ aureum partum, Patrij non  
magis sanguinis sobolem, quàm virtu-  
tis heredem, cum solatio aspicit & amat.  
Erigere

*O decus eximium, & magnis virtutibus auge*  
tuorum de te conceptam spem, exspe-  
ctationem omnium. Nos quoque pro-  
cul positos de te cura exercet; dum quis  
vultus, ætas, profectus tuus sit, studiose  
inqui-

inquirimus. Cresce & adolesce, G L O -  
R I O S I S S I M E P R I N C E P S, vel in reli-  
quæ Europæ inuidiam; & non summo  
adhuc studio, languidas tuæ fortunæ pas-  
sim adolescentium institutiones, te supe-  
rassè audacter cense. Tam enim spernitur  
hoc futuræ vitæ summum bonum, vt  
vbique pænè gentium ignoretur. Omnis  
tamen ætas docuit, humanitatis artibus, &  
florantibus ingeniorum virtutibus, im-  
peria crescere & florescere. Maacte tu sal-  
tem. nam paterna per vestigia euntē par  
pro paribus virtutibus æternitas manet.  
Vouemus & F E L I C I T E R acclama-  
mus,

L I P S I A N I T E S T A M E N T I *Curatores;*

N I C O L A V S O V D A R T V S, *Canonicus & Officialis Mechl.*

G V I L I E L M V S W A R G N I R I V S, *Canonicus D. PETRI Louan.*

I O A N N E S W O V E R I V S *Antuerpiensis.*

I N D E X

# INDEX

## EPISTOLARVM

### CENTVRIÆ V. MISCELLANÆ.

**Æ**GIDIO Schondomcho V.R.  
xvj.

Andrea Chiocco V.C. xxxv, xlvij.

Andrea Schotto V.R. xc.

Antonio Persio xxxvj.

Afcario Columna S. R. E. Cardi-  
nali lxiiij.

Auberto Miræo Canonico x,  
lxxix.

Augustino Valerio S. R. E. Car-  
dinali xlvij.

B.

Balthasari Moreto suo lx, lxxxj,  
xcij.

Balthasari Robiano, Consuli ij.

Bartholomæo Petro Lintrensi, Do-  
ctori Theologo xxvj, lix.

Bernardo Macieiovvskio, Epi-  
scopo Craconiensi xxij.

Bonifacio Breuilacqua S. R. E.  
Cardinali lxxiiij.

C.

Carolo Archiduci Austria, Imp.  
nepoti & pronepoti xcj.

Carolo Duci Croyo & Arschota-  
no xxv.

Carolo Philippo Rodano, Epi-  
scopo Brugenfi lxix.

Claudio d' Ausquio, è Soc. Iesu iij.

Curtio Pichena xxxiiij.

D.

Davidi Hilchenio, Regi Polonia à  
Secretis lviiij.

Demetrio Soliconio, Archiepisco-  
po Leopolitano xxij.

Dionysio Villerio V. R. xvij,  
xxvj, lxxvj.

Dominico Auengochéa I<sup>do</sup> Sena-  
tori Regio xix.

E.

Emanueli Pio S. R. E. Cardinali li.

Erycio Puteano suo v, xiiij, lxxvj.

F.

Florentio Vander-Hario Canoni-  
co lxxvj.

Francisco Harleo Abbati S. Vi-  
etoris l.

Francisco Maria Sagri Illyrio  
xxxij.

Francisco Queuedo Viro Perillu-  
stri lv.

Frederico Borromæo S. R. E. Car-  
dinali lxxxviiij.

Frederico Morello vj.

Frid. Taubmano lxxxvj.

G.

Gaspari Diemeno lxxviiij.

Gaugerico Riurio I<sup>do</sup> suo lxij.

Georgio de Magna Concice Min-  
schez xxiv.

Gerardo

Gerardo Buytevechio suo xlvj. Ludouico Beccatello lxx.  
 Guilielmo Richardoto suo ix, Ludouico Nonio Doctori Medico  
 xxxvij. liij.

H.

Hadriano Flerontino I<sup>ro</sup> xcix. M.  
 Henrico Halmatio V. N. xciiij. Marco Antonio Bonciario xlix,  
 Henrico Vanden Eede, cognato suo lxxj.  
 Henrico Vvueno I<sup>ro</sup> vj, lxxvj. Marco Velfero V. J. xi, xl, xliij,  
 li, lxxxix.

I.

Iano Grutero xlv. Matthia Houie, Archiepiscopo  
 Joanni Aquilario Aluarado xliij. Mechlinienfi xv.  
 Joanni Andrea Prochnicio Lega- N.  
 to Ser<sup>mi</sup> Regis Polonia lxij, Nicolao Hacqueuillio xij.  
 lxxxiv. Nicolao Ondarto suo xxxj, lxxxij.

P.

Ioanni Baptista Baronio suo xviii. Paulo V. Pontifici Opt. Max.  
 Ioanni Bapt. Sacco xiiij. xcviij.  
 Ioanni Bapt. Salazario lvj. Petro Colins xxxix.  
 Ioanni Bapt. Siluatico lxxx. Petro Orano I<sup>ro</sup> xxix.  
 Ioanni Buiſſonio Conſiliario Petro Pantino V. R. lxj, lxxij.  
 xxxvij. Petro Peckio Conſiliario xcij.

Joanni Chokiero I<sup>ro</sup> xxvij. Philippo Rubenio suo viij, xxx,  
 Joanni Gauerellio I<sup>ro</sup> lxxv. xliij.

R.

Joanni Mirao, Episcopo Antuer-  
 piensfi xc, xcvi. Remaclo Roberti ij.

S.

Joanni Richardoto, Praefidi Sebastianiano Maccio Durantino Viro  
 lxvij, xcvi. Perilluſtri liij.  
 Joanni Samofcio, Regni Polonia Scraphino Olinario Sacri Palatii  
 Cancellario j. Auditori xxxij.  
 Joanni Vergerio Aurano suo xlv. S. R. E. Cardinali lxv.  
 Joanni Wouerio suo lxxxij, lxxxvj. Simoni Simonide lvij.  
 Stanislaſo Krzyſtanouuicio lxxxv.

L.

Leonardo Leſſio, Theologo Soc. Ie-  
 ſu xxj. Oratio de Calumniâ, loco cen-  
 teſime Epistoſe.



IUSTI LIPSI  
EPISTOLARVM  
SELECTARVM  
CENTVRIA V. MISCELLANEA,  
POSTVMA.

EPISTOLA I.

I. LIPSIUS IOANNI SAMOSCIO, *magno Regni  
Poloniæ Cancellario, & Exercituum Præfecto.*



ILL<sup>ME</sup> DOMINE, Deum ego te-  
stem capio interioris meæ volunta-  
tis, quàm sæpè adspirauerim ad te  
scribere, & cultum præmere quem  
virtutibus tuis debitum, in isto  
velut Vestali secreto clausum ser-  
uabam. Adspirabam; sed occasio  
numquam fuit, aut rima aperta  
per quam erumperet: nunc vide-  
tur factum, & Simonides atque  
Hilchenius tui, manum præbent, & præeunt vt veniam &  
me sistam. Ego facio: scis quomodo Vir maxime? vt si vel ad  
Regem aliquem magnum venirem, tui verens reuerensque,  
& mixto affectu amans. Profectò in omni genere virtutes tuæ,  
in bello, in pace, parem hoc sæculo, inò & superiore: parem?  
vix similem habuerunt, & libero ore ac puro iudicio profi-  
temur. O Stephanum regem magnum! sed & magno te adiu-  
tore & administro: qui alter hetos, benè coniunctus cum  
heroe illo eras. Fructus Europa vidit, audiuit, & tui etiam nunc  
sentiunt: & tu gloriam peperisti, quam edax illud tempus non  
absument. Quam gloriam, mihi crede, illustrat & auget varia &

A a remo-

remotior doctrina, quâ ipse es imbutus: & quam in oris illis tuis suscitās & propagas. Onate in exemplum virorum Principum, atque vtinam sint qui imitentur! Non me fugit, quam humanitatem, aut potius benignitatem, iterumque potius beneficentiam, nostratium quibusdam etiam exhibueris, qui peregrinati illic sunt; & inter eos Doufa filius: qui Doufa (dolenter scribo) ante dies circiter quindecim fatalem suam metam adiuit. Cui me etiam sæpè valetudo tenuior, & omni moru afflictior, admovent: vivo tamen hactenus, & tuus viuum cultor, mirator, cliens. Ill<sup>me</sup> Domine, non epistolam hanc cense, sed animi interioris sensum: iterumque testem illum, quem nemo fallit, inuocò: & tutorem cum tui aduoco, venerorque. Lo-  
uanij, VI. Idus Nouembr. ∞. I D C. IIIL

## E P I S T . II.

Bruxellas.

REMACLO ROBERTI S. D.

**R**EMITTO Soranzam tuam, de quo equidem benignius iudico, quàm de illo Peregrino, ut se appellat. cuius causa ab initio ut bona fuerit, corruptit eam malè & asperè agendo. Et in reges cui hæc libertas aut ius datum? Sed omit-  
tamus. scio alia aliis iudicia: ego autem Horatianum illud sub-  
murmuro, :

*Non ut porticibus; sic iudiciis fruar iisdem:*

cum vulgo, dico. Ad Legatum librum mitto, & cum salutis & obsequij mei delatione trades. Statui omnino, quod scribis, aliquid ad eum pangere: sed opportunitas expectanda est. Ex animo apud te depono, digniorem hoc & alio honore ego, è nobilitate, in Belgicâ nondum vidi. Sed patriæ nostræ quid fiet? Hostis vigilat, apparat, inuadet: nos sedemus, frigemus, & votis auxilia optamus. Ventura, an iam venerunt? nam herè aures meas fama tetigit, triremes cum milite in Morinos appulisse. Ego autem non tam de milite, quàm de consiliis laboro: & Minervam iungi equidem velim cum nostro Marte. Qui Mars nec Pannoniis secundum se præbet, si vera quæ hîc sparguntur de nouâ illâ clade, an proditione. neque enim di-  
stinctè

stinctè & liquidò etiam scio: si per te, gratum erit. Vale vir amice. Louanij, postrid. Kal. Mart. ∞. I O C I.

## EPIST. III.

Antuerpiam.

BALTHASARI ROBIANO, *Consuli.*

**A**NTVERPIAE vestrae hoc, an Deo & Fato adscribam? sed utri, ego melior valentiorque paullò sum, post libatum aërem vestrum, perambulata urbem, flumen nauigatum, denique post sermones suauissimos vestros & conuictum. Non sum equidem (ne fallam) in veteri illo virium vigore: sed spero paullatim tangere, si Deus manum non subducit. Spero, non confido. quid enim certi hîc est? & quid hanc vitam, nisi ut mare, dixerim esse? Semper in eo fluctus aliqui, sæpè tempestates, iterumque malacia & risus. Tale in vitâ: iactamur, concutimur, curis, aut morbis: denique iterum hæc meliore & mitiori sorte, aut valetudine, mutantur. Optem in republicâ nostrâ sic esse: alternum, inquam, aliquid interuenire. Sed quid nisi adsiduæ procellæ sunt? & iam ab annis plus triginta oculis non vsurpauimus amœniorem aliquam lucem. O Deus, itâne semper iudex & vindex nobis es? numquam geres & efferes etiam patrem? Spero equidem, & vel vicinorum exemplo confirmor. qui cùm aut in bellis palam, aut eorum metu essent, præter opinionem pace fruuntur: & bonis nobis apertum semper stabit templum hoc Iani? non stabit: inducias, si non pacem dabit, & respirare paullum, si non reualefcere, patietur. Corde cum rogo, & te V. Cl<sup>me</sup> Reip. tuæ, quæ te & quam tu amas, diu saluum esse. Ecce autem & Carmen subito scripsi, argumento quod initio dixi: habe & lege, si est tanti. Louanij, prid. Kal. Iunias, ∞. I O C I I.

Duos illos nostros saluere cupio, Schottium & Vvenum.

# AD ANTVERPIAM, & inibi AMICOS.

**A**ntuerpia, urbium oculus, amata Lipsio,  
 Et aestimata vrbes supra omnes Lipsio,  
 Quam volupe mi te luminibus istis fuit  
 Vidisse naper, atque amena mania  
 Lento perambulasse identidem pede?  
 Quam volupe pariter, illum amicorum gregem  
 (Ita dico: plures namque sunt) illum gregem  
 Sermonibus fruitum esse, vel conuiuio!  
 O nectar, o ambrosia, & o meis malis  
 Leuamen vnum! tibi, quod animam ducimus,  
 Adscribo: tibi, quod tangimus chartam & stilum.  
 Tu sola morbi Phœbus audies mei,  
 Tu sola sospitator Æsculapius.  
 Quid me futurum porro, nouit hoc Deus,  
 Vitæ arbiter necisque: sed ero, non ero,  
 Tuus ego viuus, mortuusque, quod hac manu,  
 Hac mente testor: MAGNVS AUDIAT DEVS.

## EPIST. IIII.

*Insulas*

CLAUDIO D'AVSQUIO, è Soc. Iesu S. D.

**M**ANVM tuam agnoui, & libens vidi: quod si non illam, stilus tamen prodebat. Quam pauci enim sic scribant (neminem dicere religio sit) inter meos Belgas? Sed domum te redisse, & placere eam, hoc placet: quod idem mihi. Ego cursu vorforiam cepi, nec vela aut remi faciebant satis: adeo fugiebam istos amicos quidem, sed qui

\* Conuiuia.  
 tur, & in-  
 terponunt  
 pocula  
 Bacchi.

\* Εἰλαπνάεστι, πένεσί τε ἀποπτα ὄνον.

Corpusculum meum & viriculæ, vt sic loquar, non subsistunt nunc istis. Sermones alioqui capiunt, & illa comitas Antuerpiensium propria: sed huic quoque melli fel suum, & natali forte nostrâ

<sup>a</sup> ——— ἔποτε φύλα συνπαθόντων ἀνθρώπων

Τερπωλῆς ἐπέβημεν ὅλω πᾶσι.

Ergo pedem struxi, & redij. Apud me nunc sum, sed nondum ille, qui Italo respondi. Tunc <sup>b</sup> θυμὸς καὶ αἷμα, ut ais: nunc intantum nihil aut feruens, sed <sup>c</sup> πάρεσις καὶ χέλασμα καὶ ψυχρότης. Agnosco imbecillum illud <sup>d</sup> καὶ ἀκατάστατον hominis, & vitam hanc fluxum & refluxum vel Euripi illius esse. De Basilio tuo, putem ex illo promisso publico te posse in utramque aurem. Nam de nomine tuo omitendo, & tam insigni plagio, quā possit? Æuum ad omnia prava, fateor: sed nondum, opinor, <sup>e</sup> ἀναιδήν ἔτιος ἀχάλπος. Si erit, nos in gyrum reducemus vel publico scripto. nam mihi hæc pernōta. Ad Silium quod attinet, nihil te moretur, si decreuisti. Amicus ille ab Antuerpiā, <sup>f</sup> μεγαλόπρεπον magis, quā <sup>g</sup> πραύτη, nec ultra verba aut promissa res ibit. Imparem etiam puto, ut rem dicam. <sup>h</sup> περὶ τῆς Δουκῆ, puta ab Alexandro mihi impressam <sup>i</sup> σφρηγίδα σιωπῆς. Sed neque suadeam ad illum, ob causas quas coram mallem. Vale V. R. & animo huic care. Louanij, v. Idus Iunias, ∞. IOCIH.

<sup>a</sup> — numquam homo minimum in felicia felix  
<sup>b</sup> Gaudium libamus plena & solida  
<sup>c</sup> spiritus & sanguis  
<sup>d</sup> remissio  
<sup>e</sup> languor  
<sup>f</sup> & frigus  
<sup>g</sup> & instabile  
<sup>h</sup> impudentia sic effrancis.

<sup>i</sup> magna acturans. actor.  
<sup>De Duce.</sup>  
<sup>sigillum</sup>  
<sup>silentiū.</sup>

## EPIST. V.

Mediolanum.

ERÛCIO PVTEANO suo S. D.

**V**I DE O te meas non accipere, atque ita frustrā panē sumere operam scribendi. Cuius culpa est? non mea hercules, qui tritā & ut putamus tutā viā mitto. Fraudes ubique, vnum remedium ferre. Sed hoc mirum, nec Epistolas meas vos vidisse? Quinque earum Centurias edidi, & Septalius ac tu in numerum venitis. Amplius, Italo vestro respondi, quisquis hominum sit; sed respondi. Non merebatur. hoc cordati iamantē, & post responsum meum quivis dicit: sed exempli interest retundi sic proteruos & fatuos, nec eos solū, sed (ex prisca formulā) QVORVM OPE CONSILIOVE hæc scripta. Audio & alios ibi esse qui hunc Pelian velint recoquere, id est Taciturnum necare: faciant, ego ultra non oppono, nec iudicium præeo, quod haud magis inferi docendo potest, quā gustus aut odor. Dij deæque! quā in animo isto suaue, vidisse me-

Aa 3

liora,

lora, nec secutum solum esse, sed præiuisse! Alij abnuunt: quid promouent? ille in bono & recto firmus

— *per obstantes cateruas*

*Explicuit sua victor arma.*

De Cardinali Borromæo, & eius in optima studio, volupe audire. quod autem quærit, de lapide in aceruum Mercurij misso (in sacris ita scribitur) non aliud arbitror, quàm ad morem veterem allusum, qui sic habet. Mercurius viarum præses, & Græcis verbis, ὁδός, ἡρώδης, ὁδὸς, in biuiis aut triuils effingebatur trunco habitu, & in lapidem rudem, quadratum, quos *Hermas* Græci vocabant. Ij signum erant & indicina viæ: atque vbi non illi, moris vt lapides aliquot aceruantur, qui vicem eorum & vsum supplerent. Itaque pauci illi coniecti aut dispositi augebantur pietate an superstitione transeuntium: & Hebræus ille Sapiens nunc dicit, Beneficium aut honorem insipienti dare, assimile esse illi, si quis in aceruum talem lapidem velit iecisse. Nam beneficium quidem est, viatori putà: sed nemo imputat, quia dator ignoratur: tale in fatuo, cui beneficium si confers, perdis. Septalium conualuisse, triumpho & gaudeo, virum quem iamdiu habeo optimum doctissimumque, & melioris illius aui germen. Saluta, amplectere; ego te, & tu virtutem. Louanij, xii. Kal. Sept. ∞. IOCII.

## E P I S T. VI.

*Antuerpiam.*

HENRICO VWENO I<sup>to</sup> S. D.

**F**ILIOS tuos iam nunc apud me in leuiculo prandio habui, quos libens sanè video, & in iis ipsum te. Placet vtriusque indoles & industria; etsi cum aliquo discrimine, quod in sermone facilius edam. Deum seruare eos tibi precor, virtuti & reip. crescere, heu quàm inopiâ virorum, aut certè consiliorum, nunc laboranti! Quæ fiant, omnes videmus; quæ futura, timeamus: & quæ facula bonæ spei allucet? Ego nisi tenebras & confusionem non video: atque inuitus vel in hunc labyrinthum sermonis venio, implexum, & exitus ignarum. Quæ sentio, dicere non lubet, & sine fructu sit: sileo, & philosophiâ meâ me inuoluo. Legi quæ amicus ille (tuus alter) ad te scripsit: quid censes?

centes? miratum me? nihil. Nota & præcepta hæc mihi sunt: & scio à quo fonte sumant. Ecce, hæc suggeri & doceri possunt: ridentur, ad ineptias & futes subtilitates eunt, quæ ipsi *Ingenia* appellant. Ridere nos quoque possemus, si Pietas & Patria non agerentur: nunc ringimur; & quod vnum superest, frænum mordemus. Beati amici, quos interea ad beata loca mittimus! Ego hîc & alibi plusculos hoc anno: secuturus alacri gradu, cum euocare Imperatori meo visum. Vellem cum Schottio & Robiano hæc altercare nobis in sermone liceret, sed non mœstis: paratis ferre & subire quodcumque iugum Deus imponit, sed Pietate semper saluâ. Insigne documentum, si vlla ætas, hæc dat, & (vrinam fallar) dabit, quàm sine prudentiâ potentia inermis sit, & inefficaces manus habeat. Aula apud nos bis terq̃ue fuit: Aula. Aliud non habeo, videre & alloqui amicos ibi opto, hiems prohibet: saluere igitur iubeo, aliàs (Deus non inuidebit) videndos. Tuam saluto, & duos amicos, quos nominaui. Louanij, postrid. Kal. Nouembr. ∞. 1511.

## EPIST. VII.

Lutetiam.

FREDERICO MORELLO S. D.

**S**VAVES mihi tuas, ita Musæ me ament. Nam silueras aliquamdiu, & ego pariter: quid mirum (in me quidem) vbi nubes hæc & incæstitia temporum impendet? Amœna aut amica omnia à nobis abeunt: pro virili quisque fatagit tueri se, subsistere, nec aliarum rerum esse. Apud expertum loquor, & hæc Enyo Galliam quoque, & urbem vestram, infestauit: sed minus pertinaciter, & mitior Dea superuenit, & <sup>\* quies graui.</sup> *ἡσυχία* adspexit, & sibi vindicauit. O melior Galliæ pars, & animæ huius, vt sic dicam, <sup>\* pars præcipua.</sup> *ἡγεμονία*, sic manete: & lucis aliquam spem nobis facite, à luce illâ vestrâ. Ominor, & fortassis <sup>\* non sine diuina inuentione.</sup> *ἔτι ἀνὸν θείας ἐπιτροπίας*. Sed ad tuas litteras, significas *De Bibliothecis* te vidisse, & placuisse. Argumento, non ambigo: tractatu fortasse, quia auctorem amas. Nam <sup>\* illudere.</sup> *ἐμπαιζέω* te mihi, abest à candore tuo, qui non habet istos <sup>\* fraudulentiæ.</sup> *ἑταίρους*. Ceterum, libellus exiguus: sed vel præiuisse in hoc æuo, & immanti bonorum contemptu, nonne magnum est? <sup>\* Frustrâ.</sup> *Μαψιδίως* fortasse, vt Homerissem: sed conscientia

sufficit,

sufficit, & viderint qui delinquunt. De Italo, faciundum semel fuit, & istos \* *κατασβόλως* reiiciendum aut reprimendum. Dij boni, quæ copia est? In posterum abstinco,

*Atque arma, desunctamque bello*

*Barbiton hic paries habeto.*

Te amo, & vtinam fruatur \* *ἐν τῶν ἀληθινῶν φίλων,*

\* *unum ex  
veris ami-  
cis,*

— cuius se pectore Graia vetustas

*Condidit, & maior collectis viribus exit.*

\* *in aium.*

Sit & mihi in eodem locus; in meo quidem, \* *δι' αἰῶνος* tibi erit:

sed & Morantium adiungam & curabo, quia tuum, & faxy vt

\* *amantem  
redama.*

re factum dicat. Vale ô optime, & \* *φιλῆτα ἀνθρώποι.* Louanij,

v. Kal. Decembres, ipso die quo tuas vidi. ∞. IOCII.

## EPIST. VIII.

PHILIPPO RUBENIO *meo* S. D.

**L**V BET adfari te mi Rubeni, in publicis priuatisque malis, & quibus tolerandis animus est, vtinam in corpore tamen sano. Audis ruinas nostras, & sonitus vel illuc te penetrarint: quid speramus, aut cui innitimur? Deo, nec præter illum nos iuuat. O vanas spes in nouâ dynastiâ tetsi optimos eos habemus, sed nescio quâ fati malignitate nihil adhuc in nostram rem factum. De fato, quàm de culpis loqui malo: & in id æui venimus, vt tangi eas uolumus; & verè cum Liuius, *nec remedia nec mala nostra pati possumus*. Quid ergo superest, nisi ad illum aspicere qui suprà est, & cum poetâ dicere,

— *τὰ δ' αὖ Δὴ πάντα μέλει;*

Fiat, fileo, stilum aliò verto. Ad nos, mi Rubeni. & ecquid agis? quid in futurum destinas? nam in eo iam te esse vt decidas, ratio & ætas, sed & scriptio tua, dicunt. Deum veneror, vt cum duplici bono tuo fiat, interno externoque: si minùs, illo. Scripsi aliquid nuper, sed tibi & *ἀρπάσας*: tecum habere, ruminare, & verbo veteri **LENTE FESTINA**. Si animum Philosophi induis, vt debes & indoles tua poscit; animû curabis eximie, imò tantum: cetera non decerunt affectuum modico, & iucundè clamabis,

— *Benè est, cui Deus obtulit*

*Parcâ, quod satis est, manu.*

Longiùs



Longiùs si imus, extraterminos imus, & in vastum illud IN-  
FINITVM.

*Si animus hominem perpulit, actum est, animo seruibit, non sibi:*

*Sin ipse animum perpulit, dum vinit, victor victorum cluet:*

ait ille noster, altâ sapientiâ, etiam in socco. Ego de indole tuâ sic confido, vt etiam sine præmio bonum te futurum augurer, nec vel inter praua & prauos deprauandum. Et hercules de præmio, se pone in hoc æuo: quo Theognidis dictio vera est,

Ωίχεται μὴ τίς τις μεγάλην θύος, ὃ χέτο δ' ἀνδρῶν

Σωφροσύνην, χάριτίς τ' ὃ φίλη, γῆν ἔλιπον.

Imus ad humilia, sordes, vitia; & qui formandis animis præ-  
sunt, quidam eò ducunt. O beatum me, qui mox hæc reli-  
quam, & tutò spernam! Beatum & altero nomine, quòd in  
culpam non trahar, & consiliis aut actionibus publicis num-  
quam me inserui aut communicaui.

Καλὸν δὲ γ' ἔξω πραγμάτων ἔχειν πόδα.

Itraque eâ cogitatione & simili, quam Sapientia cumque mihi  
dictat, sustentor, — *et meâ*

*Virtute me inuoluo, probamque*

*Pauperiem sine dote quero.*

Quid si fugerem? bellum daret, & iam Miles ille incomposi-  
tus & ex professo (iusso non dicam) proteruus, itemque Seditiosus,  
noua nunc manus, eò impellant. De istis, scito ad quattuor mil-  
lia & vltra iam creuisse; hostes iudicatos, nondum repressos; &  
omnia agere in agris nostris ac ferre. Si videas audiasque mise-  
riam; patriam miserari velis nescio, an odisse. Hæc publica no-  
stra sunt, & priuatim mihi etiam bella. Ille Italus, quisquis aut  
vbi fuit, me fædo & insulso libello petiuit: respondi, non vt re-  
gererem sordes, sed à me abstergerem. Fortiter feci; & ausim di-  
cere, non reieci solùm hunc Andabatam, sed deieci.

Οὐ κόμπας εἶδες, ῥάδιον γ' εἶπαίν τόδε,

si mea modò legetis. Sed apud me, non meâ causâ, ingemisco.  
Heu, quo æuo viuimus? & cui vos surgitis? Sapere hortor, sed  
vobis: si aperitis, non inuidiam sed odium habituros. Timonis  
illa vetus secta publicè damnata est, & euauit: vereor vt ali-  
quis reuocer, cum homines & iudicia hæc videt. Benè est, quòd  
non diu videar,

— Et omnes una manet nox

*Et calcanda semel via leti.*

Calcavit iam noster ille Micaultius, ô vir probus & pius! qui lento & medicis quoque ignobili morbo obiit, ante paucos hos dies. Quis etiam? Vibrandus ille Anskema, plenus spirituum iuuenis, & qui panem cum Alexandro manu vna Orientem, alter Occidentem tangebatur: obiit, inquam, populari morbo & δυσχέμα λοιμῶ exstinctus. Eamus, altum spiremus: in carceribus nostri cursus sistendi aut abripiendi. Etiam meus Euerardus Pollio, olim in contubernio, desit vivere lentâ & pulmonariâ tabe exstinctus. Ecce funera: ad viuos redeo, & Io. Wouerium nostrum auidè nimis exspecto. Per Batauos venire dicitur, securitatis an visionis causâ. Veniat, amplectar, & pocula libabimus memorie etiam absentium amicorum: inter eos tuæ, tuæ mi Rubeni. Fac idem,

*Nigrorumque memor, dum licet, ignium,*

*Misce stultitiam consiliis breuem.*

De Senecâ scio exspectas: dico tibi, ne exspecta. Famæ litare conati olim sumus, nunc Quieti: & Seneca faciat suadeatque, si viuat. In hoc theatrum aretalogi prodeant & chrestalogi, emanent qui sine fūco rem, non speciem, præbent. Quam diffundor? cum præsentē secare sermones videor: & es animo: optore sic affectum. Ita vale mi Rubeni. Louanij, vi. Kal. Nouembris, ∞. 16611.

## EPIST. IX.

*Patanium:*

GVILIELMO RICHARDOTO suo S. D.

**R**ARO aut scribitis, aut ego quidem accipio: & video eandem culpam, an casum, in meis litteris esse. Quid faciam? feram, ut multa in hoc æuo, non pro altis bonisque ingeniis, ut rem dicam. Vaticinari lubet. intra paucos annos, si sic pergitur, Doctrinæ melioris nomen Europæ subducatur, & barbaries ac sordes erunt, quas aui nostri viderunt. Τῷ δ' ἐπεὶ τὰ τοιαῦτα μέλλουσι: mihi, ut bona teneam aut appetam, & inmotus stem contra malitiam aut inscitiam ingruentem. Cadere, non cedere,

dere, possum. Sed heu illa oractiam vestra ! olim luxit, & radios  
vel in has oras sparsit : quid nunc ? cum Pindaro,

\* Λαμπάδα δ' ἔδδεις οἷός τι φέρειν

Ἰπ' ἀγυμνασίας ἐτι τυλ.

\* Facem  
nemo forte  
aptus, pra  
imperitiā  
bedie.

Pudet, cūm lego quædam : quid vel illa nostri *Lucij* ? etſi ego  
refutaui, verè — *apinas tricasque, & siquid vilius istis*. Et hæc  
illuc eduntur, leguntur, fortasse & probantur ? ô murcidi, an  
murci, & ab omni honestiore militiâ iam soluendi. Sed ego ille  
alienus ab omni pugnâ, tamen refutaui, & mundo ostendi,  
quàm verè olim Hippocrates : \* Σφαλερὴ καὶ ὑππταίσεσσι μετ' ἀδολεχρίας  
ἐχέρησις. Etſi non ἀδολεχρία hîc tantūm, sed \* βασικανία : atque  
ille fons præclaræ scriptionis. Quid tamen efficiunt ? vt libe-  
rè dicam,

\* Præcept  
& labi fa-  
ciliis, cum  
garrulitate  
confidentia,  
\* nuden-  
tia.

*Multa Dircaum leuat aura cygnum:*

atque illi tela non peruentura, adeò non læsura, spargunt. Qua-  
re igitur respondeamus ? non vt vlciscamur, sed vt emendemus :  
non aliter, quàm pueros compescimus lasciuientes. Sed de *Lu-*  
*cio* videbitis : nec velim alium utique ὑπεραριστῶν mihi dari. Non  
Segetum illum nostrum, etſi offert : cui vtinam pro meo voto  
benè lauteque sit ! Sed scribe semel, quid mali fati aut vitij il-  
lum premar : \* Καὶ μοι τῶτ' ἀγόμεσον ἐτίτυμον. — nam iuuenem, olim  
inter meos, amo. Fratrem in viâ esse, lætus audio : Deus ad suos  
& ad me ducat. Tu autem Bononiam ? nec illuc pro spe aut vo-  
to fortasse omnia reperies. Tamen vel repertis vtire, & quod ille  
ad Vlyſſem,

\* Atque  
hor mihi  
offer vera-  
cior.

Ἐὶ δὲ δαιμόνιον ζήτησαν, καὶ τίμνω τοῖσδε

Οἷα πάρεστι.

Me autem ama : quod non facies, nisi illa quæ à me amare per-  
gis, id est recta & honesta. Pompa ne te abducatur, vide. Loua-  
nij, xiiii. Kal. Sextil. ∞. IOCII.

## EPIST. X.

*Antuerpian.*

AVBERTO MIRAEO CANONICO S. D.

**L**ITTERAS tuas, & quæ inclusa erant, accepi; atque  
etiam excusationem, de raritate scriptionis. Scio non à neg-  
lectu esse, & mihi atque occupationibus meis dari interpretor  
libens.

B b 2

EPIST. XI.

Augustam.

MARCO VELSERO V. I.

**F** E C I quod volueras, et si ego haud valdè vellem: scripsi, inquam, ad Masium, in re pecuniariâ. Quid tu autem censes? Tagum aut Paestolum nobis fluere? mera hîc inopia, & priuatim ac publicè (pudet dicere) mendici pænè sumus. Ego  
ille

ille animo diues, & Stoïcorum dogmatis, in metallis istis delinquo, & de fide congiarij annui laboro. Ego, qui in gratiâ Principum & magnatum esse non diffiteor: sed sic laboramus, & diuturno isto bello afflictî sumus, an exhaustos dicam? Tamen Mafius (actor tuus dicet) benignè respondit, facturum omnia quæ in copiâ eius erunt: dolere tantum, quòd consiliis eius ante biennium aures non præbuiſtis. Nam tunc res laxiores. Iſta dere, quam ſolam rem multi cenſent. Carmen N. accepi, & à tuâ interpretatione probaui. Nudum ſi viderem, quid afficeret? ſed *inuidia victæ*, vt ais, *ſi hæc trophæa*, age, in porticu meâ aut portâ ſuspendam: ſed non in *Senecâ*, ne erres. Eum diſſero, non omitto. numquam ſcriptorem illum & vnicum magiſtrum è manibus: non tamen ita, vt omnia publicemus. Reuerſentia me æui & iudiciorum habet; elimanda ſunt, quæ illi conſcribimus, & iſtis delegamus. Sed heus tu, vidistiſne qui ex tranſuerſo me petiit? vidisti, etſi diſſimulas: iudicij autem vel & conſilij tui copiam voluiſſem. At nunc ſerum eſt. nam reſponſi. hîc habes: dic vel nunc quid de utroque videatur. Sati' ego pro ſano, qui non ſanum reſponſi honore ſum dignatus? Diſſicile in iſtis temperare: etſi uſque adhuc Europa dicit inoſtrem me, imò & per-patienteſ, fuiſſe. Quàm multis non reſpondimus? quos vt infantes vagientes habui, & riſu non ſcripto componendos. Non probo iſtos, qui ad ſingulos inſultus ſe parant & exſerunt, & in gladiatoreſ pugnant: nec tu mi Marce, ſi te antiquorum hominum & morum noui. Philoſophi ſumus? tranſeamus. Chriſtiani? patiamur, alieni ab exceſſu illâ delictorum omnium, ſuperbiâ & vindictâ. Sed ſcriptum habes, iudica. vincas aut vincam, parum eſt: cum Ariſtippo, *Ego victus abibo incundiùs, quàm ille victor, dormiturus*. Etſi non poteſt hoc bonis arbitris: quem te cenſeo, & mihi fero. Adiuncta ad Delirium noſtrum eunt: perueniant, obſecro, te mittente. Martialeſ, qui ad te & tuos, vidimus: multa bona: voluiſſem ſtriſtiùs quædam dicta. Sed ille cauſas ſuas habet: pro hoc æuo iuſtas, pro veteri improbandas. At ſcænar etiam Roſcius ſeruiat, ſi viuat. Dij boni quàm longus ſum! quàm morem & ingenium meum migro? Amor eſt, in te iudicio ſuſceptus, & æternum, æternum, mi Marce ſeruandus.

duſ. Si eadem tibi cauſſa, idem fac, & vale. Louanij, xvii. Kal. Septemb. ∞. 1611.

## E P I S T. XII.

N I C O L A O H A C Q V E V I L L I O S. D.

**T**VAS libens vidi mi Hacqueuilli, cur non antea? Decebat te, ſi vis rem dicam: & litteris etiam promptè adire eum, quem ſermone ſoles. Sed cùm feciſti, ſatis feciſti: in vnâ re hæreo, litteris Baronis Bonœuillij, quas tuis adiunctas ſcribis, & nullas in faſciculo vidi. Conſidera, permiſſe nolim: & ſi eſt, ſciat ipſe non vidiffe. Vni illius gentem, & ipſum amo, eoq̃ue gratum fuiſſet mutui affectus teſſeram manum videre. De itinere tuo, Deus fortunet, itemq̃ue ſtudia, quæ in ipſâ Galliâ (ita audio) amplecti & exſequi te, equidem probo; dumtaxat vt tu totâ mente hîc te dones, dum ætas tua & publica iſta pax finit, bona nutritrix artium, quarum Gallia veſtra ab annis mille quingentis ferax & felix, inter Europæ prouincias, fuit. Si ſcias, mi adoleſcens, quantum in iis momentum ad prudentiam, ſapientiam, & vno verbo, veram felicitatem ſit; fortiùs & arctiùs amplectere. ſed crede nobis, & vanis ſepoſitis hæc vera & ſolida amplectere, tuo & publico olim bono. Pompa & ambitio sæpè abducit, & quod poëta ait,

— nos vilis turba caducis  
Deſeruire bonis, ſemperq̃ue optare parati,  
Spargimur in caſus.

Sed excerpe te turbæ, paucis bonisq̃ue adiunge, & in tunicâ non lanæ aliquod filum, ſed purpura (vt ille ait) eſto. Hoc ſuaſeo, hoc voueo mi Hacqueuilli: & iſta ſi amas (neque enim aliter) me amare. Louanij, Kal. ipſis Sept. ∞. 1611.

D. Legato parenti tuo S. & officia mea deſero: idem D. Bani Thuano.

## T E S T I M O N I V M.

**Q**VI ſubſcripſi teſtificor, N I C O L A V M H A C Q V E V I L L I V M, domi nobilem adoleſcentem, in optimis ſtudiis artibusq̃ue deditum, hic annos aliquot egiſſe, me vidiffe & frequen-  
taſſe,

*tasse, ingenio eius & indole oblectatum. Ut in viâ cœptâ longius per-  
gat, eius conatus, nostra spes est & votum: preces etiam apud exte-  
ros, vt adiutum promectumque velint. Naturam benignam reperient,  
ingenium facile; faueant, dirigant, & ad proprium & publicum bo-  
num (ita natus est) ducant. Hæc breuiter, & testimonij fide*

I. Lipsius, Professor &  
Historiographus Regius.

Louanij, Kal. Sept. ∞. 1611.

## EPIST. XIII.

*Mediolanum*

ERYCIO PVTEANO suo S. D.

**L**I BENS tuas vidi, quia ex interuallo: & saluere te didici,  
& nescio an benè, bono tamen animo in iis locis esse. Sie  
oportet fato se aptare, & tranquillum, atque interiore animo hi-  
larem agere, in omni sorte. De Epistolis meis non visis, mirabar  
iure, nec iure mirabar. Post tot menses non peruenisse? Sed tem-  
pora & studia cùm cogito, & quibus rebus artibusque pretium  
nunc sit, mirari desino, & que etiam nugari desino, id est hoc  
agere publicè quod hæcenus egi. *Sera est in fundo parcimonia*, ait  
ille: sed non sapientia; & quandocumque ea venit, priora cor-  
rigit; & fluctus nihil obstant aut incommodant, qui, etsi ferò,  
est in portu. Deum immortalem! tali æuo nos viuere? & nos  
omitto: sed illic, vbi alta & immota pax, & quod sequi vide-  
batur, ingeniis artibusque honos; nihil in pretio, nisi pretium,  
esse? Indignor, sed leuiter: in metâ sum, & laborent aut fata-  
gant, qui sequuntur. Italus ille qui me tetigit, ego repëcussi: &  
ius est. neque sapiens fileat, & proteruiam castiget, sed eo ani-  
mo quo solemus lasciuia puerorum. Scriptum meum vidisse  
te & Septaliū velim, quem animo huic indui: & scio proba-  
tuos. Quid vos? ipsos hostes meos, si quos vitio suo, non me-  
rito meo tales habemus. Labet fidenter loqui:

— *mens altum spirat honorem:*

*Conscia factorum.*

Sed hæc talia, cogita quàm nos excitent, & ad alia porrò mit-  
tant. Ill<sup>mo</sup> BORROMÆO te innotescere, gratum est; in melioris cui  
Prin-

Principi, & stirpe suâ digno. Septalium in morbo esse, & tali Saturnio morbo, triste: Iupiter & Venus potius respiciant, & optimum ac doctissimum virum publico seruent. Vibrandus Anskema, plenus spirituum iuuenis, & nuper inconsultò maritus, obiit ante dies paucos, tristi & populari morbo sublatus. Etiam Nicolaus Micaultius, ille meus, probus & pius, si quis Belga; sed lentâ & obscurâ tabe absumptus. Denique Euerardus Pollio, olim è meo contubernio: acre & arduum ingenium: & hunc pulmonis exulceratio absumpsit. Vides funera, sed priuata: quid publica dicam? Belgica tota languet, & inualefcunt qui religionem & imperium mutata volunt. Quid causæ aut culpæ sit, malo scire quàm prodere: vos etiam auditis, & quàm non omnia hîc ex normâ aut more veteri,

*Novit & Arctois si quis de solibus horret.*

Quod in epistolâ tuâ pluribus exsequeris, non hîc refello aut approbo: coràm mallem, & iudicia tua audire, sed & formare. Illud velim & adsuadeam, ex Euripide:

\* Sacra faciam illis potius ipsi, quam sero  
Irascar, & vocalicivæ, homo cum sim, Diu.  
\* Admota capite, & ne quisquâ exanimas aliter.

\* Θυρίμ' αὖν αὐτοῖς μάλλον, ἢ θυμέμην  
Πρὸς κέρβα λακτίζοιμι θνητὸς ὢν θεοῖς.

permitte enim leuiter hæc à me immutari & adaptari. Sed ut dixi, hæc talia incoràm mallem, & cum Homero

\* Ἀλλ' ὅταν κεφαλῇ, ἵνα μὴ πευθαίῃσ' οἱ ἄλλοι.

Septalij libros auidè exspecto: tunc ad ipsum, nunc salutem plenis faucibus propino, itemque Sacco. Louanij, x i i. Kal. Nouemb. ∞. IOCII.

## EPIST. XIII.

*Mediolanum.*

IOANNI BAPTISTAE SACCO.

**M**IRVM, & non mirum, te epistolam illam meam, nisi meditam, non vidisse. Ordinariis cursoribus tradita est, sed quid tam sollemne hodie, quàm fraus aut officij neglectus? Illud gratum, animum meum tibi conspectum esse: qui certè, mi Sacce, in te propendet, & amans cupit amari. Fac merenti. non eâ parte, quâ autumas, quasi Famæ te consecrem: non ea vis mihi, etsi voluntas: sed quia iam olim constanter erga te afficio, & addam eximie, sermonibus scriptisque proditum, & proden-



prodendum. Scisne autem, aliquem ab Italiâ (nisi titulus imponit) proteruiter mihi insultasse? Sed caput sustuli, & manum exserui, & puto, æquis & iniquis arbitris, hanc quidem palmam rerulisse. Vbi sumus? inter quos Lapithas viuimus? Innocentia mea orbi testata est, & industriam approbare quidem conatus sum: ecce conuiciorum plagis excipior, & panem ad Tarpeium saxum vocor. Tacitum corrupti. Dij hominesque: nullus auctorum hodie (fidenter loquendum est) magis medicam, magis opportunam manum, à meâ sensit. Sed isti viderint, qui scribunt, qui legunt, qui fauent: ego, vt bonus bonis approber, nec transuersus agar ab hoc Calumniæ an Inuidentiæ æstro. Philosophor nunc, & in Senecam, imò totam Stoam aliquid molior: si Deus & Fatum emoliri dant & absolute, ignauia me absoluet postera aliqua ætas. Vale Cl<sup>me</sup> Sacce, & me ama. Louanij, ix. Kal. Decembr. ∞. MDCL.

## E P I S T. XV.

MATTHIAE HOVIO, *Archiepiscopo Mechliniensis.*

**I**LL<sup>ME</sup> ET REV<sup>ME</sup> DOMINE: Petiturus venio, quò non libens inclino, nec nisi consiliis & monitis aliorum inductus, etiam medicorum. Multos annos iam tenuior valetudo corpusculum debilitat, quod sobrietate tamen, & dilectu aliquo ciborum, & exercitij mediocritate, sustento. Sed vsu iam didici, piscium solorum vsu, & parum alimonix sufficere, & si quid prauum aut melancholicum humoris in me, commouere. Equidem vsque adhuc Ecclesiæ S. Romanæ ritibus & præceptis libens, vt debeo, parui: & cum sensu etiam aliquo incommodi, Quadragesimalem in cibo castimoniam seruaui. Scio enim homini, Christiano præsertim, *summam felicitatis* (vt Seneca ait) *non esse in carne ponendam*: & scio etiam primogenios parentes nostros à Paradisi gaudiis per cibi voluptatem excidisse. Itaque rediri etiam ad illa, per Abstinentiã: sed iudicio tamen & prudentiã temperatam. *Non enim per eam caro*, vt vir Sanctus scripsit, *sed carnis vitia sunt extinguenda*. Hac causâ ad te, summum nostrum Sacrorum Præfulem, confugio: & moderationem, aut remissionem, in ciborum abstinentiã peto. Sed eâ lege, quam

C c ipse

ipse mihi pono, ut non nisi in necessitate usurpem, aut mihi indulgeam: id est cum prostratæ vires depolcere videbuntur. Ego, si impetro, vota pro salute tuâ & publicâ interponam, eò ardentius, quò magis & meam tibi, Ill<sup>me</sup> & Reu<sup>me</sup> Domine, referam acceptam. Louanij, 1111. Idus Febr. ∞. 10CIII.

## E P I S T. X V I.

*Audomaropolim.*

ÆGIDIO SCHONDONCHO V. R. S. D.

**C**VM abiisti nuper à nobis, corpore hoc factum; animo obuersaris, meo quidem, vouco & in tuo sic esse. Sed maxime in eo opus quod moliris, & cuius argumentum atque ordinem volenti ac lubenti mihi denarrasti: in quo serio pergere te, atque feliciter finire, publicâ etiam causâ hortor. Enimvero veteris tui *Admiranda* concepi animo, & partim stilo digessi, aliquid edidi: nostri & superioris huius, tuum institutum, ac iam debitum est: quare? suscepisti, promisisti. Aurem tibi vello, perge: educ è tenebris præclaros viros, & facta: propone in exemplum: da ipsis lucem, ne per incuriam nostram sic

\* *Æquali  
in famâ  
virtutis  
amator, &  
hostis.*

\* *Εν δ' ἡ τιμὴ ἡμῶν καὶ τοῦ καὶ τοῦ ἐοδότος.*

Fructum, mihi crede, ea res amplum dabit: vis & famam? non spectas, ut tua pietas est, & aliena externis omnibus vita: sed & hanc spondeo, bonam & mansuram quamdiu Virtuti pretium erit. Industriad tuam noui, sed & stilum talibus aptum: illam exsere, hunc admoue, nec pauculis istis vitæ annis curas tuas circumscribe. Habes ab amico consilium, siue monitum interpretaberis: habes iamdiu affectum, neque nescis; tuum ex æquo mihi præsta. Vale R. P. Louanij, xvi. Kal. Mart. ∞. 10CIII.

## E P I S T. X V I I.

DIONYSIO VILLERIO V. R. S. D.

**D**IVTIVS factum est, cum tuas accepi, nec respondi: sed tuo exemplo (si vis verum audire) factum. Nam & tu remissior esse in scribendo soles: non in amando, hoc scio, & hanc de te fiduciam habeo; velim de me idem. An mutem, aut minuam?

minuam ? augeam potius, si quis gradus ultra summum esse possit. Consistamus. Tardiores me tamen in omni officio, vel ætate, vel valetudine, fieri sentio : nec molestè fero, & desinere appeto, vel desisse. Sæculum video, & Honesti vix scintillas alibi reliquas : nihil nisi fumum & nugas, & ea quæ mœror est cogitare. Felicem me, qui cursum pænè decurri ! Eram in Stoicâ Philosophiâ totus : scis quàm non pro Genio æui, quod vel nomen odit. Itaque mihi meditor & scribo. Inuitas me ad tuam domum. Scisne ? si solus sim, haud frustra : iam adsum, & viuam & moriar apud animam amicam. Compedes habeo, soluar ipse antequam soluam. Duci Arschotano (quem solum generosi animi inter omnes proceres sum expertus) Carmen nuper scripsi, in HEVRIAM suam, petenti. Editum est, cum Iconisino eius Prætorij, quale id animo (nondum plenè in opere) destinauit. Ita me Deus, bellum & elegans, & Principe viro dignum erit, cum perfectum. Videbis, aut iam (quæ eius in te benignitas) vidisti. Heus, est quod tibi soli significem. Rex Galliæ scribi ad me iussit benè seriò, ante duas trêse septimanas, & in suum regnum, loco & conditione quibus vellem, inuitari. Excusauit, & gratias egi. Iterarunt tamen, & vel ad orium, quale in Batauis Scaliger, vocarunt. Ego in sententiâ mansi, id est abnuui : nec lubet peregrinari ultra ; lubet, ut dixi, ad metam ire. Melancholia est, inquires. Nosti veterem meum morbum, corporis tamen adhuc magis quàm animi : & , nisi ipse me fallo, ea pars constat & valet. Te utroque opto, mi amicissime, & quod à puero fuisti in me esse. Louanij, postridie Idus Martij, 1603. IOCH.

EPIST. XVIII. *Romæ.*IOANNI BAPTISTAE BARONIO *suo* S. D.

**A**M O tuam satis crebram scriptionem. Satis, nimis non dicam ; non, si in dies me compelles. Suaue semper à vobis aliquid, & de vobis audire : quos animo huic fideliter habeo insertos. Gaudeo ROMAM venisse, illam olim magnam, augustam, SUPER-ADMIRANDAM : nunc sanctam, religiosam, venerandam. Sed vel nunc vestigia magnitudinis suæ habet : quæ magis eminebunt, si cum vetustâ lectione cogitentur

simul & lustrentur. Inuideo vobis (cur mentiar? quod mihi non iterum calcare ea loca fas: atque vrinam vel furtim liceat, & pænè dicam, Geniali aliquâ machinâ eò transferri! Nam hîc nubes, tenebræ, horror, terror: & à rebus bonis honestisque squalor & solitudo. Partes alteræ inualescunt, viribus & consiliis: ipsa hæc schola desolatur, & metu aut tædio diffluit iuuentus. Ego me solor & erigo Sapientiæ studiis, & SENECA seriò habet: sed vereor, vt mihi. Quibus enim ista? & breui vel nomen ipsum LITTERARVM ludibrio aut contemptui crit. Magnus tamen & rectus animus, recta non deferet: non,

— *si tremendo* —

*Iupiter ipse ruat tumultu.*

Carmen tuum ad pontem Metauri fluminis scriptum legi, & amaui. Fac, fac, exferant se interdum & emicent flammulæ istæ ingenij: & pange si non aliis, tibi & mihi. Imò & Rubenio, & quem prædictum oportuit Richardoto: quod consortium tibi gratulor, nec vel vota melius donent. Itaque si illi hanc ætatem etiam Romæ, auctor vltro sum manendi: sin redeunt, non sim, & inclinem te redire, & in viâ tamen Germaniam videre. Domesticas tuas res, à fato optimi parentis, inspiciendas etiam tibi opinor. Sed, vt dixi, si illi manent, indulgeo: Deum precatus, vt apud te Sanitas maneat & Amor nostri. Louanij, Postrid. Idus Mart. ∞. IDCIII.

Heus tu, Carmen & ego ad vos tres subitum scripsi: hîc habetis.

## AD

GVILIELMVM RICHARDOTVM,

IO. BAPTISTAM BARONIVM,

PHILIPPVM RVBENIVM,

olim & nunc SVOS, sed iam ROMÆ sistentes.

## Phaleuci.

**E**RGO vos habet illa magna Roma?  
*Florens olim opibus, superba testis,  
 Lata ciuibus? vrbium vrbs, & orbis  
 Princeps? olim ea: nunc modestiores*

*Inscribit*

Inscribit titulos, PIA atque SANCTA,

Et sedes adeò ipsa SANCTITATIS.

Verùm vos habet. ò meum dolorem,

Quòd non me quoque habet ! licebat, imò

Libebat, sed & addam ego hoc, decebat.

Quid tamen tenuit ? mala illa Parca,

Quæ filum mihi neuit, haud abire,

Quæ filum mihi neuit, hîc obire.

At vos ò mea triga, dum fruisçi

Jam datur, facite : & vetustioris

Illa Urbis monumenta, Tempa, Circos,

Arcus, Balnea, Porticus, Theatra

Cum lustrabitis, hoc subinde votum

Interponite : DOCTOR ILLE NOSTER.

ADSIT LIPSIVS ! hoc iuuabit, & me

Alà hac visite cogitationis,

Alà vos ego cogitationis.

## EPIST. XIX.

*Cæsaraugustam.*

DOMINICO AVENGOCHEA I<sup>to</sup>

*Senatori Regio in curiâ Aragonum.*

**D**VPLEX à te munus accepi, amorem tuum eleganti epi-  
stolâ oblatum, & libellum siue *μίστμ*, vt inscribis, doctri-  
næ simul & innocentiae tuæ verum testem. Vir Amplissime,  
tanti Lipsius fuit, vt ultro sic adires ? Humanitate me vicisti : af-  
fectu non facies, vt omnia facias : & hunc tibi ex pari certè red-  
dam. Atqui & ipsum te ab adolescentiâ pænè mihi aperis, &  
Doctores tuos, & peregrinationes describis : illos egregios aut  
primos virorum ; has varias, & cum vtilitate iucundas. Quæ res  
magis & ingenio limando, & iudicio dirigendo est, quàm istæc  
locorum hominumque visio aut vsurpatio ? nulla, neque vni-  
quam sedentaria lectio aut diligentia hanc æquet. Gratulor sus-  
cepisse fortiter, confecisse feliciter : & hoc gratulor, quò virtus  
tua & prudentia vocabant, eò à Rege maximo productum, ad  
fastigium togati honoris. Quem honorem quod homines im-  
probi aut liuidi obtenebrare calumniarum nebulis conati sunt,

gaude. Conati sunt: tua clarior lux effulsit, nec probitatis tantum, sed ingenij; cuius telum, fortasse alioqui vaginâ condendum, in hac occasione acuisisti & protulisti. Atque illi ubi sunt? mihi periisse de plano videntur, & iudex si addicar, non horam hîc moram faciam, nec censeam *AMPLIANDVM*. Confide, idem æqui bonique omnes alij: si iam non fecerunt. Et censio quidem illa, siue *ἐξίτασις*, bono & antiquo more apud vos vsurpatur: sed ut prudenter mones, cum temperie exercenda est, & malitiæ reprimendæ, non innocentie diuexandæ. At mea etiam scripta defensionis tuæ placuit inferere: id est, me honestare. neque aliter interpretor hoc iudicium talis viri. quod si ætas, aut melior propiorque mei inspectio, mutabit fortasse: at ne affectum hoc rogo, & hunc mihi integrum illibatumque serua; ita te ille *MAGNVS DEVS*. Louanij, xvi. Kal. April. ∞. MDCLIII.

Breuiorem me ægritudo fecit: quæ hoc ipso tempore habet, & ab amore profectò est quod scribam.

## E P I S T. XX.

LUPERCIO LEONARDO ARGENSOLAE S. D.

**S**VAVES vestræ litteræ, addam etiam latæ, parum suavi aut læto meo tempore aduenerunt. Neque enim inualetudo solum me, sed morbus habebat, & medici aut medicina in oculis: tamen rescribendum vel breuiter censui, abeunte Nuno Mendozio nostro, & Hispaniam suam, iussu Principum, repetente. Breuiter inquam, scribo: sed animo largiter: qui vos tales quomodo non amet? In doctrinam non affecti solum, sed eâ perfusi estis: me seriò & candidè (ita solet vestra natio) amatis: & ego non reponam affectum? Facio, liceret modò sæpius, liceret propius vobis frui: suaue huic animo esset. Et, Deum immortalem! quàm tempora hæc turbida Amicitiam, id est Solem illum animorum, requirunt? Bella perseverant, titulo Ciuiliū tristia, euentibus parum fausta. Auditis, credo, & nobiscum doletis. Hæc æstas in metu est, ob hostiles apparatus: & opidum hoc nostrum iam in limite etiam belli: en quò ventum! Scitis sedem hîc Pietatis & Doctrinæ esse: periclitatur

clitatur vtraque cum illo minui in Belgis, non enim dicam perire. Sed hæc tristitia.

*Quæ procul à nobis flectat fortuna gubernans:*

aut Deus potius, vt piè magis loquar. Læta succedite. Lætum enim certè, quòd producis & nominas in eo etiam tractu amicos nobis, id est Doctrinæ: cuius instar aliquod in me (quid enim aliud?) amant. Inter eos Gabrielem Aluarezium, è Societate Iesu, de vnâ epistolâ nosse me puto, quam ante annos duos, tres, Andreæ Schotto benignè de me scripsit. Redamare me seriò dicito: non eum falles. Idem de Doctore Bartholomæo Laurentio Theologo, Doctore Bartholomæo Morlanes I<sup>a</sup>, quorum doctrinam prædicas, scribere me & sentire scito. Quid de Gabriele tuo, lepidissimo puero? hunc ego per te dis-fuauior, & in optimâ viâ pergere hortor, & ad candidam calcem peruenire. Fauco toto animo, & ad Patris & Patruorum exempla voco. Plura non licet. hæc ipsa ægrè, & ægrum referent: affectu tamen valido & viuo. Louanij, xv. Iul. April. ∞. IOCIII.

## EPIST. XXI.

*Tornacum.*

P. LEONARDO LESSIO, *Theologo Societ. IESV.*

**P**ERGRATA mihi scriptio tua, & cura mei, quod scire te scio, quia & affectum meum non ignoras, magnum, stabilem, & ære vel adamante firmiorem. Ideò & gaudeo, cum mutua fieri video: & certè solatij vel leuamenti in hoc languore diutino egemus. Aquam aspersisti. Quamquam non sic extrema omnia apud me, vt fama illa prior dixerat: sum quem reliquisti, aut paulò deterior, sed valetudine scilicet vacillante & variante. Dies vnus matrem gerit, alter nouercam. Statui Antuerpiam excurrere, & ære mutare, ac corpus commouere: quod vsu didici firmando mihi esse. Sed corpus attenuatum est, & vnus lineæ me hominem dicas. Naturæ tamen meæ illa bonitas est siue teneritudo, vt facillè labatur, & lapsa assurgat. Vtinam te illuc videam, & amplectar, nunc medicum corporis, vt semper partis illius melioris! Intra triduum aut quatrimum, si vires non abnuunt, in iter me dabo. De Spadâ, non ausim etiam cogitare. Salutaris mihi illa aqua; sed neque nunc excussi me-

tum,

tum, & faciem illam *θορυβώδη* nostræ fugæ. Quin potius videbo, quid peregrinatiuncula leuamenti dabit, & vigor hic Veris,

— *cum tempestas arridet, es anni*

*Tempora conspergunt viridantes floribus herbas,*  
an non & ego reuirescam? videbo, inquam: & tamen cum Pindaro sciam, *θανάτῳ περισέλλον μέλην, καὶ πλευτὰν ἀπάντων γὰρ ἔπνοσός μιν*. Corpus hoc illuc it: anima, quò Deus & tu vocatis. O gratum mihi autem de precibus, te faciente, pro me conceptis! Iuuabunt, imò iuuerunt, & meliorem me, si non firniorem, reddent. Caput in illo est; de cetero,

— *improuisa leti*

*Vis rapuit, rapietque gentes.*

Tu vale mi Pater, breui oculis, vt spero, vsurpande. Louanij, Kal. ipfis Maiis, ∞. IƆCIII.

Saluto ex animo R. P. Flerontinum, & P. Schondonchum, quem videbis.

## EPIST. XXII.

*In Russiam.*

DEMETRIO SOLICOVIO, *Archiepiscopo Leopolitano.*

**P**OPVLARES tui apud nos sunt, Palatini Sandomirien-  
sis duo filij; mihi crede, hoc nomine gratiores, quò parentem & vicinum & amicum tuum significabant, atque hoc titulo mihi iam carum. Non blandior, sed te, non in Poloniâ tuâ solùm, sed Europâ, inter eximios habeo, & rarum sidus in tenebroso isto, & quod veterem nobis squallorem minatur, æuo. O ex corde votum! adsim & conuiuam talibus! sermones & iudicia misceam, doceam inuicem & discam! Fatum meum vetat, iubet inter bella & militares mores aut hominès consenescere: si tamen hoc datur, & non Parca ante ipsum senium me tollit. Languor adfiduus dicit, & cò ducit: ac iam quidem fusi ante duos menses ad ipsas fatis portas. Tamen gradum frænauì, redire cœpi: sed nescio an non, vt Eurydice illa Orphei, reuocandus. Epistolas meas vltimas vidisse te censeo, & ad te quasdam: parabam totum *Senecam*, itemque *Philosophiam* vnâ *Stoicam*: vires abnuunt, & animosè cœptis languores isti intercedunt. Te autem, Ill<sup>me</sup> & Reu<sup>me</sup> Domine, longum valere bono Reipublicæ ex animo opto. Louanij, III. Kal. Iulij. ∞. IƆCIII.

EPIST.



EPIST. XXIII. *Cracouiam.*

BERNARDO MACIEIOWSKIO, *Episcopo*  
*Cracouiensi, Duci Seueriensi.*

**N**EPOTES tui cùm ad nos venissent, & sedem figere destinarent in hoc, vt ita dicam, bonarum artium foro, & quadam panegyri: non indecorum putauì si hoc ad te scriberem, & simul de operâ significarem, quam illis in laudabili hoc proposito voui. Nam etsi publicè satis impediore lectionibus, & priuatim scriptionibus (è quibus quædam publici etiam iuris factæ sunt:) tamen decerpendum aliquid temporis censui, quod horum institutioni, aut certè directioni impenderem. atque id Reipublicæ etiam adspectu, cui hi tales è primariâ nobilitate meritò destinantur. Sicut medicus libentiùs atque animosiùs operam impendit in Rege aut Principe curando, cuius salus salutis aliis esse potest: sic nos in iis docendis, qui prodesse consilio atque operâ pluribus possunt. Progressum iam eos aliquem fecisse ego video, & idoneo Præfecto concreditos aut inspectori: vt porrò in hac viâ pergant, metæ magis & magis accedant, mihi, quamdiu in his locis erunt, seriò curæ erit, & pro ingenij atque orij mei copiâ adnitar. In quâ re non aliud equidem, quàm ipsos & Reipublicam, vt dixi, specto; præmij alterius nequè appetens, neque (liberè dicam) egens. Tua tantum amicitia, aut certè beniuolentia, si mihi accedit, operæ pretium grande erit: quem ego Virtutis & Dignitatis causâ colo atque æstimo: Deum precatus, vt te Reu<sup>m</sup> & Ill<sup>m</sup> Dontine, diutissimè Ecclesiæ & Reipublicæ velit esse saluum. Louanij, III. Kal. Iunias, ∞. MDCLII.

## EPIST. XXIV.

GEORGIO DE MAGNA CONCICE MINSCHÉZ  
*Palatino Sandomirienfi, Capitaneo generali Leopoliensi,*  
*Samboriensi, Medinienfi.*

**L**IBERI tui ad nos, studiorum & animi excolendi causâ, venerunt: atque ea mihi occasio scribendi. Grati sunt, quia à longinquis illis oris, quia à tali parente & stirpe; grati à se  
 D d etiam,

etiam, quia inclinationem vel ardorem in optimas artes præferunt, quibus cœperunt imbui iam, non solum tingi. Equidem tibi hanc talem stirpem, & ex eâ gaudium, gratulor: hortor porro habere in his animorum gymnasiis, & quidem à te abiunctos, ut virtuti & doctrinæ magis iungantur. Sicut agricolæ, qui plantaria habent, nouellas stirpes transferre & transferere è naturali suo solo in aliud solent, ut laxius lætiusque crescant: sic oportet liberos, non genitali solo affixos sterilesce, sed in aliud aliudque translatos robur & incrementum sumere, & succrescere in Virtute. Nec tamen longum hoc nimis esse suadeo. & sicut qui ignem è viciniâ petunt, non illuc desident, sed accepto eo domum redeunt, atque ibi accendunt: sic istos censeo velut scintillas & fomites apud externos quærere, domi deinde accendere, & sibi aliisque allucere. Ita nati sunt, ita à te formati & destinati, ut ad Rempubicam admoveantur, & in magno ac laudabili illo Regno sint vtilia quædam membra. Deus hoc dabit: ego, quamdiu hîc sunt, adiuuabo & adnitar, & in viâ benè cœptâ dirigam, & manu ac voce ducam ad salutarem metam. Hanc fiduciam te mei habere rogo Ill<sup>me</sup> Domine: imò & consilij & auxilij mei in aliis etiam copiam facturum, ubi copia quidem mea feret. Vale Ill<sup>me</sup> Domine, Regno, Regi, Tuis. Louanij, III. Kal. Iunias, ∞. MDCLIII.

## EPIST. XXV.

CAROLO, Duci Croyo & Arschotano.

**I**LL<sup>ME</sup> ET EXCELL<sup>ME</sup> PRINCEPS, An non extra decori limites (da veniam) Ex<sup>ia</sup> tua abit, quæ etiam de valetudine meâ inquit, & sollicitam se super eâ ostendit? Non sum tanti, ut tanti Principis curam merear: sed habere tamen iuvat, & hoc etiam vinculo officia mea tibi adstrinxisse. Dicam igitur, quia petis, id est iubes. Paullò melior & commodior videor, sed animo magis, quàm corpore; & ne dissimulem, isto videor ad tabem aut marcorem paullatim ire. & ut apud Ex<sup>tiam</sup> tuam liberè me aperiam, non inuitus ire: siue tempora ista, siue vniuersè sortem adspiciam generis humani. Tempora quidem ista, si tenebrosa aut turbida, ut neminem

minem paullo magis honesti, & vt sic dicam cælestis animi, delectent: imò vix viles & terreni isti subsistant, in assidujs bellorum nimbis aut procellis. Et quâ meliorum spe? cum finem belli habebimus, alia timemus quæ non lubet dicere: & ad summam, decretum cælitus videtur opprimi Belgas, aut perire. Itaque an infelix ille, qui præsentia aut imminencia mala euadit, & in portum nauigat ab omni istâ tempestate tranquillum? Si etiam communem sortem vitamque, vt dixi, consideras: per Naturam suaue est viuere, per Rationem non insuaue mori. Vita quid est, aut quid amœni habet? Qui optimè de eâ loquuntur, cum mimo aut ludo comparant; qui intentius & seuerius (addo & veriùs) cum carcere aut custodiâ assimilarunt. A natali nostro die, si inspicimus, lacrymæ & gemitus sunt, & cum grandiores eorum pudet, suspiria & internæ curæ. Quis dies aut hora vna læta, cui non denæ alia, velut ex decreto, succedant & excipiant? Sicut in mari fluctus semper est, etiamsi non tempestas: sic in vitâ motus & angores, etiam cum non dolores aut lamenta. Vera me dicere, etiam Ex<sup>ti</sup>a tua, in illâ altiore suâ fortunâ experitur: & quid censes homines iniuriæ & contumeliæ magis oportunos? Atqui in malis viuere, quæ vita est? & quis, cum portum aut pausam Deus ostendit, refugiat, & eligat iactari? Non mihi ea mens est: qui didici obniti fortunæ, & constantiâ vincere: sed idem, Deum sequi, & cum ad se vocat, alacri gradu, imò cursu, eò ire. Itaque, Ill<sup>me</sup> Princeps, nihil mali aut anxij morbus hic meus minatur, aut adferet: hominicionem vnum eripiet; & Deus bone, quot meliores me & grandiores? Tamen, vt in epistolâ & priuatâ scriptione manca, clientem vnum Ex<sup>ti</sup>a tuæ eripiet, fide & obsequio valdè promptum, & heroicis tuis virtutibus addictum. Hæc omitto, & Deo permitto: ad publica venio, quorum cura magis te spectat. In iis lenta omnia, nec adhuc læta: & nuper Fridericus Spinula ereptus, quod momentum in rebus maritimis habeat, non prompto alio successore. Triremium administratio, nostris parum gnara. E Britannîâ scribunt, Indecimâ huius Regem venisse Londinum, & illinc ad arcem Groenwicziam iturum, donec ad pompam coronæ publicitus imponendæ omnia sint parata. Magna scæna & splendor (ita ingenium gentis est, futura

videntur. Scribunt & Legatos Batauos iam appulisse, sed animi parum lætos, nec in Rege hoc nimis sperantes. Quid sit in re, nescio: illud bonis auctoribus habeo, illum artificem simulandi & dissimulandi esse, si quisquam umquam fuit. Incendium Rodiensis vrbe culæ non me admiratione affecit: illud de scintillis sic longè iactis, affecit: atque id sine vento. Genij his talibus interueniunt: &, vt in re nouâ aut prodigiosâ nequid mali augurij sit, Deum precor. Euundem Ill<sup>me</sup> & Excell<sup>me</sup> Princeps, vt te columen nostræ Belgicæ incolumem diu conferuet. Louanij, pridie Kal. Iunias, ∞. MDCLII.

## E P I S T. XXVI.

Tornacum.

DIONYSIO VILLERIO V. R. S. D.

**B**ALTHASAR noster iam apud te est, aut fuit, vt ex literis eius didici: & ergo ex illo certiora de valetudine meâ iam habueris; certiora, sed non lætiora. Quid nobis blandiamur? sum adhuc in valetudinario: & vt lumen, quod extinguitur, flammulas interdum iacit; sic mihi fieri videtur. Velut resurgo interdum & exorior, sed fortasse lapsurus. Tamen nunc iterum satis bellè, & ridere mea Sors videbatur. Quid est? vitam noui, factam mori, & cupitor longæ illius numquam fui. Varronis illud placuit: *Non eos optimè vixisse, qui diutissimè vixerunt, sed qui modestissimè.* Hoc verbi postremit amplexor: & certè Modum in omni vitâ, sed & Modestiam in animo amaui. Alij philologi aut litterati (audacter dicam, & examina) meo æuo, à vano multum traxerunt: ego strinxi, & interiùs adduxi; & ad vtilia aut profutura, non ad splendida aut famosa tantum respexi. Rarò scripsi, cui non sapientiæ aut prudentiæ, etiam vbi locus vix videbatur, monita aut præcepta sint inspersa. Hanc laudem mecum feram; & illam optimæ conscientiæ, publico elaborasse, nullius famam minuisse, aut per obrectatiunculas auctum meam iuisse. Amplius dicam: Pauci an nemo, meo æuo, singularia argumenta aggressi sunt, aut pertractarunt: ego feci, in Constantiâ, in Politicis, Saturnalibus, Militiâ, Admirandis: & sparsum etiam materias, quæ vsui aut oblectationi generi humano essent, disposui & ordine digessi. Ordine, quem  
in

in omnibus scriptis amavi: & super novos, atque adeò (an non superbum erit?) super veteres vsurpavi. Sed quò me animus rapit? ille, qui apud te esse autumat, & in sermone liberè, ac licenter etiam, garrere. Vale vir amicissime. Louanij, postrid. Non. lun. ∞. 163111.

## EPIST. XXVII.

DIACUM.

BARTHOLOMAEO PETRO LINTRENSI, *Doctori Theologo.*

**A**NIMO magis, quàm verbis profiteor, gratas mihi tuas litteras, & affectum qui illas dictavit, fuisse. Ego verò tale nihil à te meritus, nisi occulto item aliquo affectu, quem bonâ fide testari possum reddere me pari, vel auctiori modo. Inuitas ad hospitium: libens vsurpem, si illuc veniam; imò iam nunc promitto facturum, si venio. Veniam autem? an ad alia & meliora loca Deus inuitat, quem Ratio & Necessitas audire me iubent? Videor deserturus hæc infima & terrea, ô optabili permutatione, si diuina benignitas ad illa supera me ducit! Quis, non dicam linguâ efferat, sed mente felicitatem capiat, vbi regnum est Diuinitas, & lex Caritas, & modus Æternitas? vbi vita non nisi gaudium, & sensus omnis in Deo defixus, in consortium felicitatis eius transit? O ego illuc Pietatis alis subuolem! ô ego tuis & piorum votis adiuuer, & illo velut vento adspirante perueniam, corporis id est terræ huius securus, quidquid eâ fiat. Pondus est, vinclum, imò carcer: & quàm multis Affectuum nexibus nos stringit? Auaritia, ambitio, libido distrahunt; & meas atque alienas catenas video, & quosdam pluribus iis vinctos. Solue Deus, cum visum, & in libertatem illam primam asserere, tu, generis humani seruator & vindex. Vides Reudè & Eximie Domine cogitationes meas, nec inuitus apud te, aut indecorè promo, talium magistrum. Utamen de me aliquid toto, id est duplici parte, dicam: laboro, sed perinfecto morbo. atque adeò morbus esse non videtur; fortassis ideò grauior, & cum discrimine censendus. Sto, ambulo (nam iacere hæc alacritas vix potest) tamen delinquo viribus & deficio, & nec animus munia sua satis vsurpat. Sicut in citharâ cum nerui detriti sunt, aut dissident, etiam artifex, constante licet arte, non

Dd 3.

cam

cam exferit, & vitium ab instrumentis ducit: sic animo huic fit, per se prompto & gnaro, sed in dissonis chordis concentum non edit. Fero, & colo te & amo, & saluere toto animo cupio. Louanij, VII. Idus Iunias, ∞. IOCIII.

## E P I S T. XXVIII.

*Leodicum.*IO. CHOKIERO I<sup>to</sup> S. D.

**I**N languore me litteræ tuæ deprehenderunt, sed amor animi manuque crexit ad breue hoc responsum. Ais in conuiuio te fuisse, atque ibi de comitiis Romanis actum, ac fuisse qui Sexagenarios etiam admitteret: cum quo scito me sentire. Quis enim credet illam ætatem à suffragiis exclusam, quæ à sententiâ in Senatu non reiciebatur, vbi de summâ republicâ res erat? At prouerbiū vulgatum obstat. Non obstat, saniore sensu. Nempe sexagenarij non adacti ad suffragia, liberi erant si vellent: sed & accedebant, si vellent: non aliter, quàm milites scribi poterant etiam quinquagenarij, & scribebantur cottidie, sed suâ voluntate. Profectò in tanto populo millia aliquot sexagenariorum erant, quibus corpus & mens valida; cur suffragium iis adimeretur? Si factum, fieri non posset quin apud Ciceronem, aut alios, talis rei crebrior mentio, & quod fraude aliquando euocati à Tribunis venissent, numero augendo. Lis, dico, aut controuersia super hac ætate interdum fuisset. Ego ita arbitror, nec loca omnia Festi, Nonij, Ciceronis aliter euincunt. Noto etiam, hoc de Pontibus suffragiorum recens fuisse, & à C. Mario Trib. pl. latum: prouerbiū ipsum puto antiquius, etsi alij huc trahunt. Habes breuiter meum sensum, habe & affectum semper in te inclinarum. Louanij, prid. Idus Iun. ∞. IOCIII.

## E P I S T. XXIX.

*Eodem.*PETRO ORANO I<sup>a</sup> S. D.

**A**H triste nobis mi frater, de tuo meoque fratre, an patre dicam? Nam vtroque loco illum duxi atque habui; illo, ob affectum; isto, ob curam & directionem quam ab illo puer admodum in Vbiis accepi. Atqui abiit, & quidem cum à vobis

vobis & optimâ matre seiunctus esset, cui luctum, scio, æternum reliquit. At tibi quid? luctum, sed ratione & robore vincendum. Ratione, sapientiæ mysta es; robore, vir es, & sexus fortem, & vt cum Senecâ dicam, perpellicium magis te fecit. Non diffundor ad plura solatia: aliàs apud te in simili casu feci, & iam recenter apud Billeum nostrum, magno vulnere percussum. Deus bone, quot funera ego cotidie audio; siue & video, ipse æger & medicorum sententiis iamdiu funus? Tamen perseuero; animi (si non corporis) firmus atque alacer: & vt statua in basi, sic ego nixus sto in Providentiâ diuinâ. An non ab eâ decretum, quomodo & quando mihi hoc fiet? an non optimè, & ex vsu meo, decretum? Ita credere me par est; & si credere, non repugnare aut detrectare, sed volentem ceruices dare æneo huic iugo. Franciscum nostrum Romæ in omni modestiâ & industriâ agere, ab aliis accepi: nam inquirō, & cordi mihi est, atque erit. Gaude, & in mortuorum mœstâ memoriâ, solatia hæc pete atque adhibe à viuīs. Torliberi, & iam nepotes etiam sunt: & domum ORANORVM fundatam, & validis columnis nixam, relinques. Inter liberos, meam Isabellam per te dissuauior: fac, ne me falle. Vtinam coram possim! volo iamdiu, & valetudo adigit: discrimina repellunt, & omnia vestrâ intuta. Vale Vir Cl<sup>me</sup>, & semper germanum in modum meus. Louanij, xvi. Kal. Quinctiles, ∞. 1611.

## EPIST. XXX.

Romam.

PHILIPPO RVBENIO suo.

**S**VAVE est rectè vos valere. Ego abire nuper minabar, neque nunc firmiter consisto: vires vacillant, & æstiuī isti immo: dici calores non sunt reparandis. Spadam inuitant aut mittunt multi: sed in auxilio incerto certa nimis pericula terrent. Sæpè; ita me Deus, te præsentem optaui, & propiùs si abessēs, euocarem. Nunc fatis parendum est. Cœpi iterum legere; sed animo parum vegeto aut alacri: nec de perseuerantiâ satis confido. Quid est? homo sum, ad finem eo, & cursum meum non sine aliquâ gloriâ peregi. Valere te & viuere opto, gemmam inter meos Belgas, quod vero præfatio iamdiu dixi. Ama me, ego te æternum. Louanij, iv. Kal. Iul. ∞. 1611.

Prius.

Priusquàm has obſignarem, alteras vltimasque tuas accepi, quæ erant de titulo doctoratus. Hoc quoque gaudeo, & ex animo gratulor. Tempus vobis emanſionis prorogatum non inuitus audio, ſi non producitur. *Æ*ſtatem hanc ego lubens donem, vltà non donem, nec cenſeam ex uſu eſſe. Quid niſi delectatiuncula illic eſt, & ſenſuum atque oculorum occupatio? quæ ad animum referatis, pauca, & pauci, qui illi ſtudent. Magni etiàm animi eſt, ac pænè addam felicis, inter tot praua aut deprauantia, rectum ſtare, & manere in æquâ iudicij lance. Facio equidem, ſed apud me: ſi promam, vix video fructum. Itaque Romanus ille Sapientiæ doctor, quem dare moliebamur, exire in ſcenam tardat, non plauſu, ſed paſtoriciâ fortallè fiſtulâ excipiendus. Ille quidem

*Kal duvatai qal dta tuxndv t'poc, id' t'pobidat*

ſed apud quos, aut quibus? Eſtiſne amatores aut cupitores talibus, numero tot, quot Thebarum portæ? Græcarum illarum, non *Ægyptiarum* dico. Deſino, Timonem non refero: te mi Rubeni amo. Poſtrid. Kal. Iulias.

## EPIST. XXXI.

*Mechlinianz.*

NICOLAO OVDARTO ſuo S. D.

**C**REDO rediſſe te è peregrinatione Gandenſi, mi Oudarte: an non & illic Vriendtium vidiffi? poëtam inter Belgarum primos, & cuius libellos editos miſſosque ab ipſo vidi, & in multis equidem probaui. Ingenium facile, ſubtile, igneuna eſt, dignum quod amemus & eſtimemus. Ego etiam nunc morbi, aut ſi mitius vis me loqui, languoris liber non ſum: ideoque & cœpta mea iacent, nec Philoſophicum illud ædificium abſoluo. O arcem altam, munitam, ſecuram in fortunæ inſultus, quam è Stoicæ Sapientiæ ruderibus inſtituimus! nec ſcio an exædificatam probabimus, molliori (cur rem non dicam?) & ignauiori huic æuo. Abſoluemus tamen, niſi diutius languor impedit, per quem ego quidem nihil conor aut ſcribo. Tantùm DE VESTA ET VESTALIBVS *Syntagma* dedi, quod Præſuli veſtro & noſtro viſum eſt inſcribere, vt rem ſacrorum. Weerdcius Senatoriâ dignitate, in ſoceri locum, auctus eſt: quod gaudeo,



gaudeo, & titulum hunc in familiâ nostrâ retentum. Etsi propriè mea LIPSIO RVM stirps defecit, & ego vltimus sum huius gentis. Quid refert? stirps pereat, nomen ego propagabo (lubet animosè, & cum poëtâ loqui) — *ab ortu*

*Solis, ad Hesperium cubile.*

Publica tangere pænè reformido. Læta scribere non possum, mœsta non lubet: nec querelas quidem miscere super statu hoc rerum. Dicam vnum verumque verbum, & id animosè? in totâ Europâ, atque etiam Asiam & Africam addo, nihil pro veteri splendore & gloriâ geritur; neque consiliis & institutis, quæ obtinent, video gerendum. Quid gerant? ne capiunt quidem aut intellegunt sublimia, ad eò non affectant. Vices hæ rerum temporumque sunt. & vt in anni decursu modò hiems æstasque est, & fræta interiecta; sic in mundi & æui lapsu, lux, tenebræ, calor, frigus, & quæ media inferuntur. Prudentia hæc videre est, sapientia ferre: & collum sponte submittere fatali illi iugo.

*Nam quantum hoc regnum est, quod regibus imperat ipsis?*

Vale mi optime Oudarte: & vt omnia mutant, in amore constemus. Louanij, III. Non. Quinctil. ∞. IOCIII.

## EPIST. XXXII.

FRANCISCO MARIAE SAGRI ILLYRIO S. D.

**T**v verò non humanitatem meam require, sed fidem alienam, aut fortunam accusa, per quam factum vt litteras ego tuas, præter has vnas, viderim nullas. An silentio dissimulasse? non est meum, utique erga tales, non solum eruditione commendabiles, sed loco & habitatione insignes. Si enim rectè verba capio, Ragusia te habet ciuem aut incolam, nobilis Respublica, & quæ Barbariam à nobis diuidit; legibus & moribus polita. Itaque de neglectu tui suspicari omitte. nam vos tales amare ego didici, sed & officiis paria facere, quo fine valetudo quidem permittit. Quæ sæpè, imò plurimum, afflicta, manum conanti iniicit, & intercedit iis quæ honestè aut comiter velim. At in animum ias tamen non vindicat: qui est, vir doctissime, pariter in te pronus, & iam nunc affectu & amore fideliter se iungit. Louanij, v. Idus Iulias, ∞. IOCIII.

Ec

EPIST.

## EPIST. XXXIII.

Romam.

SERAPHINO OLIVARIO *Sacri Palatii*  
*Auditori, & Patriarchæ Alexandrino.*

**L**ITTERAS ad te mitto, vellem animum in ijs possem: sic tuum, ut cuiusquam ex interioribus, & toto assè amicis. Quæ caussa pignerauit? tua virtus & prudètia, in illo orbis theatro nota & prædicata: & propriè affectus in me tuus, diu me celatus, & qui ad Vestalis fauillæ instar in secreto pectoris tui, ô quàm mentior? vrbis illius volui dicere, latuit: sed & sic mentior, ad me venit, sermo & facta tua aperuerunt, & didici non certiolem aut fidiorem amicum in magnâ Româ mihi esse. Vnde merui, vir æqui & boni scientissime? non merui: tua virtus & bonitas est, quæ benè mihi fecit, & dixit: ipsa sibi causa, ut Deo in genus humanum amor & benignitas est. Sed de iudicijs factisque tuis (ita loquendum est) primus mihi bonum nomen MACARIUS indicium fecit: & postea PUTEANUS meus, qui te vidisse gloriatur & audisse. Obsecro, & PHIL. RUBENIUM meum cum GUIL. RICHARDOTO & IO. BARONIO noris, sed primum illum ingenio & doctrinâ laudabilem inter paucos. Probitatem & Modestiam addo, sine quibus hili non fecerim aut pili illa. Ecce pauca & prima verba. pauca, quia ut in angusto exitu aqua impetu veniens intercluditur: sic os aut stilus meus sistuntur ab affectu, qui impetu & calore erumpit. Agnosce, quæso: & agnoscentem iam amare persevera, saltem illo amoris tui fructu. Louanij, XIII. Kal. Septembr. ∞. IOCIII.

## EPIST. XXXIIII.

Florentiam.

CVRTIO PICHENAE.

**I**AM VNC litteras tuas accipio, & ecce responsum. Te lego differam, veterem illum meum, & ante viginti circiter annos, cum Viennæ esses, amicum? Sic appello, & quamquam non dextra aut sermo, tamen scriptio & litteraria ista, ut sic dicam, confederatio nos iunxit: & fideliter iunxit, animi stu-

dijque non dispares, & iudicijs ad optima consentientes. Eò gratior ista nunc appellatio, etsi ex interuallo: nec mirum: nam & locorum interualla abiungunt. Vidisse te mea video improbuli illi rescripta: in quibus quòd te honestè nomino, affectui non dedi, sed iudicio, quod in animi penetrati de te concepi foueoque. Tuo merito ita debeo. pauci bona amare, capere, asserere idonei: tu inter illos naturæ & industriæ tuæ beneficio censes. De dissensu alibi à me, nihil est: abite mancipia. liberi sumus, genere & sensibus: promere liceat, cum lege Modestiar, & vt Inuidentia aut Acerbitas absint. Ego verò nec imperitiâ quorundam offendor: si simplex ea sit, nec de Calumniâ sumit. At mi Curti amo te pectore, melioris pectoris virum: nosse propius vnà tecum voueam, sed voueam tantum. Nam etsi Italiam reuiscere mihi votum; intra illud maneo, rei expers, & triste Fatum Belgiæ meæ adstringit. Quid, quòd vxorium etiam vinculum, vt de te scribis, iamdiu mihi est? Traho compedes, & longum aut altum subuolare ijs quoque vector. Edidi nuper Epistolas; doluit (in occasione, & verè dico) quòd ad te cum plures dederim, nullas haberem, exemplaribus in migrationibus meis furto, casu, negligentia amissis. Sum nunc in Senecâ, & Stoicis: illum & hæc dabimus illustrata, & ab obliuione vindicata. Nam Stœr quid præter nomen ferè notum est? Hæc agimus, decorè fortassè, in æuo grauiore, grauiora ista & sapientiæ studia tractantes. Valere te, & porrò me amare, atque etiam affari, opto mi Curti. Louanij, postrid. Idus Septembr. statim vt tuas legi, ∞. IOCH.

Quæ notasti ad Tacitum etiam, vidi. Illud de Othone, *prætor polluebat*, minùs perplacet: alia in ipso Tacito considerata sunt: neque nunc licet.

## EPIST. XXXV.

Veronam.

ANDREAE CHIOCCO V. C.

**D**A veniam, da veniam tarditati scriptionis: & quia medicus, morbo hoc indulge. Scis quàm affligat & vires exhauriat lenta illa & verè *ἀνέχεται ῥῆσος*: cum quâ fatum mihi est conflictari, nec superare. Resisto tamen, & iterum viriculas ali-

Ec 2

quas

quas à superiore illâ deiectione sumpsi. Vis argumentum? etiam scribimus, edimus: imò iâ edidimus breue aliquod DE VESTA ET VESTALIBVS *συνταγματικῶν*, quod tamen in alio te è secundâ editione, quam meliorem auctioremque paro, videre & donum meum habere. In istâ, adflauit me alibi morbus, quod agnosco, & emendabo. Sum etiam in SENECA totus, & ipsum & obliuiam illam Stoicam Sophiam dabo in lucem, quatenus in raritate scriptorum illorum licet, aut etiam opus est. Neque enim ambitiosè scribimus, & in Periergiâ quadam Polymathiæ laudem affectamus. Vtilia mihi Chioce, vtilia sequi, utinam assequi, mihi scopus est. Sed videbitis, & arbitrari breui vobis erit. At tibi, ô optime, quas condignas gratias pro affectu, atque etiam curâ mei dicam? Habebo facilius, & mente concipiam, quàm verbis promam. Consilia autem tua sana, & proba: & communiter vti iis possum, singulariter haud facile est in absentia & diuisione nostrâ. Quod significas esse inibi amantes quoque nostri, gratum est, & Veronam totam magis amo, etsi vel à Scaligero olim vel à te nunc caram. Academiam illam amplector, quam sic attollis, & eius Principem Octauium Cepollam. quid M. Antonium Montanum? cuius ego patrem Clarissimum Medicum iamdiu manibus tero, & panè mente teneo, vnicum mihi ab annis viginti in hac interiore & occultâ inualetudine rectorem & ducem. Saluta, amabo te, & alios illustres viros quos adiungis, Comitem Augustinum Iustum, & M. Antonium Madium Equitem. Viuere me inter tales, & in iore illo cælo, tu voues, neque ego abnuam: sed ætas & valetudo retinent, & vel Constantia mea, vel Fatum. Alioqui publicæ nostræ res *λυπηραὶ*, & vel fugæ metum faciunt, vel si honestè vis loqui, discessus. Illi<sup>m</sup> vestri scripta ad nos non perferuntur: sicut pauca quæ Italia edit. Occasio mittendi si sit, libens videro, & plura tua mihi optime, & doctissime, & prudentissime Chioce. Louanij, xvi. Kal. Octobr. ∞. MDCLII.

EPIST. XXXVI.

Romam.

ANTONIO PERSIO.

**B**ENIVOLENTIAM tuam veterem erga me, quam nunc denique litteris testaris & aperis, sum amplexus equidem, ut debeo

debeo & soleo talium virorum, quibus votum & studium est me probare. Noui te iamdiu de famâ & nomine: etiam scripta tua quædam vidi, in quibus (etsi grauiora studia te vindicant) amorem & scientiam profiteris humaniorum istarum, id est veterum litterarum. Nec ab alio fonte amor iste tuus in me dimanat, qui videmur tibi in hoc genere supra plebem litteriorum aliquid esse. Conati sumus, de successu hæc aut sequens ætas iudicabit. Quod autem scribis esse, qui tuum illud de Calidæ potu syntagma (mihi lectum olim & probatum) impugnant: non miror, vt cacœthes est huius æui, pænè dicam vni-  
ci ad æmulationes aut pugnas. Miror tamen in retam clarâ & testatâ posse obduci, quod vel apud improbos colorem habeat Veritatis. Præter ea quæ ego in Electis notauī, multa sunt quæ ad inferius vsque æuum mansisse moxem euincunt: atque etiam apud exterâs & longinquiores gentes. De Essæis, in Philone Iudæo legas: *Vinum per illos dies non præbetur, sed aqua limpidissima, aliis quidem frigida, \* calida autem his qui inter seniores delicatius habentur.* Et vides in deliciis fuisse, & tenuioris fili aut valetudinis hominibus propinatum. Quid autem? *Decoctam*, vt aiunt tui quidam refragatores? Ridiculum: & veteres probè hanc distinguere morant, & est ea inuenti recentioris. In Ammiano, Arriano, aliis, exempla alia sunt: pudeat adducere, & in Baceios istos acrius pugnare. Habes meum sensum: habe & amorem, quem fideliter tuo repono. Louanij, postrid. Kal. Nouêbr. ∞ .IOCIII.

\* Οὐκ ἔστι  
δὲ τὸν  
πρὸς τὴν  
ταῖς τοῖς  
ἀποδιδ-  
ταις.

## EPIST. XXXVII.

Romam.

GVILIELMO RICHARDOTO suo.

**P**OSTREMA tua scriptio me lætificauit, verè loquor, causâ duplici. quod & redire ad nos haueres, tui certè cupientes: & quod bonum rectumque iudicium promeres, in toto genere vitæ. Non æstimas, quæ hodie multi, plurimi, pænè omnes, vanitates, fumos, fucos: ipsam virtutem amas & quæris, cui nati sumus & facti. Beatam mentem! & mox ab eâ vitam, si perseueras. Quidni autem perseueres? imò cum æuo consummabitur Ratio, & magis magisque illâ duce, contemnenda fastidies, appetenda adhærebis. Iuuaret frui te, & hos

Ec 3

sermo-

sermone ferere, & fructum legere meæ olim-institutionis. Et si Rubenium etiam illic habes; fallor, aut paribus tecum iudicijs, & qui sequi possit (malè dixi) imò comitari, aut præire. Decurrite simul hanc viam, quò? ad sublimem illam Sapientie arcem. O suaues meos hoc nomine in Senecâ labores! vnâ tamen re insuaues, quòd dare aliquid æuo debeo, & Critica aut Antiquaria miscere: sed modicè meherclè & parcè. Qui Senecam aut me eo fine leget, ne legat. Sed satis philosophiæ: priuatim valetudine mediâ sumus, publicè malâ. De Busco illo Ducis periclitabamur: nûc minùs, vt videtur, præsidio inducto, sed ciue parum volente. Adhibita tamen à Principe est comitas, & Thesalica simul quædam persuasio, id est *παραπαιδεία*. Ad corpus seruandum, membrum aliquod vri aut angi, iustè non improbemus. Sed heus, Baronius noster quid? manet, redit, an iam redijt? Sui illum certò expectabant hoc Autumno: ego nec ab ipso quidquam adhuc, nec de ipso. At tu, vt scribis, adde operam vt breui: cupio videre te, completti, suauari. Louanij, III. Nonas Nouembr. ∞. I. C. III.

\* violenta  
persuasio.

## E P I S T. XXXVIII.

Montes.

IOANNI BUISSONIO *Consiliario, & Syndico*  
Ordinum Hannoniæ.

**A**D VIT mihi Plouuierius, vtrique nostrum amicus, & litteras à te dedit, & de te quæ vellem nuntiauit. Quid autem magis velim, quàm valere te & me amare? Vtrumque dixit, & alterum istud etiam tuæ litteræ, quæ foueri à te amicitie ignem asserunt, imò & ostendunt ipsæ ab eo calefactæ. Iure amo te, & istam tuam canam & ANTIQVI MORIS atque xui virtutem. O mi Buissoni, quàm ab eâ paullatim abimus! quàm ad alia, & non meliora, deflectimus! vrit oculos atque animum meum audire cottidie, videre, cogitare. Ego vaticinium apud te liberè promam, breui fore vt Honestum & Bonum à nobis abeat; Fucus & Vanitas, addam etiam Prauitas, succedant. Quod tamen nostrum intereà munus? pro nostrâ virili illa amare & asserere, & si non alijs, nobis tamen approbare, & nec latum vnguem à Decretis flectere quæ Virtus dictauit.

dictauit. Si publicè res aliò eunt, mæsto sed patienti etiam oculo aspicere: & opem ferre cùm non possis, velle. Sicut qui in littore stat, & periclitantem in alto nauim videt, miseratur & voris adiuuat, nec se tamen in mare præcipitat: tale nobis, fauere humano generi, & vbi fas est iuuare; cùm non, tolerare. Prouidentia (ad quam iure prouocas) gubernaculum rerum humanarum, aspicienda est; & flectendi ad eam non oculi solùm, sed animi, & ipsa voluntas aptand. vt sequamur non queruli nec refractarij supremam illam & immotam legem. Ecce Reges hîc in terris & Principes hoc sibi vindicant, & districtè P A R E R E nos volunt, vbi constatijs P L A C E R E: & diuina Potentia hoc ius non habebit? Habeat, & Sapiens in animo illud vetus fideliter impressum, D E V M S E Q V I. Vides me ad Constantiam hortari, spem meliorum non proponere, nisi cùm ad meliora illa loca, vnde venimus, ab hoc exilio liceb it redire. Fata aspera Belgas premunt, & prement, vt cursus & series ista rerum inuantur. Nam etsi in obscuro ea Deus esse voluit, & tristissima etiam Spe semper temperare: tamen à causis istis secundis ad primam licet scandere, & quid ea minetur aut moueat ab his existimare. Sed omitto hæc philosophia, quorum domi tibi est silua: de nostrâ istâ Siluâ-Ducis credo vos iam audisse, & siquid minùs certò aut liquidò, Ill<sup>mus</sup> Dux denarrabit. Qui à corpore quidem valet, ab animo non nimis alacer, neque causas potes nescire. Magnum Principis illius ingenium est, in plerisque rectum iudicium: frigus tamen aliquod (pro sæculi nostri indole) æthereo illi igni optem. Hæc ad te liberè, & alia in sermone apertiùs: neque apud amicum & prudentem virum quidquam sensuum meorum velem. In occasione fiet, si viuò: si non, Boni & bonorum amans morior, & apud te testor. Vale vir Clar<sup>us</sup>. Louanij, XIII. Kal. Decembr. 1611.

Seneca meus breui prodibit, ipse auctor optimus (& scio te tale habere) mea scripta ad eum non semper cuiusmodi vellem, & Valetudo aut Æuum vetant.

EPIST.

## EPIST. XXXIX.

PETRO COLINS S. D.

**S**ERMONES tui comes nuper & benigni, nunc facta. Mit-  
tis ad me aucupij tui partem : an venationem appellabo?  
Equidem gratias duplices debeo atque habeo, vel affectus tui  
causâ, quem non ~~imporarium~~ sed radicibus nixum ostendis,  
vel doni ipsius, quod nos refecit & pavit. A me quid mittam?  
affectum eundem : quem repositum apud me scito, & pro-  
mendum etiam, sicubi vsus erit. Amplius, eundem ad filium  
tuum porrigendum, quem studiorum causâ hîc habes. Is me  
adeat interdum ( coram ei dixi ) appellet, & consilio vel dire-  
ctione meâ vtatur. Crescant hi tales in parentum gaudium, in  
afflictâ reipublicâ bonum. At tu vale Vir ornatissime, & ama-  
turum ama. Louanij, III. Idus Decemb. ∞. MDCLII.

## EPIST. XL.

*Augustam.*

MARCO VELSERO.

**Q**UID hoc est, quod iterum iterumque amicus ille nun-  
tial, Italos populariter in me (ita loquitur) coire? Egône  
aut mea tanti? Et plures iam menses, imò plus anno hoc agunt:  
ô partum difficilem, & cui Vulcanus aliquis cum securi meri-  
tò accedat! quidni? vt profiliat noua hæc Minerua. Et quid  
tandem ista erunt? vetera, in Bembum aut alios dicacem me  
fuisse: toties refutatum, & res ipsa ac scripta mea cottidie euin-  
cunt. Pono in meâ gloriâ, non fuisse mitius ingenium, linguam,  
stilum, inter litteratos. Atquin aliquid in meis etiam culpa-  
bunt. Faciant; & si iure, fauebo: sin aliter, quæ gratia aut gloria  
est? Et fac etiam prius esse. non ego, non alius, qui olim & nunc  
scripsimus, extra culpam omnem suinus: alibi aliquid macu-  
lat: cur in vno me puram puritatem eunt exactum? Lunam  
me, non Solem profiteor: tenui luce, nec purâ, imò nec propriâ  
lucere: & multa à veteribus, omnia à Deo habere. Risi nuper  
qui ad Tacitum scripsit, grandiusculum opus. Quid conatur?  
vulgatam omnem lectionem, etiam quæ palam falsa aut spurca  
est,



est, tueri contra me : contra me? imò rationem, imò libros  
 priscos & fidos, & aliorum scriptorum auctoritatem. Et sunt qui  
 Paradoxa Stoïcorum rideant : hæc non videntur? Est alius, qui  
 negat Aristotelem me legisse. Quid ita? quia non omne illud de  
 Religione in Politicis, ex eo adstruxi. Ipse fecit, vt audio : atque  
 adeo solam Catholicam nostram tenendam illo auctore osten-  
 dit. Mi Marce, quis finis erit, si ad vana hæc capita aut sensus ver-  
 timur: si Bacchis istis, liceat dicere, aduersamur? Do manus &  
 tergum potius, & resoluam vnâ alteraque plagâ. Scribant, la-  
 cessant : qui tamen isti? hoc quoque liberè, nouelli Parides, qui  
 pugnare possunt magis, quàm possunt. O Hesperia, misereor!  
 & paucos excipio, verè nunc nomen illud habes. At nos non  
 ideo scribere aut edere cunctamur: lubet obnixum stare, & pau-  
 cis ingratissimis aut malignis, benigniora Europæ elogia obducere.  
 In his triumphamus, & lauream capite ac manu tenemus, non  
 à liuore aut calumniâ eripiendam. Da veniam exultanti. non  
 soleo : sed isti proteruuli & à Modestiâ deuij, me quoque extra  
 viam, dum pello, leuiter abducunt : & comitor, dum commit-  
 tor. Redeo, & sileo, & saluere te Germaniæ tuæ magnum &  
 longum decus opto. Louanij, Idib. Decembr. ∞. ICIII.

## EPIST. XLI.

IO. VERGERIO AVRANO *suo.*

**V**ERGERI mihi care, care Musis.  
 An non dixero? cuius ecce versus  
 Et sensu lepidos, & elegantes  
 Verbis vidimus : atque eos bilingues.  
 Nam linguâ patriâ, & simul Latinâ  
 Scripti erant : quod amare & approbare  
 Et vetus queat, & noua hæc Poësis.  
 Maeste. tene ego censeam hæc minora  
 Sic industriè habere? te seueræ  
 Addictum Sophiæ, & libris sacratis?  
 Quos tractas iuuenis, virente in æuo,  
 Tali iudicio acrimoniaque,  
 Ætas vt tibi vel senectæ cedat.

Ff

Vix

Vix lanugo tuas genas inumbrat,  
 Barbaros tamen ipse ego magistros  
 Te laceffere, quid laceffere? addam,  
 Vidi vincere. perge porro summa  
 Laudis tingere: sed Modestia vsque  
 Afflit. sic tibi laus perennis afflit.

Vides? tuus me amor & calor incendit, & versus adegit fundere, an versiculos? Verè istos. breues & leues sunt, etsi affectus in te largus & firmus. Quod bonâ fide, & veteri Gallico candore, habes dictum. Vale, in Musæo nostro, III. Nonas Ianuar. ∞. 16CIIII.

### TESTIMONIUM.

**V**IRTUTEM qui amat, agnoscit; qui agnoscit, promouet, & gaudet plures cultores eius esse. Ideò mihi grata indoles, & cum indole studium, IOANNIS VERGERII AVRANI Baionensis: quem à quattuor circiter annis in hac vrbe & Athenæo noui, optimis semper artibus operatum, & præsertim Theologiæ, cui Principi scientiarum sublime & subtile ingenium suum addixit. Quæ experimenta & pericula ego vidi? & nuper vtique, cùm VI. Kal. Maias de vniuersâ Theologiâ, in publico cœtu, solenni Disputatione respondit: sic promptè, argutè, firmiter, vt cum admiratione voluptatem gigneret in animis auditorum. Seria fide hoc testificor, & Deum precor prouehere hoc ingenium suo honori, reipublicæ Christianæ bono, cui natum auguramur. Louanij, III. Idus Maias. ∞. 16CIIII.

Iustus Lipsius Professor, &  
 Historiographus Regius.

### EPIST. XLII.

IOANNI AGUILARIO ALVARADO.

**L**IBENS ego te admisi, nō vt ad tutelarem genium, sed amicum, & iam olim in te animo affectum. Auunculum habes, virum inter claros clarissimum, & verâ virtute cōspicuum, qui hoc à me impetrauit, vt vos suos quoque amarem. Feci equidem

dem feriò, nunc magis cùm tu à te caussam augendi affectus præbes. Epistola tua tota bonæ, & vt rem dicam, altioris, id est ætheræ illius indolis ac seminis est: ô mi adolescens, illuc eamus, & per Virtutis ac Doctrinæ viam nitamur. Doctrinæ, inquam, & hanc adde. Nam neque consummata satis sine cā ipsa Virtus est, aut certè parum ornata, vel etiam instructa, ad suum vel alienum vsum. Vidēsne arbores quasdam sine culturâ crescere, & foliis lignisque luxuriare? sed alius fructus vix adest, & vmbra ac speciem modò præbent. At in cultis, & humanâ manu factis, insitione etiam emendatis, vides vsum multiplicem, & fructificare, non solùm obumbrare. Quæso te, imitare. nohen tuum vide, ab Aquilâ est, alta & honesta pete: ætatem vide, apta institutioni & velut culturæ est, frueri dum licet, ne Pœnitentia postea succedat, in quâ tu doleas, alij rideant, occasione lapsâ. Clausula est, ego te amo & amabo, fauebo & fouebo quoque: sed si tu ipse te, & dignum geres sanguine, è quo ortum ducis. Nauigantes Cynosuram respiciunt: tu auunculum, non aberrabis. Vale, & cum nouo anno nouum imperum ad optimas artes cape. Louanij, Nonis Ianuarijs, ∞. IOCIII.

## EPIST. XLIII.

*Augustam.*

MARCO VELERO.

**E**N ad Polam nostrum. quomodo non meum, qui sic amat? Etsi iudicium & veritatem requiro, & plures mecum. Ad te satis longam epistolam nuper dedi, super illâ Bononiensi factione. Crescat, sedeat & fileat, non magnæ mihi curæ est: vos pauci & boni, & gnari bonarum artium, me amate. Ad Senecam omnia Typographus iam habet: de *Pilis vitreis*, omitti tuum illud non debuit, raræ obseruationis. Sed pleraque mea ad illum, magis pro Genio eius sunt, id est Philosophia, quàm Philologa aut litterata. Sic decere & debere, mihi visum. Dum heri suauiter de te cogito, ecce Carmen effudi: lege, & verum affectum ama.

AD PERILLVSTREM  
MARCVM VELSERVM  
II. virum Augustæ Vindeliciæ.

**M**ARCE, dispeream, nisi inter omnes  
Quos amo, te ego amo. idque iure: siue  
Virtutem videam tuam, aut Amorem.  
Virtus, Solis ad instar, illa lucet:  
Nec tuæ modo Ratiæ, sed omni,  
Quàm lata est, Alemannia, & propinqua  
Galliæ, Italiaque, Iberiaque.  
Addamne ipsam Asiam? addere hanc quoque ausim.  
Et splendor tuus ora inhospitalis  
Ponti percutit, ipsaque vrbs Byzantis  
Te nouit simul & colit merentem.  
Quid iam porro ego debeo? qui amorem  
Tam largum mihi candidumque defers.  
Certè debeo, quod nec vlla lingua,  
Quod nec concipere ipsa mens potissit.  
Ergo me tibi sisto mancipandum:  
En habe tibi, quidquid est eritque  
IVSTVS LIPSIVS, hoc ab æuo in æuum.

Louanij, prid. Kal. Febr. ∞. IƆCIII.

EPIST. XLIIII.

Romam.

PHILIPPO RVBENIO semper-suo S. D.

**I**NVITVS ad te scribo: ne mirare. Vos ego iam exspecto, iam  
occurro, iam brachia pando ad amplexum. Quid iterum à  
solidâ voluptate ad hanc imaginariam vocor? quid à veritate  
ad umbram? Venite, affamini, & sistite mihi tres vos illos meos:  
quos non dimisi, sed commeatum in tempus aliquod dedi. At  
Italia vos tenet, quam hoc nomine minus amo, quia vos sic  
amatis. Redite. vis dicam? aut ad alios amores ego co. Senesco,  
cane-

canefco: longum exspectare non possum, frui nunc aut numquam debeo: & fruamur, ita omnia votiua vobis Deus in reliquam vitam donet. Vsuram breuem ego posco; sed tam hilaris, quam ij qui ætates disponunt & promittunt. Venite (iterum dico) tres ad me recta: si quis abnuir, tu nihil excusa, & indulge vtriusque (nam & de te arbitror) amor. Sic vale. Louanij, prid. Kal. Febr. ∞. IOCIII.

## EPIST. XLV.

IANO GRVTERO.

**L**IBENS legi, libens, de Politicis tuis Dissertationibus: Age, vel ob hanc causam fac, ut os calumnie claudamus, qui meros litteriones nos censent, nec alterius seriae rei. O quam errant! quam diuina & humana in his veterum monumentis tractamus & indagamus! Sed cum vulgo frustra pugnes, & brachia in ventum iactes. Quæris, ecquid Taciti iudicium mihi rectum, qui Senecam & Burrum probare videtur silentes, ne iriti parricidium dissuaderent. Dico, non vniuersè hoc verum esse; & boni consilij virum, atque ipsum bonum, etiam non audiendum, optima debere effari. Cur non igitur hic Seneca aut Burrus? factum & personam cogita. Agebatur an Nero, an Agrippina imperaret. Eò enim ventum, & superstes illa mulier magni animi & gratiæ, Germanici filia, imperium pacemque turbasset, aut rapuisset: nec ipsa filio melior futura. Adde, quod ad hoc æui non inter pessimos Nero: postea fræna exsoluit: idcircoque, ut fidi & integri consiliarij, statui eius priuato & publico ire debebant consultum. Ergo per tale facinus? absit: non suaserunt, siluerunt. id est, non approbarunt: sed ut inter mala, & quia longius Nero iuerat, quam ut reuocari posset, hoc tolerandum censuerunt. Caput etiam, quod Tacitus non exprimit: tutò dissuadere non poterant, & in dissensu, illorum salus agebatur. Summa, in republicâ multa interueniunt, quæ priuatim iniqua, respectu alicuius publici Boni aut Quietis tolerantur. Tu plura dices, & inuenies: examina. De Senecâ, dedi operam ut Textus emendatus esset, ac tu iuuiisti. Cetera pompam non habent, fortassis usum si quis quæret. De illo Atheo in Epistolis, diuinasti. Gratulor tibi in Bibliothecâ luxurianti,

Ff 3 &amp;

& à copiâ , vt scribis , pænè oppresso . Mihi ab alijs vacuo contingat , & vel sepulchrum sic elto . Sed , Dij boni , distrahimur , & ad alia rapramur . Tu bona & me ama , mi Grutere , idem constanter facturum . Louanij , Kal . Febr . ∞ . MDCLIII .

## EPIST. XLVI.

Lugd. Batavorum.

GERARDO BUYTEWECHIO suo.

**S**ATIS diu factum est cùm à te nihil audiui : eò gratiores istæ postremæ tuæ litteræ , etsi non grata omnia continebant . Illud cerè triste de Vxorē tuâ . quam in morbo , & tali morbo , id est Hypochondriaco aliquo esse , inuitus audiui . nam scio quale hoc sit , & quàm leniri fortassē medicinâ aliquâ aut curâ possit , numquam vinci . At ego meliùs de tuâ etiam spero , nec in hac florenti ætate id genus omnino morbi esse : etsi vicinum aliquod fortasse , & notis iunctum . Confide , Deus illi & valetudinem , & ex câ tibi liberos dabit . Suaue fuit audire de tuâ illâ bellulâ , & opinor iam garrulâ : & mihi quoque desiderium sit videndi , & (verè dicam) suauandi . At quæ spes vltiâ est ? ego senesco , & niues caput meum spargunt : & morbus iste tot annos atterens & exedens valdè vacuum virium me concinnat , & longæ hîc moræ spem non facit . Nec tamen etiam cesso . & breui *Manuductionis ad Stoicorum Philosophiam* libri tres , *Physiologie Stoicorum* totidem apparebunt : quidni dicam ? non pro gustu aut sensibus huius æui scripta . Causas per te cogitas . sunt vetera , ignota , à scholis spreta : & solum fortasse fructum habeant illustrandi Senecæ , cui equidem destinaui . Sunt enim velut prodromi , & ille consequetur . Iam Antuerpiæ essem , nisi casus equi tibiam meam afflaxisset ; sed iam ferè perfanatam . Scisne autem equum me domi habere , sed ex dono ? Fit illud Aristippi , opinor : — *equus me portat , alit Rex* . De Douxæ scriptis , vellem misisses . priora enim habeo : hæc credo consequentia esse , & non moueor si qua alia à nobis inspergit : nam & firmus ego in talia sum , & venia mihi facta legendi . Mitte igitur : ego ad te mea , cùm lucem videbunt . Quando autem Scaligeri optatus Eusebius inquire , & in occasione virū saluere à me iube . Expectamus reduces Româ Richardotum , Baronium , Rubenium .  
hunc

hunc postremum egregium virum, & Græcas Latinasque litteras perdoctum. Vale mi Buytewecchi, & meus persecuta, Louanij, VI. Idus Febr. ∞. IDCIIII.

Parenti vtrique, sed & Tuæ, amicam salutem mitto. Scripsi & editurus sum, *Diuam Virginem Hallensem, eiusque Beneficia & Miracula*: piis non displiciturum opus; quid vestri illi alij dicent? Lipsium Bellerophontæo morbo agitari?

## EPIST. XLVII.

Veronam.

ANDREAE CHIOCCO.

**I**AM iam nunc tuas accipio, & lectis respōdeo: vīde quā sim ἄσπετος amico paria reddere, quatenus valetudo quidem (nam occupationem non excuso) permittit. Rogas de acceptis Ill<sup>mi</sup> Cardinalis & Antistitis vestri A V G V S T I N I V A L E R I I libris? Accepi, legi, & vel ipso aspectu delectatus sum, hæc optimarum artium & honestioris famæ illis etiam magnis curæ adhuc esse. Quid, cū legi? affirmo tibi placuisse, & doctrinam & iudicium viri admiratum esse, in illâ dico dignitate, & multifariâ καὶ πολυποικίλῃ (satis scio) occupatione. Italia vestra vel hoc nomine etiam felix, quod tales quosdam, sed quosdam, in illo culmine habetis: nobis non nisi votis suspirandos. At legisse te mea *De Bibliothecis, & Dispunctionem* significas, & placuisse. Tamen inijs de Politianis & Barbaris, atque hodie etiam, sed aliâ & vestrate linguâ esse. Mi Chiocce, non abnuimus de ingenijs in vestrâ gente (neque istæ τυφλωματίν nos habet) sed ad artes veteres respicimus, & quas Græcia coluit Latiumque. Linguam vestram si excolitis, benè est: sed quo imperio ad alias gentes propagandam? quod in utrâque illâ, vt scis, fuit. Imperio dico, atque item Colonijs in orbem terræ missis. Fatorum aliquis orbis est, & surgunt illa, hæc cadunt: sed in linguis obscuræ, vix tres obtinuerunt ab orbe condito spargi & dilatari. Nos quoque vestra legimus, capimus, & probamus: sed studium idem nōne Gallis est? & lingua eorum latius patet, certè cōmuniùs vsurpatur. Cuique suum iudicium: sed cum Religione veteri, verâ, & Romanâ, stare Romanam linguam & coli debere, ego censeo: magis quia artium & scientiarum veterum custodem.

dem. Siquid in vestrâ, Hispanâ, Gallicâ, boni atque venusti est; negabis etiam ab hac esse? cuius istæ filiæ, & per vim atque iniuriam, ut sic dicam, dominantibus Barbaris ex eâ productæ. Desino, ne videar quibusdam *φρονῶν ἰδὲ ἀν' φρονεῖν*: sed non tibi, si te novi. De homine autem qui me *ὑβρισμα* fecit, nec nosse vos credo: ne nunc quidem ego. Italum se præscribit; ingenium, aut illud ingenium, καὶ μὲν λόγος vestræ gentis, non præfert. Quisquis sit, valeat, aut in Vespasiani illam Morboniam abeat. M. Antonium Bonciarium vel ex litteris novi, sanè insignem virum, & ἀξίπανος: plerosque alios ex lectione, quos iuisti nominatum. Inter eos iamdiu Torquatium Tassum, & Speroni quædam. Sed aliæ nobis curæ, aut auocationes: in otio, quod optem magis quàm sperem, libens istis vacem. Vale vir amice, & talis in me persevera. Louanij, xv. Kal. Mart. ∞. I D C I I I I.

## E P I S T. XLVIII.

AVGVSTINO VALERIO S. R. E. *Cardinali* S. D.

**B**ENIGNITAS tua, tum item scripta quæ vidi, scriptiõnem hanc meam elicerunt, grati animi & virtutibus tuis meritisque addicti testandi causâ. Nam benignitatem quidem ostendisti, in salute semel iterumque ad me peramanter missâ; tum & sermonibus, quos honestos de me studiisque meis apud plures habuisti. Iam Scripta tua quæ publicasti, visâ mihi beneficio Andræ Chiocci Doctoris vestri Medici, qui ad me misit: & lecta mihi fateor cum fructu pariter, & voluptate, cui affectus & veneratio in auctorem se coniunxit. Quomodo enim non colam & amem virum in eâ dignitate, in eâ ætate, hæc studia sic industriè & feliciter tractantem, & ad posteros etiam ingenij sui monumenta propagantem? Colo, & amo: & vnum certè librum vel argumenti causâ, quia in eo CARD. B O R R O M A E V S describitur, ô magnus ille æui nostri (sic appellare liceat) heros! Eum ego semper suspexi, & virtutes extra ambitionem omnem admiratus sum: quas tu ita laudas, ut etiam imiteris. I V B I L A E V M etiam tuum ANNVM perlegi; & variam in eo rerum notitiam, cum hominum locorumque descriptione, amavi. Sunt seria hæc scripta, & tui loci atque muneris:



neris: atque vtinam ætas (nam de voluntate non ambigo) ferat, plures ex hoc agro ingenij tui fructus prodire! Vt id possit, Deū rogo: & vt is te Ill<sup>me</sup> ac Reu<sup>me</sup> Domine, longum Ecclesiæ suæ seruet. Louanij, prid. Idus Mart. ∞. 16CIIII.

## EPIST. XLIX.

Perusium.

MARCO ANTONIO BONCIARIO,

*nimis, panè dicam, meo S. Dico.*

**N**ē mirare exordium, mi Bonciari. iamantē sciebam te meum esse; sic esse, ex epistolâ tuâ didici, quam beneficio Andreæ Chiocci, insignis viri & Medici, iam nunc vidi. Tēne tam effuse in laudes meas ire? nec apud me, vbi blanditijs locus esse possit, sed apud alium, quid alium? apud omnes sic effari & profiteri: nam edidisti, & vulgasti. Profectò motus mihi animus fuit cū legi, non nego: & quamquam saluâ fronte pleraque non possum agnoscere, tamen suaue, suaue fuit à te tali hæc tribui,

*Ὡς νόος ἐν στήθεσσι περὶ μένος, εἰς ἐν αἰνής.*

Etiā hoc testificor, te sic in mea intima iudicio indagasse aut penetrasse, vt ipsi mihi notior non videar, quā tibi. Quæ hæc sagacitas tua est? quis super omnia candor? Iam verba pensitata, & sensus sic maturi, fidem apud alios adstruant, quā apud me non habent. Et mihi tamen hīc fructus: quis? excitari & erigi, & vt generosi equi, plausu hoc tuo & fauore acrius ad cursum impelli. At non in fastum attolli, mi amice. noui me, & impurum aut imbecillū illud in me hominis; & vt Iunonia auis, cū plumas adspexi, ad pedes oculos demitto. Sed ad te nunc animū mitto (vtinam totum me possim!) æterno, æterno tecum vinculo, vt cum me altero hæsurum. Louanij, prid. Id. Mart. ∞. 16CIIII.

Scripsi item ad te ante dies xv. & misi Augustam Vindelicam ad M. Velsrum.

## EPIST. L.

Lutetiam.

FRANCISCO HARLÆO Abbati S. Victoris S. M. D.

**E**T ex sermone cognati tui Harlæi, qui nobis adfuit, & clariùs ex tuâ scriptione affectum didici, quem acrem in me

G g

præfers,

præfers, amore Virtutis & Doctrinæ excitatum, quarum scintillas in me (utinam lumen!) annorasti. Nam & me amare ea profiteor, & crescere cultum cum ipsis annis: quanto magis video alia hæc vana, leuia, nihili esse; sola hæc firma, solida, æterna. Itaque meritò & tu ad ea adspiras, & non simplici ac nudâ, ut sic dicam, Virtute contentus, ornatum & velut purpuram adiuicis Doctrinæ. Benè est, perge. hæc eminendi & prælucendi via est, quò tua te indoles, & maiorum splendor atque exempla vocant. Meam autem amicitiam quòd appetis, in promptu est: vel vltro iungar, quoscumque tales repperi: & ut magnes ferri, sic me honestior indoles consensione tacitâ & *συμπληρωμα* trahit. Ergo sequor, manum do, fidei & amoris non fallacem. Louanij, III. Idus Maias. ∞. IOCHII.

## E P I S T. L I.

*Augustam*

MARCO VELSERO V. I.

**E**RRATVM. nondum ut STOICA nostra videris? sed erratum, aut peccatum (non enim definio) ab aliis quibus commisi: ego te inter primos habere fructus istos acridulces (da verbo veniam) ingenij mei volui: habere, & censere. Fac vel nunc. Musicum illum Etruscum vidi nuper, è tuo dono, & miratus sum ingenium, dij boni, acutum! Sed ego quàm non sum ad hanc scientiam, publicè sum testatus, & est vitium naturæ meæ. In Senecâ, hæc talia non nimis inquirò: quod ille egit, hoc ago, & ad mores eo. Et quia pompam hæc scriptio non habebit, fortasse & famæ minus, ut hodierna sunt iudicia: sed & ea alibi corrigenda aut dirigenda sunt, & in veterem limitem boni vsus reducenda. In N. affectum amo, cetera mecum intelligis & arbitraris. Stanislaum Balam, de cuius affectu in me scribis nobilissimi viri, amo & te velut inducente admitto atque amplector: & gaudeo atque Europæ gratulor tales in eo tractu viros esse. Mirum, mirum, Sariniam sic exultam hodie, vel supra Hesperiam vtramque (gnarus dico) esse. Omitto litteras, quæ id mihi dicunt: sed sunt & fuerunt in hoc ipso loco nobilissimi iuvenes, qui vagantur & lustrant incensi cupidine doctrinæ. Nostri homines aliter, & veteres Cimbri (Becani hæc affertio)

settio) ad Cimimerias ignorantiae tenebras eunt. Sit is quoque inter bellorum civilium fructus. *Diva* nostra *Hallensis* excutitur. Quid tu ad talia? inquires. Imò decuit, & animo libuit ad pietatis hanc aram facere, cui prius nati sumus: & reliqua fecundas in hac scēnā partes agant. Mi Velsere saluere te cupio, & me amare: te inter paucos, per paucos nostri aui, iudicij atque animi rectum. Louanij, xiiii. Kal. Iun. ∞. IOCIIII.

## EPIST. LII.

*Romam.*EMANVELI PIO S. R. E. *Cardinali.*

**M**. Antonius Bonciarius (ab amico tibi nomine ordiendum est) cum sæpè mihi & de virtutibus tuis, ingenijq. præstantiâ, & litterarū ac mei amore, ex fide scripsisset: cultum & simul affectum erga te in animo isto genuit. quem in dignitatis tuæ incremento cohibere vltro non potui, non item debui, quin erumperet, & tibi se sisteret, probandus, vti spero, & admittendus. Candore quidem hoc mereor: vt alia mea, quæ benignè attollere te audio, omittam. Venio igitur gratulaturus purpuræ hunc honorem, veteri, & ab ipsis Imperatoribus familiæ tuæ, non nouum: quem ipsū nuper quoque tenuit Rudolfus Pius Cardinalis Carpenfis, ille in exemplum genitus virtutis, doctrinæ, elegantiae, & omnibus in ijs numeris absolutus. Nihil veræ laudis extra gentem tuam quære: illa suppedabit, & multā luce vndique circumfunder; etsi, iam nunc in eā lucēs. Nam eminens hæc tua indoles, & sublime cultumque ingenium, Pontificem hunc optimum maximum aduerterunt, vt te vltro eligeret & in sacrum Senatū adscriberet, quod non nisi apices & decora prouinciarum adspirant. Sit felix bonumque factum, eminus; sed corde, acclamo: & me tibi do, dico, Ill<sup>me</sup> & Reu<sup>me</sup> Domine, seriò clientem. Louanij, iiii. Idus Sextil. ∞. IOCIIII.

## EPIST. LIII.

*Antuerpiam.*LVDOVICO NONIO *Doctori Medico* S. D.

**D**I V A M nostram placuisse tibi, pietatis tuæ in illam est, fortasse & in me affectus. Nam à stilo aut ingenio meo  
Gg 2 leuiter

leuiter accessit, quod commendaret. gaudeo tamen grata hæc esse (nam & ab alijs sic accipio) & excitor ad similes scriptiones. Similes dico, id est Historicæ: & tu me eò vocas valde inclinatum. Iraque iam nunc edo *Monita & exempla Politica*, in quibus quid nisi florem historiarum excerpo, & huic scriptioni velut proludo? Deus si vitam mihi seruat, illuc ibo: firmior sim modò; nam iam à tribus mensibus, mi Noni, valde virium & vigoris interni vacuus sum factus. Te in Hispaniâ illustrandâ pergere, gaudeo: & in Marciani Capellæ loco (inspexi & inquisiui) à tuâ correctione nihil muto. Vera & necessaria est: etsi tenebam illud *vniversa inuerrere*, sed non successit. Quæris super Strabonis loco de *Balearium laticlauiâ tunicâ*: & meretur quæri. ego autem simpliciter ita accipio, vsos primùm *πλατυσῆμοις χιτῶσι*, quas Romani senatores vsurparunt, sed paulò aliter. Nam Baleares, opinor, in lino, non in lanâ; & ab ijs haud dubiò Hispani sumpserunt, sic propinqui. Sanè de istis in Liuius est lib. XXI. vbi de pugna Cannensi: *Hispani linteis, prætextis purpurâ tunicis constiterant*. atque in eadem re Polybius dixerat *χιτωνίσκος περιπορφύρεος*. quid ex aliud sunt quàm *tunica laticlauiæ*: si tamen purpura ea in clauos distincta? Hæc ad Liuium olim notabam, & Strabonis locum adiungebam: tu iudicabis. Publica valde me suspensum habent, & video certamen omne in Flandriâ cernendum. Hostis copias auxisse, instruxisse dicitur, & rectâ ad nouam expeditionem ire. nos quid? quod tu scitissimè à tuâ arte, in Vaterno aut Lethargo sumus, nec excitati excitamur. Ades ô Deus; & patriam, aut certè religionem tuam, vindica & tuere. Vale, mi Noni. Louanij, XI. Kal. Octobris. ∞. MDCLIII.

## E P I S T. L I I I I.

Urbinnum.

SEBASTIANO MACCIO DVBRANTINO  
Viro Perillustri S. D.

**L** I T T E R A S ad me dedisti triplici notâ insignes, amoris, benignitatis, doctrinæ. Amorem ipsâ scriptione profers, & finem habes vt meum elicias: quid elicias? tuo iure poscas, qui debetur tali viro, & sic amanti. At benignitatis iam tuæ est,

est, quòd in laudes meas stilum admittis: cur autem tam effusè? Stringe vir optime, nec affectui tuo habenas omnes laxa, quas iudicij tui rectitudo adducit & còercet. Ab illo enim, nò ab isto (ego ita cenſeo) hę laudes. & vt per aquam qui videt, maiora omnia videt: sic qui per fauorē iudicat, attollit. Equidem ampla illa non agnosco: Deus ille Delficus veteri monito aurem vellit, & me ad me mittit. Denique doctrinam ipsa scriptio tua præfert, & aciecius studium: atque huius fructus, SOTERIDEM tuam: quam vt videre mihi sit rogo, & mittere licebit viâ, quam in imâ chartâ subscribam. Sed ad amorem redeo, quem vt magis probes, sine vllo riuilitatis liuore (nec enim verus iste habet) aliq̃s adiungis & nominas, qui me tecum amant. inter eos Franciscum Mariam Sancti Angeli Comitē, virum genere & dignitate primarium, itemq̃ue Baptistam Guarinum Equitem, Felicem Paciottum Philosophum: & quid dicam, nisi suauiter affici me, & velut titillari, talium ingeniorum approbatione vel affectu? Rependo vicem: vtinam & vocem aliquando possim, & pasci sermonibus ac dissertationibus, dirigi iudicijs eruditissimorū virorum! Olim optaui, & conatus etiā sum inferre me Italię vestrę nouū ciuem: Deus & Principes mei vetuerunt, & patria etiam manum iniecit, etsi abiturienti. Quid enim apud nos, nisi assidua, & quidem calamitosa, bella? Pax ingenio scriptisq̃ue meis magis faciebat, & excitari per illam ac produci vtraque hæc potuissent. Sed quibus ego iam verbis vtar, vt benignitati Ser<sup>mi</sup> Principis FRANCISCI-MARIAE RVVEREI Vrbinatium Ducis, respondeam? Quam tu in me & mea promissis: neq. insperatam, vt verum fatear, quia inclytę illi familię proprium studia artesq̃ue fouere atque amare. Sed quòd eam extra Italiam etiam mittit, id fortasse nouum, sed magno & capace illo ingenio dignum, quale describis: & quod instar solis aut velocissimi sideris, omnia statim obit ac lustrat. Legi ab eo scripta nostra, votum est; probari, supra votum: fruor tamen & excitor, neque aliter erigor aut attollor. Habes ad epistolam tuam, sed voluntate meâ breuius: quia languor, an morbus dicam, manum & stilum alligat, qui iam tres menses me habet. Deus, si ita expedit, sanum me reddat, te seruet Vñ Perillustis. Louanij, xiiii. Kal. Octobr. ∞. MDCLIII.

Siquid ad me placet mittere è tuis scriptis, ægrè id potest per Cursores ordinarios, nec nisi magno impendio: at potest bis anno per mercatores, qui Francofurtum eunt. Ad Moretum illuc si mittis, id est ad Plantinianam tabernam, rectè & tutò ad me ibit.

## EPIST. LV.

Pinciam.

Domno FRANCISCO QVEVEDO Viro Perillustri.

*Dij tibi dent animos continuentque tuos.*

**P**ATERE enim & me versu ordiri, & tuo illi *propedi*, quem scitissimè (sed cum nimia laude meâ) præponis. At ego tibi animos istos opto perpetuos: animos, sic in me affectos; animos, sic omni doctrinâ & virtute perpolitos. Ita enim ab aliis audio, qui & propiùs te norunt, & scripta varia viderunt: quod nobis non datum, ad quos vestra ægrè deferuntur, nec nisi ex destinato missa. Rarum in istâ nobilitate tuâ decus. quod non tibi magis, quàm patriæ gratulor, quam is atque ibis (diu enim viue) illustratum. Mea DE VESTA quòd legisse te scribis & probasse, gaudeo: mallem eadem videres aucta & notis illustrata, quæ propediem vulgabuntur. Sunt enim in manibus Typographi: & efficiam ut vel me mittente possis nancisci. Nunc SENECA vester me totum habet, ad quem STOICAE DOCTRINAE excerpta præmisi. Non enim cesso, Vir Perillustri, etsi tempora apud nos ferrea, nec artibus istis sed Marri facta. Vos quoque auditis: auditis, an & sentitis? Contage enim mala nostra vos tangunt, & opes ac miles vester hîc exhauriuntur aut consumuntur. Scripsit ille olim, de Troiâ: — *Commune sepulcrum Europa Asiaque*. Ego de Belgicâ dixerim, quæ ab annis iam pænè quadraginta florem militiæ ab Europâ aduocat, & consumit. Medere tu Deus, & hunc nouum mihi amicum tuere. Louanij, VI. Idus Octobr. ∞. MDCLIII.

## EPIST. LVI.

Gades.

IO. BAPTISTAE SALAZARIO.

**A**B vltimis Gadibus (ut olim opinio erat) litteras ad me venisse, si non gloriôr, gaudeo: & non responso te solùm, quod

quod peris, sed amore dignabor. Idque doctrinæ tuæ merito, & incensi studij, quod scriptione hac profiteris. De meâ autem doctrinâ, vel ut tu, sapientiâ, nihil equidem assenserim: imò animus hic sibi conscius repugnat, nec ventulo isto eleuante à terrâ se tollit. Sum homo, sum ab humo, in eam ibo, & fama ipsa mea haud latè vagata circa hanc peribit. Dum sumus hîc tamen, suaue est altius & melius aliquid agere, & quod bonum proprium Stoici censebant, prodesse. Hoc sine scribo, edo: hoc sine & istas ad te mitto. Quærebas duo: prius de sensu versuum Ouidij, quibus suadet puellas adiri opportunè,

*Sive dies fuerit natalis, sive Kalenda,*

*Quas Venerem Marti continuasse iuuat.*

De Natali, scitum est: dubitas, de Kalendis istis, quas ego censeo Apriles fuisse. & quare puellis gratas lætasque? quia tempus tunc anni ad lusus inuitat, & aperit stricta aut clausa. Ipse idem poëta in Fastis, & ipsis illis verbis:

*Et formosa Venus, formoso tempore digna est,*

*Utque solet, Marti continuata suo est.*

Sed & vulgò colebant tûc Venerem matronæ, puellæque. Idem:

*Ritè deam colitis Latia matresque, nurusque,*

*Et vos, quis vitta longaque vestis abest.*

Quia & sacrum eo die Veneri fuisse, præter poetam, Macrobius tangit Saturnalium primo. Opportunus ergo amoris dies, ipsâ Cap. xxi.  
Venere præsidente & conciliante. Alterum quæsitum, in versibus:

*Junge tuum domina, quâ licet vsque, latus.*

*Et bene, quod cogit, si nolit, linea iungi.*

Quæ hæc linea? Alij alia: ego de Circo sermonem esse scio, & in co sedilibus. itaque accipio *Lineam*, ipsum ordinem subselliorum, velut lineis descriptum & discretum. Erant Cunei, inter cuneos Viæ, & media Subsella, lineis suis diuisa. Qui ergo in vnis subselliis sedebant, iungi necessariò debebant: nec declinare fas vel antrorsum vel retrorsum, aut lineam migrarent. De tali lineâ, in Martiali etiam versus, me interprete:

*Omnis habet sua dona dies, nec linea diues*

*Cessat, & in populum multa rapina cadit.*

Manifestè dicit, missilia in omnes sparsa, atque etiam *lineam diui-*

*diuitem*, id est Subsellia senatorum siue Orchestram. nam distinguit à populo & popularibus statim. Isto etiam sensu iterum Ouidius:

*Quid frustra refugis? cogit nos linea iungi.*

Nam Circensibus viri & fœminæ mixti spectabant olim. Suspicetur fortè etiam aliquis, lineas è ligno antepositas aut admotas, quibus firmarentur sua cuique sedilia, & vt fas inniti, nec prioribus sessoribus incommodare. Sed hæc suspicio: ista veritas, me ex vnâ epistolâ te amare, & idem perpetuum à te optare. Louanij, ix. Kal. Nouembr. ∞. IOCIIII.

## E P I S T. L V I I.

*In Poloniam.*

S I M O N I S I M O N I D A E.

**L**ITTERAS tuas, & quod librorum adiunctum fuit, nimis libens legi. illas, ab humanitate & affectu mei, quem spirabant; istos ab eruditione variâ, quam præferebant. Ego mi Simonide, vt de affectu dicam, pretium laborum meorum censeo à talibus amari: id est doctis, bonis, quorum inter apices te pono. vt fama mihi non dixerit (quam & hîc habes) vnum illud carmen tuum *in Imagines Zamoschiana dictæ* approbet: quod, ita me Deus, eruditum, antiquum, suaue est, & numeros ac phrasim Catulli ac veterum illorum habet. Maeste! spondeo tibi, paucos in Europâ esse (& est ingens poëtarum copia, vt apum) paucos, inquam, qui meo quidem sensu sic scribant. Iam illa Stoïca, quàm putas ipso titulo & argumento blandita esse? quid cum cœpi legere, tam multa è Græcis Latinisque, & remotis etiam auctoribus petita: sic adaptata & nexa, subtiliter explicata: quàm putas, inquam animo affectum & motum esse? Amo illam sectam, & conatus sum producere, vt vidisti: sed hanc Logicam partem reformidaui pænè tangere, vix otij, certè non languoris huius mei. Gaudeo illic factum à Bursio, & sic eruditè factum: à Bursio, an vis me magnum illum Heròem vestrum inscribere, quod vix vlla ætas credat? Virum in tot, & tam arduis occupationibus, regni Atlantem, sustinere & has litterarias curas ac lucubrationes posse? Diuinum ingenium dicendum est, in admirationem æui, vix in exemplum (quis enim imite-



imitetur, vci aufit?) datum. Diu nobis viuat, quem toto animo suspicimus & colimus: diu tu tali patrono felix, mi Simonide, flore itemque viue. Louanij, vii. Idus Nouembr. ∞. IƆCIIII.

## EPIST. LVIII.

DAVIDI HILCHENIO, *Regi Polonia à Secretis.*

**S**ILENTIVM, vt scribis, fuit ab interuallo grandiore: quid mirum, in his locorum interuallis? Animo meo te non excidisse, hoc ingenuè & fideliter testor. Amo & ingenium tuum, & virtutem. Neque hanc, mihi crede, coïtio ista inimicorum aut calumniæ decolorabunt: splendorem addent potius; & vt ferrum ab attritu, sic illa nitescet. Esto quod es, bono fortique animo, & qui bonam causam decet. Habes tutorem vt video magnum Zamoscius: sub Herôis illius scuto quem timeas? non omnes Dolones aut Sinones. Tua etiam Apologia apud æquos aptosque iudices abundè te suspicionum, non solum criminum, purgat: mihi quidem sic visum. Quòd autem inuitas me, vt aliquid ad Heròem illum, feci, & tu vide vt audacia nostra benè cedat, culpam in te alioqui transfusura. Ego virum iamdiu amo, miror, colo: sed quæ occasio declarandi fuit? neque verecundia aut modestia mea temerè irrumpunt. Si viam mihi mittendi tutam & promptam præscribitis, non omittam officium. sed ab eâ laboro, neque cursores nostri publici in Sarmatiam solent penetrare. Mag<sup>ce</sup> & Nobilis Domine, saluere te animo opto, & erectum atque alacrem esse. Stoïca nostra legisti? con-  
ducent. Louanij, v. Idus Nouembr. ∞. IƆCIIII.

Hieronymus Ferrerius, qui apud vos in militiâ vixit, Italus, & mihi notus, nuper hîc subitò obiit è defluxu caratrhî. Frustra reducem expectetis.

## EPIST. LIX.

*Dnacum.*

BARTHOLOMAEO PETRO LINTRENSI

*S. Theologie Docteri.*

**A**MPECTOR precationem, quam de more, sed affectu quodam singulari, mihi facis in auspicijs noui anni. Amplector, & largiter ac puriter eandem repono. Deus tibi  
Hh det

det quæ voles; & nil nisi bonum ac salutare, scio, voles. Verū audisti de *Diua Sichemienſi*: atque eam iam concinnaui, & ad Typographum miſi, prius tamen auctoritate noſtri Antuſtitis Mechlinienſis cōprobendam, quod in Miraculorum propagatione S. Synodus fieri mandauit. Ego ſanè libens tales ſcriptiones obco, & ſine moleſtiâ obco: ſiue animo, ſiue Diuâ ipſâ ſubleuante, & recreante. At mali aut moroſi quidam, & prauè ſapientes, non occultè deterrent aut improbant: tamquam à narrationibus parum certis, vt aiunt, & opinione ſæpè nixis. Non debere talibus obſoleſcere auctoritatem noſtram, ſiquam habemus. Diſſentio. & aut iſtis fides ſua certa apud me, & bonos eſt: aut quid adferent, cur antiquioribus eam præſtem? Sunt teſtes, ſunt examina, & quæ in profanâ hiltoriâ minimè adhibētur: & huic tamen credo, diuinis tantum refragabor, & aſſenſus mei oſtium claudam: Prauitas eſt: & hi tales per cuniculos ſubuertūt arcem religionis noſtræ, quæ Miraculis eſt ſuperſtructa. Sed viderint: mihi certum pia, recta, vetera ſequi, & aſſerere etiam, pro ingenij aut ſtili viribus, quas Deus dedit. Reu<sup>te</sup> & Eximie Domine, precationem itero, & hunc atque alios annos felices agere te exopto. Louanij, XIII. Kal. Febr. anni ∞. IſCV.

## E P I S T. L X.

*Antuerpiam.*

BALTHASARI MORETO ſuo.

**L** E G I tuas, & amici illius, litteras: & in vtriſque aliquid ſum miratus. In tuis, quod agrè & velut retractans hoc ad me deferres, tamquam triſte: in illius, quod vt rem ſeriam habuit, & à tali auctore, quem conſtat mihi non eſſe. Noli autem tu mi Morete, ſi meum affectum vis ſcire, & eundem inducere, hæc talia niſi riſu excipere: & quid aliud merentur? Sunt Epigrammata, leuiora non *Pennâ* meâ, quam carpunt, ſed plumâ: & addo, ſunt inſcita, ſine ſale aut Venere; ac meum nomen tolle, nemo leget. O digna, quibus ille auctor inſcribatur! quem hætenus amicum mihi habui; ſed hominem ſcio, & poſſe mutari. Si facit ob talem cauſam (nam priuatim nulla eſt: ) næ ego & affectum tempero, & iudicium muto, quod perthoneſtum ſemper de illo tuli. Quem ſcripto eo laſſi? quem vel

vel leuiter tetigi? Religionem meam aperui: & Nerones iterum sint, qui vetent? Noua sua ferri volunt, & armis id pugnant: nobis non licet vetera asserere, & æui suffragijs atque orbis approbata? Atqui leue, & me indignum scriptum est. Si à tali affectu carpunt, non veniam, sed gratiam debeo: sed quæ credam? Scio esse in ijs locis, qui magno emerint omnem famam veterem me decoxisse, & L I P S I V M inter obliterata, aut & damnata, nomina esse. Tamen leue est. Itane? non res talis, nobis qui piè sanctæque de diuinis sentimus: non stilus ijsipsis, qui subsannant & illudunt. Hoc scriptum, audi me, & ipsi intellegant, æuui feret cum aliquot alijs, quæ bono generis humani scio me edidisse. Fremat Calumnia, & Liuror palleat: ego ab his talibus famam, imò & gloriam, imò & claritudinem, apud posteros habebō; & ero, cum omne istorum nomen & factio non erit. Sed de Epigrammatijs insulsis, parum est, nec merentur non dicam responderi, ne legi quidem, aut certè iterari. Quid si libelli prodeant? & prodibunt, aut æui huius, & sectæ illius proteruiam ignoro. Sed tam ego eos contemnam, si à talibus & tales sunt, quàm versus: quod si grauius aliquid, & par in arenam venit, dignum cum quo componar, videbo, & pro re decernam. Pugnare equidem semper refugi: sed vbi opus erit, tam virum ostendam, quàm duobus illis olim aut nuper, qui non lætantur me prouocasse. Palmam de me vsque adhuc quis tulit? Neque iactare libet: sed noui me & alios: & in bonâ hac vtrique causâ, veniant cum Hectore Achilles, non subducam. Istæ quidem pilæ, & velut homines sænci, qui nunc in circum iacti sunt, non valent ad irritandum, qui ludibria hæc & deliria (vt rem dicam) noui. D A L E O N E M. Sed ad Amici litteras. tu illi hunc sensum meum scribe, & præsertim de auctore: quem certò reperiet alium esse. Istæ sordes non sunt ab eâ Seplasiâ. Salutem etiam adscribe, & à me amorem. D I V A M SICHEMIENSEM iam acceperitis, mittente Oudarto: cudite, vt iterum malis malè sit, & viuat honos cultusque illius, quem omnes prauī (mirum, & certum) ab omni æuo eunt imminutum. Heus etiam! quod ille Amicus suadet, vt poëtæ vestri aliquid meam vicem reponant: per Deum, ne fiat. Ego mihi sufficio, nec Teucer ille sum, qui clypeum desidero Aiæcis.

Sileamus nunc quidem, & magis seria agamus. Vale mi amice.  
Louanij, Nonis Febr. ∞. 1655.

## E P I S T. L X I.

Bruxellam.

P E T R O P A N T I N O V. R.

**E**T ego insidijs capiar, quas ipso te monente fas mihi vitare? Græcorum Morychus sim, aut siquid ἀνέστηρον cogitatur. Hoc sine, non venio, & vel numquam videat me Bruxella. Extra iocum. honore aliquo externo & imaginario, nec meâ sed litterarum causâ, si affectum me Princeps volet; admitto. sin onus adiungitur, imò si munus, respuo, & vel fugâ declino. Mihi tam certum & firmum, hoc statu rerum, res extremo digito non tangere, quàm ad extrema rerum aliquando ire. O amici, quem vos suspicitis, pleno pectore in rem meam sapit: & addo famam; quam alijs studijs inculpatam, ne, obsecro, nouis polluamus aut obscuremus. Sit aliquis, vel in exemplum, qui quietem, Musas, se amet, & Numen colat: vana aut vulgata seponat, aut (si superbum non est) spernat. Quid apud te verba facio? ad te redi, & affectum omitte: idem suadebis. Vide

*\* benivolentiam.* *\* ευνοίαν* in hoc consilium adfertis, ego & *\* providentiam.* *\* πρόνοιαν* velim. Ille, quem vos suspicitis, pleno pectore in rem meam sapit: & addo famam; quam alijs studijs inculpatam, ne, obsecro, nouis polluamus aut obscuremus. Sit aliquis, vel in exemplum, qui quietem, Musas, se amet, & Numen colat: vana aut vulgata seponat, aut (si superbum non est) spernat. Quid apud te verba facio? ad te redi, & affectum omitte: idem suadebis. Vide

*\* imperantes.* *\* ἀρχόντες*, vide *\* imperantes*: tu aliquid rei, aut spei etiam melioris, per me expectes? Marius Celsus, & Suetonius Paullinus sim: de quibus scio quid Tacitus scribat. Magna Respublica, tu me tene, communis Patria, Dei hominumque ciuitas: ô pulchrum, in eâ locum ordinemque habere, & inter illos Classicos censeari! Quod superest, *\* μη μοι χορηγίην κεφαλὴν*: nam bonâ tuâ veniâ, Belgica, es aut eris. Vno verbo, fatis obsequamur: neque huc ego natus aut factus sum: *\* εἰ δ' ἐν ὑμῶν τὸ λῆρον*. Oudarto etiam meo hæc scribo, quem scio inter insidiatores iam diu esse. Sed de primâ tuâ scriptione; Bruxellam sic citò, vt destinaueram, non venio. Est libelli munusculum, quod dedicatum Principi offerre volebam: sed non venit. quid si, cùm venerit, per te facio? Nam fugio iam Bruxellam venire, aut valetudo potius me vetat. Vtinam tu cū Oudarto huc facite me compotem huius voti, & in celo me collocare. Salue mi vir amicissime, cum altero tali Oudarto nostro. Louanij, statim à tuis lectis, vt eram affectus, & spiritus (nō nego) plenus. post. Non. Febr. ∞. 1655.

E P I S T.

## EPIST. LXII.

*Mecliniam.*GAUGERICO RIVIO *J<sup>ro</sup> & Aduocato, Suo.*

**C**ERTE enim te Meum appello. nimis affectus clamat, qui in verbis tuis elucet. Sed pone, aut sepone metum: meliusculus sum, etsi vires non recepi. Brevis illa concussiuicula planè me vacuum earum fecit. Oudartus apud me est, tui amans: quem & scis me esse, ac semper fore. Vale, inter primos vidende, cùm illac (Deus donet) transibo. Louanij, Kal. April. ∞. 1000.

## TESTIMONIVM.

LECTVRIS S. M. DICO:

**G**AUGERICVM RIVIVM iamdiu indoles, industria, & denique doctrina, ac virtus maximè, mihi conciliarunt: quæ omnia nota perspectaque annorum aliquot consuetudine habeo, & talia ea esse apud omnes EX ANIMI SENTENTIA testor: Me delectavit, & in ævo haud fertili nimis talium eminere visus est, & dignus esse quem alijs ostenderem: ostenderem? imò & seriò commendarem, siqui illa priora amant. Viri magnates, & quibus Respublica, atque eius splendor, cara sint, imprimis curare debent, & sæculi hæc ornamenta fouere ac producere, in huius & futuri sæculi usum. Ego rogo eos facere, hunc amatum mihi amare, & in occasione alleuare atque adiuvare. Stirps ista melior irriganda & attollenda est, vt fructum floremque proferat: proferet autem, spondeo, si illud fiat. Louanij, Kal. Quintil. ∞. 10011.

I. Lipsius Professor &amp; Historiographus Regius.

## EPIST. LXIII.

*Neapolim.*IO. ANDREAE PROCHNICIO  
*Legato Ser<sup>mi</sup> Regis Poloniae. S. D.*

**D**ICIT, & seriò mittit, quam ipse non habet. Nam ego (ô vir amice, & quomodo non sic appellem?) iam à duo-

Hh 3      decimo

decimo die in acerrimo morbo fui, qui pænè abstulit, & melioribus locis sedibusque dedit. Noctu acer Paroxysmus me inuaserat, & videbatur Apoplexiæ genus aliquod esse. Ecce triduo post amicissimæ tuæ litteræ, & oportuna munera, quæ ipsæ Io. Wouerius meus ad me tulit. Sum recreatus, fateor, ab ipsâ beniuolentiâ tuâ, quâm sic puram, fidam, magnam in me ostendis: & quædam etiam munerum, ut armillam illam ex Aleis vngulâ, statim consilio medici, & proprio affectu, brachio indidi, non dimissurus, quamdiu vita quidem erit. Accepi & annulos, & quosdam ex ijs collo suspendam, & cordi adinouebo, in quo redactorem meritò iamdiu inclusi. Si vita mihi erit, an non palàm ostendam? *ingratissimus mortalium* sum, nisi faciam, & dignus eâ notâ, quâ Sulla Athenienses inussit. Multa vellem, nondum possum, nec vires suppetunt: alia Wouerius pro me dicet aut scribet. ego te affectu alloquor, atque vtinam amplectar, ô amicum pectus! Vale. Louanij, vi. Kal. April. ∞. 1609.

## EPIST. LXIIII.

Romam.

ASCANIO COLUMNAE S. R. E. *Cardinali.*

**F**ATEOR aliquamdiu à scriptione & officio meo, sed inuitum, abstinuissè: neque alia causa, quàm peregrinationis quæ ab Vrbe te remouit, & in eas oras misit, ad quas litteræ nostræ haud tam faciliè quàm affectus & memoria commearent. Certè enim hæc retinui, & veterem illum cultum, fideliter virtutibus tuis & meritis deuotum. Itaque ut aura aliqua nos adflauit aduentus iterum tui in Vrbe, ad sacra hæc Comitia; & fidem statim habui, & hac scriptiõne testari gaudium tui reditus & consignare fidem & constantiam meam volui in te colendo. Atque vtinam etiâ vel ætas vel valetudo mea tulissent, ut coràm me aliquando in dominâ eâ vrbe sistere, & vultu ac sermone, quæ dico, probare potuissem! Suaue fuisset, & cogitatione ipsâ recreor; sed eâdem mox deiicior, cùm video irritum illud, & nil nisi votum futurum. Quod tamen à me non possum, habeo è domo meâ & interiõre amicitia insignem iuuenem Philippum Rubenium, qui coràm præstabit, spero, & totum me reuelabit; & Ill<sup>m</sup> D. Tuæ dabit dicabit. Adspirat enim ille Romam:

Romam: & quamquam mihi in docendi munere successorem, ut ingenium & doctrina eius suat, destinaram; tamen visa ea vrbs sic cepit, ut frangere dare huic desiderio non possimus, & vitam non solum agere, sed ponere in ea velit. Neque ultra retineo. cur enim Theatrum hoc virtuti eius inuideam? imò commendatione etiam adiuvio, & ad te, Ill<sup>me</sup> Domine, si commodum est, mitto. Audio Bibliothecam instructissimam & animo ac stirpe tuâ dignam parasse: non est fortasse in Europâ aptior ad hoc aut maius aliquod munus. Doctrina varia est in Græcis Latinisque, stilus in utrâque oratione, prosâ & versâ, elegans, & famæ etiam producendæ, notitia antiquitatum & historiarum: quid mores? ipsa suauitas, ipsa probitas, & qui experietur aut noscet, vera me dixisse agnoscat. Neque enim aliter apud talem Principem debeo, & ita Rubenium meum amare ac producere, ut me & famam meam amem. Sed certus sum quicumque iuuenem possidebit, gratiam mihi tradenti habiturum, & plura aut certe distinctiora, quàm dixerim, inventurum. Et quamquam de Bibliothecâ iniecerim, re scilicet studiis eius aptâ; potest tamen & in litteris scribendis aut concipiendis operam decorè & vtiliter nauare, & variè cultum factumque ingenium varia obire. Hæc ego Ill<sup>me</sup> & Rev<sup>me</sup> Domine, ante omnes scribenda ad te censui, & peccaturus videbar, si gemmam hanc ut sic dicam adolescentis alteri offerrem. Si tamen ratio aliqua est quæ nunc non admittat, commendatum certè notumque esse cupio, & honorem interdum habere vel aspectus tui vel affatus. ILL<sup>ME</sup> ET REV<sup>ME</sup> DOMINE, Deum oro servare te longum Ecclesiæ & Patriæ, atque etiam in Patriâ, velit. *Lo-  
nanij, Kal. Aprilis. ∞. 1655.*

## EPIST. LXV.

*Romam.*SERAPHINO OLIVARIO S. R. E. *Cardinali.*

**V**OTA nostra & bonorum Deus audiuit, & ad dignitatem euexit, quæ virtutibus & meritis tuis iamdiu debebatur. Animo hoc gratulatus pridem sum: nunc & scripto, cui materiem etiam Philippus Rubenius noster dabit. Nosti iuuenem, & vidisti Romæ: atque vicinam interiorem cum totum, & bona  
egregij

egregij animi nosse! Græcè, Latine, inter paucos doctus est; stilo utroque facili, & vel ad veterem elegantiam in versu; historias & memorias veteres nouit: & quod caput mihi quidem, iudicij in plerisque omnibus puri & directi. Mores sunt, vno verbo, quos vel in filio (si Deus dedisset) optem. Quorsum ista? Ad Romam vestram iterum adspirat, etsi me, non abnuo, refragante. Nam ego hîc illigare eum, & in Professione mihi sufficere destinabam; & iam cum Principe agere cœperam, imò & impetraram. Quid tamen est? intemperanter Vrbeim amat, & nescio quis Genius eò vocat: bonus, ut spero, si vos tales faueris & iuuis. Atque hoc Ill<sup>ms</sup> & Reu<sup>me</sup> Domine, fiduciâ tui in me & litteras amoris, peto. Commendaui equidem priuatim Ill<sup>ms</sup> Cardinali Columnæ, ut à Bibliothecâ ei esset: sed litteras eas sustineri volui, donec de tuo cōsilio rem institueremus: & aut illuc aut aliò iremus. Rogo iterum, dirige & gratiâ atque auctoritate tuâ nos iuuas. Ego spondeo optimâ & Romanâ fide, non solum pro opinione tuâ, sed supra Rubenium futurum, & vsui atque ornamento esse posse, quicumque rari adolescentis hoc decus habebit. Dabis autem veniam sic liberè & reuelatâ fronte hoc petenti: iam dixi, fiduciâ amoris tui (de quo alij ad me) factum; & addo notitiâ virtutum tuarum factum, quas cum tam multas habeas, fieri non potest quin & in aliis ames. ILL<sup>ms</sup> ET REV<sup>me</sup> DOMINE, voto duplici claudio: altero ut Ecclesiæ diuisis superstes, altero, quod animo concipio, ore non promo. Louanij, Kal. Aprilis. ∞. I. C. V.

## EPIST. LXVI.

*Mediolanum.*ERYCIO PUTEANO *suo.*

**I**N grauissimâ tempestate morbi fueram, cum Beemdius tuas dedit: neque emerſi etiam, portum tamen propius spectro: si ille non erat verè portus, quò ibam. Homines sumus, & ibi quies. Epidigma tuum Historicum vidi: valdè placuit à robusto & vegeto stilo, nec censebam te sic assurgere. Plura modò fuissent: & cur non etiam in digniore argumento? Litterarum quædam ad amicos querelas præferunt, & nauseare illîc videris. At lentè & prouidè agendum est, mi Puteane, & sumendi pro



pro temporibus affectus. Alia mereris? fateor, sed rectis iudicijs, quæ istud ævum in nostrâ re non habet. Si solus sis, facile migres, & pedem aliò inferas: nunc comparem habes; solatium, sed & impedimentum. Rogo te iterum; lentè, & mecum philosophare. Belgica aut Germania non donet, quod istic habes. Sed etiam æmulos, inquires. Et credis hîc non esse? vetus & magna fama vix sustinet: quid novella & assurgens? Si mihi liberè & remoto velo te pandis, consilium non deerit, & auxilium quâ potero. Confide interim, & Deo & te nitere, & animum pro ingenio habe: id est, magnum & altum. *Στέργε τοὺς παρῶν, Acquisce præsentibus.* donec Fortuna alibi sinum pandit. Louanij, VII. Idus April. ∞. Iocv.

Postquàm scripsissem, tuas novitias accepi, & Tesseræ tertias. Sunt sanè bona & arguta in ijs: sed iudicium, aut consilium potius, non muto; & laudem mihi è maioribus pete. *Dravam* nostram acceptam ibi, benè est, & debet in Italiâ: quid censēs in Bataviâ? Vapulo, & scripta in me & libelli; etiam è Galliâ nunc, neque hominis indocti, ut apparet. Nosti partium factionem. Nos Batauo aliquid reposuimus in fine *DI VÆ SICHEMIENSIS*, quæ iam editur: de Gallo, videbo. Et si litigare scis quàm nos abhorremus: sed obijciunt ea, quæ religionem & famam meam tangunt. O quum, in quo bonis modestisque multa ferenda sunt! Quomodo? *Stomacho Ciceronis*; non enim licet, *animo Catonis*. Tibi etiam suggero, & fer, & fervorem ingenij aut ætatis compesce. Laxa autem omnia in mei amorem. v. Idus April. anni scripti.

## EPIST. LXVII.

*Insulas.*FLORENTIO VANDER-HARIO, *Canonico & Thesaurario.*

**T**VAS & Legati litteras accepi, & illis quoque respondi, ut hîc videbis. At tuas caras habui, non solum quia primas, sed quia amicè & prudenter scriptas. Duo earum capita. prius de excursionem meâ Lutetiam: & huic rei stimulos vel incitamenta adfers. Quid tamen opus erat, si valetudo frana mihi laxaret, cum sponte propendeam & iamdiu animo illuc

Ii adspi-

adspirem? Sed reuera ultimus iste morbus (de quo audisse te video) sic me adflixit & deiecit, ut suscipere longiusculum paullò iter non audeam, vacuus virium, & leui momento fortasse collapsurus. Alioqui Lutetia quomodo me non trahat? quomodo non ille, qui sic amanter inuitat, & quem tanti facio? Sed & momentum, fateri debeo, tua scriptio habeat, quæ omnibus illicijs illis & blanditijs suggestis, oleum in hunc ignem, ut sic dicam, addit. Sed differre debeo, & spe me pacere, ac cogitatione intercè loca atque homines illos usurpare. Caput alterum, de aduersario illo in Diuam & me scripto. Cuius auctorem adhuc quæro: sed quicumque sit, consilio tuo nimis acquiesco, de silendo & contemnendo. Et sunt tamen, etiam graues & pij viri, qui aliter volunt, & velut classico me excitant ad pugnandum. Sed cum naturam meam, cum ipsam rem, cum finem fructumque video, inclino quò tu ducis. Natura sanè mea mitis & tranquilla est, vehementiori omni affectui aliena, & ab ingenio meo deserat si irasci velim aut litigare. Respondi quibusdam, fateor: sed comiter, non acerbè, & commissionem aut ludum magis dicas, quàm pugnam. Non est meum Thyestæo more, quod hodie obtinet, furere aut sæuire. Deinde ipsa res, uti tu verissimè, quid est? duplex, vel in me, vel in Diuam. Hanc Theologi vindicabunt, aut potius iamdiu vindicarunt. Quid enim ille homo adfert, quod non à triginta amplius annis refutatum? At in me quæ dicit, duorum sunt: quòd & Tullius sim & Iulianus; siue causam deseruerim, & religionem. De causâ, parum est: numquam incam me dedi, nec publicè aliquid attingi, quod scio te quoque scire. De religione, ab annis triginta tribus, id est omni maturiore meo æuo, constans & firmus in istâ fui: nec vel in Batauiâ, id est inter medios aduersarios, vacillaui. At in Adolescentiâ meâ volunt aliter. Primum, scito illos augere & fortiter mentiri, præsertim quod ad scripta: in dictis aut factis, siquid in communi Europæ motu titubaui, abeat, & *binc estimemur* (ait ille) *cum sumus nostri*. In alienâ religione, in æstu adolescentiæ, inter blandientes aut terrentes, facile fuit in speciem culpæ venire, si non culpam. Ad Prudentiorem aliquem, id est tui similem, appello. Denique fac me respondere, & hæc omnia

omnia obterere ac profligare: quis finis, aut fructus erit? Finis: inò principium litigiorum: & pro vno meo scripto tria rescripta. Gaudent homines his pugnis, & præsertim in nomen aliquod illustre, quale benignior Fama fortasse mihi dedit. Fructus autem, illeipse quem dixi, odia & pugna. Non enim illos meliores ita facimus, aut causæ nostræ amiciores: contrà est, & alienamus. Quid autem bonos? de me scio & sentio, offendimus, & superbix aut contumaciæ taciti nos damnant. Heus, heus, Christiani simus: sacerdotes pacis, vt Tertullianus ait: & siquid peccatum est, pænitere malimus quàm defendere. Hæc mea mens est, & erit: in quâ suffragium me tuum habere, Vir Reu<sup>d</sup> & Clar<sup>me</sup> gaudeo: tu me inter amicos & clientes. Louanij, xvi. Kal. Sextil. ∞ .I.CCV.

EPIST. LXVIII. *Bruxellam.*IOANNI RICHARDOTO, *Præsidi.*

**T**ERTIA hæc consolatio est, quam scribo: & me verba pænè deficiunt; an non te animus, in tam assiduo & repetito Fortunæ ictu? Non opinor, vt tua prudentia est: quæ & robur sumpsisse iam ab vsu debet. Tiro aliquis miles ad primum vulnus collabitur, veteranus sine motu sanguinem suum spectat. Et quid mirum, si consideras, Fortunam in te vires suas sæpè experiri? materiam habet, & numerosam florentemque familiam Deus tibi dedit. Tela in vnum alterumque missa, aberrant: vbi turba est, lædunt etiam quem non petunt. Fortunæ causam agere videor, Ampl<sup>me</sup> Domine, tuam ago: quia vnum alterumque si tulit, habes in quos spes tuas reclines, & solatium in omni luctu petas. Ecce proles reliquas, ecce tot nepotes! benè fundata domus est, rarefcere potest, exstingui (nisi inopinabili aliquo fato) non potest. Et vis robustum vnum solatium promam? Cogita tam multos non habuisse. Olim inter vota erat, & legibus munerata felicitas, tres liberos sortiri: quid? plus bis tres etiam nunc potes (& longum opto) numerare. Et addo, quòd tuus iste qui periit, ascitus in familiam tantum, gener non filius, amore non sanguine iunctus fuit. Quid, quòd nec ipse totus periit? prolem è carissimâ filiâ tuâ tibi, nobilissimæ familiæ

germen, relinquit. Adoleſcat, & te ac matrem magis magiſque oblectet. At pater ipſe quomodo perit ? vt militari viro, & ſtirpe illâ dignum erat, in acie, in armis; & ſpiritum ſuum patriæ ac Principi impendit. Patienter me audi; habes etiam in quo glorieris, etſi trifti caſu. Ecce duos iam è tuis, filium ac generum, pro publicâ ſalute panè dicam iminolafſi. Certè confecraſti; & à tam honeſto fine, piâ cauſâ, non ſolùm in memoriam hominum, ſed ad beatas ſedes æternâ fruituri gloriâ iuerunt. Hæc te ſolentur: & quid addam ? timidum in tertio filio reddant, quò meus quidem timor te vocat. Antonium noſtrum, qui vnicum Richardorum fulcrum, propago, ſemen, ſubtrahe ab incertis iſtis belli, & ſatis ſit gloriæ vel fidei, Matrem duos iam pignerafſe. Hoc te rogo, & ſimul paullò poſt cogitare de honeſtâ eius copulâ, & nouis gaudiis hæc ac præterita mala obliterare. Apud te, ſpero, audiar, & modum dolori prudentia tua ac ratio dabunt: dies apud filiam, cuius primis affectibus cruda hæc auulſio accidit, & fruſtrâ ſuadeamus non lugere. Mulier etiam eſt: te fortes & viriles curæ decent, te Reſpublica & Princeps vocant, neque otium indulgent mœrori. Mane in hac ſtatione, quam Deus aſſignauit, Ampl<sup>me</sup> & Nobil<sup>me</sup> Domine, & diu in ipſâ vitâ hac mane, publico bono. Louanij, 1v. Kal. Septemb. ∞. 16cvi.

## E P I S T. L X I X.

CAROLO PHILIPPO RODOANO *Epifcopo Brugenſi.*

**L** I C E N T I A T V M hunc noſtrum, & Canonicum tuum labeuntem à nobis vt animo & ſauore proſequor, ita commendatione meâ comitari, iterùmque ſiſtere Reu<sup>me</sup> D. tuæ volui. Oſtendiſti iam animum, & deuinxiſti illum ac me beneficio: rogo vt exhibere eundem porro digneris, & beniuolentiâ tuâ meriturum complecti. Certè à me præcepta illa ſiue monita habet, Deo & diuinis piè operari, Antiſtiti ſuo obſequi, cum collegis tranquillè & modèſtè verſari. Conſido facturum, & Eccleſiæ vtilem futurum. Audio Pœnitentiariam, quam dicunt, vacare; quæ de more dari Canonicis affectis ſolet. Si iudicas hunc idoneum, audeo commendare; ſic tamen vt totam eam rem prudentiæ tuæ meritò permittam. Deum rogo, Reu<sup>me</sup>

R  
dan

Reu<sup>me</sup> in Christo pater ac Nobilissime Domine, diuturnum te in Ecclesiâ & republicâ, atque vtinam meliore a<sup>u</sup>o, esse. Louanij, prid. Kal. Septemb. ∞ . 165v.

## EPIST. LXX.

*Romam.*

LVDOVICO BECCATELLO.

**D**VPLICI nomine & epistolam tuam caram, & ipsum te habeo; priore quod me, altero quod & Rubenium meum facies. Quod vtrumque ex epistolâ tuâ cum didicerim, meritò grata accidit: & in vtroque vt perseueres, te rogo. Nam & ego certè affectum hunc iam in te indui, & fide ac candore, quem Amicitia debere scio, seruabo. Sed de Rubenio, & ipse tibi debet, ac coram vel soluet, vel certè agnoscer, quod te sic promptè & industriè agente, in familiam Principis illius viri venerit. Et quamquam res auctoritate Ill<sup>mi</sup> Seraphini peracta sit; tamen te quoque affectu & dexteritate illâ contulisse, & scimus, & fatemur. Enimuerò benè fecisse tam bono & merenti viro (Rubenium dico) nō poenitebit te vñquam mi Beccatelle: & si vitam Numen ei largitur, sparget & ipse ingenij sui lumen, & ad exteros ac posteros diffundet. Fiat, voveo. Sed illud me etiam in epistolâ tuâ delectauit, de Cardinali Palæoto, beatæ memoriæ viro: in cuius familiâ egisse te scribis. quem ego viuum colui, & amari ab eo me sensi, & defuncti nomen etiam apud me est sanctum. Fecisti iacturam in eâ morte dicam, an non fecisti? Transijisti enim in huius viri domum, quem ego inter primos Europæ esse scio, & cuius benignitas in me quoque affectum largiter ostendit. Vt diu frui possis, meum votum est, & vt inter nos amemus. Vale vir R<sup>de</sup> & Nobilis. Louanij, viii. Kal. Octobr. ∞ . 165v.

## EPIST. LXXI.

*Perusiam.*

M. ANTONIO BONCIARIO S. D.

**R**ISI in epistolâ tuâ, quâ Laconissimum voves: & quid dicam? imitari te virgines, quæ formosæ, modestiâ quâdam formam optant, & tacito sensu sciunt & gaudent se habere.

bere. In te est, mi Bonciari. certè in hac epistolâ sic illum exprimis, vt exemplum esse Laconibus possis: & quod palmam possit, argutias & Veneres Atticas vnâ misces. Me ducem facis? Fateor cædi me à meo milite, & in meis castris. Sed ad rem. Legi quæ de Ill<sup>mo</sup> Legato Cardinale scribis, valdè in me amica: nec pudor meus passus, neque ratio erat, silentio hæc me præterire. Scripsi igitur ad ipsum, & curæ tuæ erit vt videat: quid etiam? vt probe hanc animi mei declarationem, puram, sine fuco, sine ambitu, qualis mundi ille status est super nubes. *Stoïca* nostra vidisse te non nolo, magis approbasse. Idem in *Monitis*: quæ plus fortasse prompti, vt sic dicam, fructus habent: sed *Stoïca* examinata ad Virtutem ducunt, directâ iudicio quod Pietas formauit. Accessit nunc & meus *Seneca*: & iure mirabar, siquid post multos & magnos illos possem. Potui, & ad scripta ac Notas meas appello. Etsi nihil in iis quod circulum, id est populum spectet: breuia & adducta sunt, nec nisi examinanti laudanda. Te aliquem lectorem, non è pullatâ turbâ, poscunt. At ego deinceps etiam tuum amorem: hoc magis, quod frui diu fortasse non erit; ita valetudo hæc præcipitavit casu nupero: at tuam ego firmam opto, ô Italiæ tuæ (patere me sic loqui) Homere. Louanij, postrid. Idus Octobr. ∞. I. CCV.

Scisne Epistolarum tuarum libros ante annum in Germaniâ recusos? Vides iudicia, & confide de famâ.

## EPIST. LXXII.

HENRICO VANDEN EEDE, cognato suo.

**I**AM ANTE triste fatum optimæ matris tuæ acceperam mihi cognate, & in animo meo senseram dolorem. Mihi crede, iacturam fecisti in tali parente, tam industriâ, probâ, piâ, & tui amante. Quid tamen est? communem legem habere in oculis oportet, & illi ac diuinæ voluntati non refragari. Omnes cōimus, & ordine non sine variis. Benè etiam, & magna vobis consolatio (tibi ac forori, dico) quod piè vixerit, assidua in sacris occupationibus, precibus, locis: vt fiducia esse debeat receptam eam ad beatas sedes, in quibus diuinâ visione fruitur, id est omni felicitate. Hoc speramus. & precibus eam magis quam

quàm lacrymis prosequere: ita facturus pij filij officium, & quod ipsa à te ambit. Ceterùm ab illâ etiam oculos ad te reflectes, & vitæ ac studiorum cursum moderaberis, vt eius & amicorum voluntas tulit: hoc est, ad Virtutem simul & Doctrinam ibis. Non propone tibi ambitionem aut quæstum è studijs, qui plurium hodie finis: sed prudentiam propone, & conformationem ingenij, ad publicos & priuatos vsus. Adiunge deinde finium finem, honorem Dei, & tuam salutem. Hæc obiter nunc moneo mi cognate, vberiùs aliquando in sermonibus facturum, cùm res tuæ ferent ad nos redire. Nunc animum à luctu compone, & ad vetera studia dispone; & memoriam tamen & exempla optimorum parentum (nam & pater talis fuit) in animo habe, & imitare. Louanij, postid. Non. Octobris. ∞. 10CV.

## EPIST. LXXIII.

Bruxellam

PETRO PANTINO V. R. S. D.

**P**RO chartis meis nummos à te accepi, & quidem probos, veteres: adeò non gratus solùm, sed promptus es, & statim tibi visum *ἀντὶ δῶται*. Laudas editionem Senecæ, modum & formam, & chartam: sed quàm malle ipsas Notas, & quæ à me, non Typographo, essent! Malle dico, si merui: neque aliter. Et scio in fronte quædam tenuiora videri: sed examinata fortasse pondus habeant, aut certè vsum afferant lectori. Denique illustria quædam & à nobis esse, post multos & grandes censores, id quoque, *ὡς ἐν ἀλλογενέσει* ☉, dicam. Sed tu, & qui potestis (pauci in Belgicâ) iudicium feretis. In publicis percussit equestis clades iam nuper accepta ad Rhenum: etiam Principis morbus, etsi remississe nunc, inò dimississe, dicebatur. Audistine & classẽ iterùm ex Hispaniâ aduentare? si non aliam, aut maiore instructu, & addam consilio, quàm hanc priorem: vbi mens eorum est? Nam hoc quidem planè videatur\* *ὡς ὑπὸ Σισυφίου* <sup>sub</sup> *ῥοπαλῶν*, quod Græci tui dicunt. Vale V. R. & nobis care. Louanij Idib. Octob. ∞. 10CV.

EPIST.

## EPIST. LXXIIII.

BONIFACIO BEVILAQUAE S. R. E. *Cardinali,*  
*Legato Umbriae.*

**G**ALLICAM audaciam vide, & hominem, nisi de nomine fortasse ( & hæc tua benignitas est ) notum, ad te scripto adeuntem : sed à causis, ut meus animus dicit, iustissimis impulsus. Dignitas tua est, quam scimus; genus, opes, & quod caput est, virtutes : iisq; cultum nostrum merebare, & quamquam in silentio, venerationem. Sed accessit in me benivolentia, quam M. Antonius Bonciarius, merito rarioris doctrinæ carum mihi nomen, aperuit & litteris affirmavit : quæ vocem siue stilum istum elicit, & sistere me velut coram iussit. Quid dicturum ? quod facerem, si adessem; sed vultu, oculis, toro gestu affirmatiùs; me nomen inter cultores tuos profiteri, & rogare admittas, fide & officio nemini vel veterano cessurum. Sincerè, & sine moris aut æui nostri verbis, sum animo & affectu inter tuos clientes : gaudebo recipi, & magis, si usus aliquis mei esse (quî sperem in tam longinquis locis?) esse inquam potest? Scripta & libellos nostros non improbare te audio, & in manus interdum sumere : honos mihi est, & addam, stimulus mihi est, ad decurrendum porrò hunc cursum, quem vos plausu & favore incitatis. Sicut histrio, aut alius actor, gaudet coram Principibus viris specimen operæ atque artis edere : sic nos spectari à vobis, quid approbari? Testor hoc igitur, & gratiam hic consigno; & quod antè dixi, officium deferò & cultum. Louanij, postrid. Idus Octobr. ∞. MDCV.

## EPIST. LXXV.

*In Castra.*

IOANNI GAVERELLIO *1<sup>to</sup> & Iudici Legionis.*

**Q**UOD in feruore illo rerum memoriam mei retines, gratum est: & merui in parte, amore meo tui. Scribis distinctè quæ adhuc euenerunt, & sanè lata: atque initia iacta esse, & velut fundamenta melioris Fortunæ, ego tecum spem concepi. Ducem ipsum nostrum video, bonæ Famæ audium, Deo  
 &



& Regi addictum, intelligentem, diligentem : cui nihil deficit, si occultâ æmulatione quorundam, à Rege ipso (quod abominor) non deferatur. Scis factiones in potentiorum Aulis, suspiciones, delationes: neque semper recto iudicii oculo res aut homines æstimatos. Si tamen ista spes & fulcrum nos deserit; ego nihil video nisi funus nos esse. Placet, bellum translatum in hostilem limitem: & diu sic oportuit: non honoris & decori solum causâ (quia turpe est, tam potentem Regem & Principes, non inferre bellum, sed propulsare & defendere: ) non, inquam, idè tantum, sed quia sic expedit, & nil nisi clades in nostris finibus expectemus. Multa consideranda in eâ re; quòd hosti subsidia belli imminuimus, nobis augemus; quòd militem alacriorem, & animi fidentiore, habemus; quòd distinemus illorum copias, & ad multiplicem sumptum & impendia adigimus, denique quòd ferociam illorum atterimus, & docemus suis timere. Mihi ita videtur ( & puto in opinione non falli: ) si biennium tantum, in illorum finibus copias habemus, cum disciplinâ, & à seditione expertes; hostes valdè frangimus, neque aut ipsorum, aut occultæ aduenticiæ vires subsistent. Sed hæcenus confusio apud nos, bellum aut rebellio inter nos, quomodo non partes illorum erigat & attollat? Quòd si classis deinde, bonis viribus & naualibus socijs instructa, ab Hispaniâ accedat: mihi crede, non inclinationem solum, sed finem belli videamus, & seditiones à nobis in ipsos ire. De Regum occultis consilijs, aut pactis, nihil differo: omnia tamen me fallunt, aut Rex Britannix amicus illis esse non potest, qui regna tollunt; non item Daniæ, & quicumque magnitudinem suam & securitatem amant. Sed longius eo capiatur Wachtendoncka, tum Meursia, & Cracouia; denique alius transitus in Rheno fiat; res illorum in arctum eunt, & Fortuna quæ risit, vultum vertet. Marchioni dumtaxat robore opus & fortitudine animi, contra occultas fraudes: & sciat multos esse, qui bellum belli causâ gerunt; qui dolituri sint in deurgio rerum, & vbi plena victoria ad nostros ibit. Hæc tabes in ciuili diutino bello: intelligat, & se muniat, & felici pede porrò ad gloriam eat. Vale mi Gaucrelli. Louanij, v. Kal. Nouembr. ∞. Iocv.

## EPIST. LXXVI.

*Antuerpian.*HENRICO VVENO *I<sup>ro</sup>.*

**F**ILIVM tuum vidi, & amplexus sum, & porro amplectari ita affectus meus in te poscit, ita adolescens ipse meretur, & magis magisque merebitur, cum ætate maiore. Spero patri similem futurum, atque vtinam supra patrem, te volente! Quod Senecam nostrum probes; parum est de nostro, id est quæ ego attexui; sed valde cupio & hortor ut ipse auctor placeat, optimus Dux, si quisquam veterum, ad bonam Mentem. A naturâ eò duceris, cape directorem contra vulgi iudicia & voces, quæ sæpè interpellant. Significas ad primarium iustitiæ tribunal te vocari, & iam audiueram: sed competitorem habes, quicum scio non libenter te concurrere, & pænè malle vinci. Vis meum iudicium? Gaudeo te vocatum, & laudo Senatores recti sensus: opto Princeps eò eat, & homines muneri, non hominibus munus donet. Benè factum, quod ad Præsidem modestè, & in eam sententiam scripseris: hoc satis est, cetera Deo & Principi per-  
mitte. Tuus honos fortasse agitur, res non agitur: & illo augere, hæc minuetur. Scis, quid dicam. Sed puta & constantiam tuam & æquanimi-  
tatem spectari: nos in te vertimus oculos, & videbimus ambitio, an respublica ducat. Si illa, dolebis in re-  
pulsâ: si ista, facies quod olim Cato, & vel pilâ eodem die ludas. Non enim reuerà tu, sed illa repelletur: & hoc vir sibi, & donis à Deo, fidens cogitabit, tempestiuum nondum esse ad-  
moueri. Ad rempublicam optimi & scuerissimi sapientum, imprimis Stoici nostri, mittunt. quid nisi animal societati natum, ratione & consilio præditum, & quibus plures potest debetque iuuare. Hoc magis, cum institutio & doctrina, & addam, usus accessit: quæ omnia in te, mi Vvone, scimus esse. Itaque tu te idoneum ciuem patriæ dedisti, & in promptu ac velut procinctu es, si vocat: ultro ingerere, non modestia, non mos item volunt. Aino autem valde, quod de magnâ republicâ & mundo, prout intimo meo sensu addis. Ita est. ô illam colamus, si ab hac minore spernimur: & quanto grauioribus, atque etiam suauioribus, curas habebimus? Venient in conspectum diuina & humana:

nec

nec de terrâ glebâ, aut stillicidio, ius dicemus; sed cælum, aër, terra, maria, & quidquid Geniorum aut animantium hæc colit, considerationis & arbitrij nostri erunt. Tollere in hunc currum potius, & in ætherem subuola; quàm scellam aut tribunal ascendas, vbi cum federis & caput tolles, videbis quàm in humili eris. Satis philosophiæ. quàm modestè tractari & haberi, præsertim à vobis patribus familias volo, & cogitari etiam quos in terrâ habetis & relinquitis, à Deo datos. Non renuntiat iis curis philosophia, sed temperat: tu fac, & me ama. Louanij, III. Idus Nouembr. ∞. MDCV.

## EPIST. LXXVII.

GASPARI DIEMENO.

**A**b epistolæ tuæ lectione voluptatem, admirationem, iram etiam concepi. Omnia hæc vno tempore? vno. Voluptati fuit amor, quem seriò & candidè præfers, & verbis ita exprimis, vt animo huic imprimas, & persuasus sim non vulgariter à te amari. Admirationi, ipsa scriptio: à taline talis? Mercurialium te virorum censebam, & sic profiteris: ego Confortulum mutem, & Muscis ac litteratis iure adscribam. Profectò non libasti in iuuentute hæc studia, vt coràm dicebas, sed combibisti, & è pleno eorum pectore manant quæ scribis. At hoc ipsum est, quod Iræ fuisse dico. tene ad me venire, & sic callidè tegere & dissimulare? O vulpio, non impones postea: veni, veni, & amplectar te & vinciam, & sermonibus tuis suauius, atque etiam diutius, fruar. Non, inquam, sic vt vnum aliquem τῶν τυχόντων, vel accipiam, vel dimittam. Nam amare te deinceps certum est, mi Diemene, & scriptis amorem fouere, ac factis, vbi opus aut vsus, testari. Hoc dextrâ istâ fideliter scribo, & do cam animi huius testem. Iam ad tuas litteras. Scribis de bulbis quibusdam selectioribus mittendis: fac te quæso, & voluptatem hanc meam, quâ pascor, instrue vel auge. Post libros, dux sunt auocationes, vel solatia: Hortus, & Canes. De fructibus autè ab Hispaniâ, nihil vrgeo: tantum, nec illos ingratos vxori fore à nouo amico. Habebis & à me breui donum magnificum, regium: quod illud? opidum totum, &

Kk 2

LOVA-

LOVANIVM nostrum, quod iam typis cuditur, intra paucas septimanas mittam. De nostro ibi Villerio (nec enim amare desij) portò curare perge, & ne magis in præceps etiam ruat: Sis te, si non pòtest reduci. Quòd Senecam habeas; & ames, ô quàm gratum! Mihi crede, non est auctor aut dux certior (de profanis loquor) ad bonam mentem: date illi, & Mercurio tuo Mineruam istam iunge. Sensum meum interiorem tibi dicam. amo valde hoc genus vestrum, qui curas externas internasque miscetis, & vulgi bona istis veris solidisque temperatis. Non alia vita Pomponij alicuius Attici, & veterum illorum equitum Romanorum fuit. Vale, & litteræ etiam tuæ me adeant, donec tu iterùm, & culpam dictam purges. Louanij, prid. Idus Nouembr. ∞. 1565.

## EPIST. LXXVIII.

Tornacum.

DIONYSIO VILLERIO.

**S**ENECAM accepisse te gaudeo, magis approbasse. Nam quid Ste celestem? In hac ætate ingrauescente, in continuâ inuالتitudine, timere de iudiciis incipio, & ne scripta mea non sint profamâ priore. Tu aliter dicis, & cum cygno me componis; bene est, si affectui hoc non dones. Ordines Brabantia scribi ad me iusserunt, gratum sibi fore si de Histèria patriâ cogitarem: & suscipienti liberalitatem suam promittunt. Quid tibi videtur? nondum respondi, & tamen inclino: imò sponte iam me cepti ad ista dare, vt videbis in LOVANO nostro. Quod Duci Croyæ & Arschotano inscripsi, & per occasionem nuptiarum istarum (aliter numquam) conscripsi. Quibus nuptiis an & tu intereris? Ille moferiò vocat, & iuber: sed alibi parvero, hîc valetudo vetat, & pompa minimè Lipsiana. Malim apud te mi Villeri fabulari, conuiuari, ambulare. & fier, vbi Ver primum carceres aperiet ad excurrendum. De publicis equidem filui, & quamquam te excitante, etiam siléo. Quid enim magnæ rei, aut vel spei, possum? Nos in limite assultamus, & hæremus: & vereor vt lentè perrumpamus: & sic quoque bellum inexplicabile habeamus. Longius enim progredientibus maiora & munitiora occurrent. Ego in veteri sententiâ maneo, de classe: & sine eâ finem

nem aut inclinationem non fore huic bello. Sed classẽ mei sensus atque arbitrij velim, non qualem Iberia nobis misit, aut mittit. Nam & nunc in eo esse dicuntur. Multi aliquid ab occulto consensu Regum sperant, quibus placere vix possunt qui regna tollunt: sed lentum est, & multa interueniunt quæ impediunt, aut mutant. Interea Austriaci clades magnas in Turcico limite accipiunt, & tota regna perdunt. Austriaci? imò Christiani. nam commune profectò periculũ est ab immani illo hoste. At nos cessamus: etiam ego, & te valere iubeo mi Villeri. Louanij, Idibus Nouembr. ∞. 165v.

## EPIST. LXXIX.

*Antuerpiam.*

AVBERTO MIRAEO V. R. S. D.

**C**VM apud me esses, optime Miræ, inter varios & delectantes sermones, de Historiâ patriâ locuti etiam sumus, ad quam illo ipso tempore Ordines me inuitabant. Dixi tibi statim promptè me suscepturum: & quid negarem magnæ parenti meæ, id est patriæ? Laudem eius & vetera facta propagemus: & ostendamus exteris, neque barbaros nos, neque in militiâ aut pace inglorios fuisse. Hæc magnitudo & potentia, quæ nunc est, & animos exterorum percellit aut vrit; tota ferè à Brabantia est, aut certè augmentum & culmen ab eâ habet. Ergo libens scribam: & decere hanc ætatem meam videtur, ad propria magis quàm aliena stilum vertere: ac si quid prudentiæ aut iudiciij à naturâ, vel lectione, vel etiam usu habeo, in Historiâ promere, quam licet Practicam philosophiam vocare. Alibi alia dicuntur, aut suadentur; hic exercentur, & præter exempla sententijs iudicijsque notantur aut suggeruntur. *Siquidem debent* (ait vetus Historiæ scriptor) *ea poni ab Historiographis, quæ aut fugienda sunt, aut sequenda.* Ita est. neque clarius speculum morum, morum? etiam Fortunæ, & variæ sortis rerum, quàm in hoc æui theatro: vbi præmia pœnâsque bonis siue improbis obserues, vbi constantiam aut robur ab alienis exemplis sumas, siue cum in aliquo ea esse admiraris, siue cum abesse indignaris. Et dic sodes, nonne hæc melius scribere, quàm nugatori alicui aut sycophantæ rescribere? Nam patere me hîc affectui

tuo fr̃num aliquod dare, qui nuper incitabas ad respondendum. Læsit enim Diuam & te, inquebas. Diuam? non potest illa est extra ictum. Me? nec id quidem: sagittas in me misit, sed in aëre hæsuras, nec ad animum istum peruenturas. Miseros nos? si talibus configi necessum habeamus, quoties illi Massage-tæ aut Scythæ iaculantur. Cur non sic appellem? imò omnibus barbaris immaniores sunt, qui nos modeste, grauitè, & sine cuiusquam iniuriâ scribentes inuadunt, & lacerant. Atqui iniuria est in religione dissentire. Irâne? & eò ventum? Illi nouitij, & nuper nati (nec ipsi negent) regnum capient, & veteranos possessione iustissimâ pellent? O LIBERTAS, quam præscribunt, & pro quâ armantur! Indignor hæc fieri, & mecum boni: sed mederi aliorum est, & à responsione nostrâ frustra id speres. Irritabimus. sicut ignem qui gladio fodit, scintillas in se plures & stricturas elicit: tale in istis; cæde & dissipa, acutiùs insurgunt. Est hoc ingenium contumaciæ, subijci posse, non domari. At enim quæ famam tuam spectant obijcit. Quæ illa? Ienæ fuisse. Publicè dudum sum factus. Quid etiam? Orationes ibi habuisse. Vel vicens, non nego. Tales illas improbas & impias. Hoc nego, hoc pernego: & palàm editâ Epistolâ ostendi falsimonias istas meras esse. Tamen iterum aiunt. Quid ergo me vis facere? ora ijs claudere? non possum. Parum cauti aut probi sunt, vt rem dicam, qui attendunt: & occultè cupiunt aut esse tale aliquid (nouimus ingenia) aut simulant ambigere, vt in Arenam me proliciant, & voluptati eorum pugnem. Ego faciam? apage, honestior sum, non violò edictum Augusti. Possum alioqui, fateor:

\* Et mihi  
sunt hæc  
sunt &  
mihi scuta  
rotunda.

Καὶ μοι δέχεται ἔς, καὶ ἀπιδέξαι ὀμφαλόεσσα.

& ostendi, vbi res aut vsus fuit: hîc non committar, & cum his, quos nullâ meâ gloriâ vincam. Vno verbo, & breuiter. In fredo illo adolescentiæ (nam hæc obijciunt, & ab annis triginta quinque circiter repetunt) in illo, inquam, æstu ac feruore ingenij aliquid fortasse inconsideratius dictum, aut factum: quid iam est? Ex veteri sententiâ, *Hinc æstimetur, cum nostri sumus*. Postquam curæ alienæ non fui, cum solidæ mentis, steti in solido: cetera Pœnitentia defendat, cuius portus ex facili hanc cymbam admitter, quæ Reges, Principes, Ecclesiæ ipsos apices non exclusit.

En

En meam vitam à tot annis : vbi vacillat , aut fluctuat ? Neque nescio quorundam hodie prauam sapientiam esse , frigus præferre , medios agere : vt de ijs Homericum illud iure efferas :

\* Τυδίδω δ' ἐν ἀνθρώποις ποσειδάωνι μετὶν :

\* Tydidem  
hanc nescis  
vtrius in  
partibus  
esse.

\* Tac. 1. 12.  
Annal.

mihi displicuit. Factis, scriptis, dictis ostendi, *vetera nouis*, & *quieta turbidis antehabere* : quid amplius poscunt ? Inimicitias conciliaui : etiãne lites , & quidem perpetuas, volunt ? Nam hic finis non sit, & oriantur *Tusca iurgia*, quod vetus verbum dixit. Ama me, hæc omitte : de *Diuis* nostris securus, quæ fremente impietate viuent, & noster in Numen cultus. Louanij, poltrid. Idus Nouembr. ∞. 1655.

## EPIST. LXXX.

Mediolanum.

IO. BAPTISTAE SILVATICO S. M. D.

**L**IBROS à te accepi, etsi non litteras : quid etiã ijs opus erat ? nam ipsa Præfatio epistola est, quâ labores tuos (vtilis & doctos, ita me Deus) mihi dedicatumis, & nomen meum tuâ etiã luce illustratum. Ita sentio, ita accipio : & quamquam in hac ætate ambitioni alienior, gaudeo vel in testimonio vel in beniuolentiâ, quæ vtraque erga me promissis. Remotus à vobis sum locorum spatijs : atque vti nunc propior sum, & Pegaso aliquo possim subuehi : videres mi Siluatice in vultu, oculis, voce affectum erga te, & tuo merito susceptum : qui non, vt alij, elicere amorem meum, sed pignerare voluisti. Obligor, hoc fateor : pande viam quâ resoluam, videbis Ingrati dicam scriptum mihi iure numquam iri. Dum id fiat, affectu gratus certè ero, & te in animi isto sinu geram & fouebo : tu quæso, quem vltro amplexus es, ne dimitte, & litteris me appella. quoniam hæc, in hac locorum intercapedine, sermonis vicem debent possuntque obire. Fac, & te rogo. Louanij, xii. Kal. Decembres. ∞. 1655.

## EPIST. LXXXI.

Antuerpiam.

BALTHASARI MORETO suo S. D.

**R**EMITTO, quæ misisti. De numeris in *Icone Heuerlee*, viderbo si pictor poterit : & dubito, quia breue est tempus. Parum

Parum refert : præcipua modò sint notata & incisa . Censes tu tam accuratè hæc examinari ? Utinam faciant ! & magis illa, quæ scribimus : & semper candidè, ac bonâ fide . Hanc quoties in multis requiro ? Occasio & causâ est, cur dicam . Incidi nudiustertius in nouellum librum, in quo mei perhonorifica mentio : sed alibi nota, *Lipsum Orchadas & Stæchadas insulas confundere* : quod non puto vsquam in somnio me fecisse . Alij etiam obliquè aliquid : *Vir doctissimus in Tacitum* . Non tû censes me esse ? neque ob elogium, sed auctorem . Quære tamen, notam aut vestigium non reperies in meis scriptis . Talia plura peccant, & præsertim isti nouelli, & ut sic dicam, mustei Critici : qui feruent, qui erumpunt, & laudem suam alienam criminationem censent . Adde, quod *Lipsius non vidit* . Quis tibi dicit, non vidisse ? & iudicio fortasse, cùm satis testium esset, omisit . Sed non viderit : quæ culpa est, aliquid non fecisse ? Omissum hîc potest esse, non commissum : nec magis culpandum, quàm si à te exigam & confiscam, in Homerum non scripisse . O vanitates, ô ambituunculas ! At ego ad hæc talia fileo, & filui ; & magno animo ostendo tales iniurias vel calumnias intra me stetisse . Est quidam, qui in Scholis, ut audio, in materiem etiam me fecit, & in verba ac litteras, quid ? accentus etiam inquirir . Illeipse, ut rem magnam, ter quater in scriptis iterauit, *Lipsum censuisse tesseras frumētarias è plumbo, aut tali metallo, fortasse fuisse* : ô flagitium ! è ligno, inquit, fuerunt, & Dio dicit . Dic ô bone, ubi hoc Dio ? Ille de tesseras ludorum asserit, nusquam de istis : & diuersa sanè ratio est : cur ut geminum aut idem obiectas ? Cur etiam obiectas ? nam ego disertè scripsi, *potuisse & è ligno esse* . Ecce in his talibus docti & arguti sumus : vetus simplicitas ubi es ? *Sceptici* olim sectam fecerunt : faciant nunc *Psectici*, & magna manus erit . Ego illud seriò posteros rogem, siqui mea aut aliena legent, ut etiam conferant ; nec fidem statim habeant, hoc aut illud obiectanti aut refellenti . Aliter sæpè scripsi, & mente aut verbis aliis ; sæpè & non scripsi . Et fac, age, in tam variis opusculis meis & materie aberrasse : quid magni, aut noui est ? Fecerunt veteres, nouitij isti magis ; & in Criticis certè, ac diuinatorio genere, parè est necessum . Sicut ij qui rete iaciunt, sortem expectant, & sæpè truncum aut lapidem, propisce adducunt :



ducunt: tale in istis. opinio imponit, & addam cupiditas aliquid præter alios dicendi, aut iudicandi. At in scriptis mei stili aut argumenti, vt *Constantiâ*, *Politicis*, talibus, audacter dicam paucos nãuos aut nãuulos esse: si sunt, eupari nihil abnuo, imò & mulctari. Quidquid est (& hoc sine scribo) modestiam amo & teneo: numquam ad rescripta veniam, nec remedia amabo periculis peiora. Quisquis me carpit, vel hoc ipso sentiat bono viro iniuriam se fecisse. En, mi amice, pluscula, quæ calor iste descriptionis subiecit: tum & cogitatio de quibusdam, quos in hoc genere non stare scio & auferri. Nominasti, nec repero: sapiamus, & pro dignitate litteras tractemus: Vale, Louanij, XII. Kal. Decembr. ∞. 1655.

EPIST. LXXXII. *Mechliniam.*

NICOLAO OVDARTO.

**Q**VAESTOR hodie denique ad me misit (antè absurdè responderat) pecuniam aliquam paratam fore, mitterem uxorem. Fiet iam à prandio. Quod ad historiam patriæ, non miror illum vestrum haud nimis probare: quia nec institutum fortasse meum nouit; atque ego ista nouitia nunc quidem non tangam. Diuisi in duas partes. veteres nostros Duces, tum istos Austriacos, qui à Maximiliano successerunt. Vsque ad illum, quid periculi aut suspicionum est? imò pleaque laudum plena, & generosi ac minimè Tiberiani imperij, quod sine fūco aut metu denarres. Ego, cum Deo dicam, in scriptis cautionem & prouidentiam, si quisquam, habeo: & in hac certè ætate, & statu etiam rerum, habebō. Sed res gestas fideliter posteris tradere, diuinum si non præceptum, exemplum est; & Moyse alijsque Pontifices aut sacerdotes, pace ac bello fecerunt. Vide libros sacros. Quid etiam regius Vates? *In memoriâ aternâ erit iustus: iniustus autem cum maledictione & ignominia recitabitur.* Hi sunt stimuli bonis Principibus, frana improbis: & fuere ab æuo, atque erunt, nec vlla sæuitia tollet aut abolebit. Equidem inclino in hac ætate, quæ aliquid prudentiæ habere debet, & potest scriptis inspergere: atque ego Historiam veram & legitimam, ipsam esse prolem & fr-

Ll tum

tum Philosophiæ cenſeo, quod priſci illi ſcriptores dicant. Nam iſti nouitij meras nugæ agunt, & vimbram pro re habent. De Riuiο, ſpero: te amo mi optime Oudarte. Louanij, ix. Kal. Decembres. ∞. lxxv.

EPIST. LXXXIII. *Antuerpiam.*

IO. WOVERIO *mo.*

**G**AUDEO, gaudeo, melius iam tibi eſſe. Sit longum, ſit poſt me ætatem, & in te viuam. Quid deſtinaueris de Imagiine meâ, & adſcriptione, vidi. An intercedam? non faciam: do fræna affectui, & in me Honeſtum à te amari orbis ſciat. Si non ego tantus, quid reſert? eſſe volui, & in bono conatus etiam ſufficit, cùm occaſio deficit aut facultas. Prochnicij illius ardentem etiam animum agnoſco, & videbo vt liquoꝛe aliquo inſuſo non exſtinguam, ſed alam. Intra duos aut tres menſes ſermonis copia inter nos erit, & aut ego ad vos veniam, aut te iſtuc inuitabo. Tum de eo quod ſuggeris, aliſſiquæ. Sed heus, his diebus fui in ſcriptore ſuperioris, nec \* remoti nimis æui, *Matthæo Pariſienſi*, qui Hiſtoriam Anglicam ſcripſit, indiſtriæ & inquiſitè, ſi non eleganter aut ſcitè. Sed multa in eo bona & libera iudicia: miferis, ſi legas. Vnum, quod volui ad te referre ſuper ſtudiis hodierni æui:

\* Deſit  
ſcribere &  
vivere in  
anno 100.  
cc. lxxiii.

„ *Papa conſiderans ( Innocentius Quartus ) liberales artes iam in*  
„ *mechanicas penè fuiſſe conuerſas, propter lucrum; vt verè poſſit dici de*  
„ *Philophiâ,*

„ *Proſtat, & in pretio pro meretrice ſedet:*  
„ *U quòd iam ſerè omnes ſcholares, intactis Grammaticas rudimentis,*  
„ *Auſtoribus, & Philoſophis, ad Leges properant audiendas, quas conſtat*  
„ *non eſſe de numero artium liberalium. Artes enim propter ſe appetuntur,*  
„ *Leges autem vt ſalaria adquirantur. Imò etiam, vt omnibus liquet, ado-*  
„ *leſcentes ætate & ſcientiâ ſatis ſimplices, ex quo nouerunt in paucis*  
„ *Sophiſmatibus, perſtrepentibus palmis congarrire, cathedras aſcendunt*  
„ *magiſtrales, vt nomine illo uſurpato tumeant eleuati: & ſacti venera-*  
„ *biliores, ſine fundamento ſcandunt ad culmina celſiora: cùm melius eſſet*  
„ *& vtilius, Scholarum priùs imbui experienciâ, & ſic transcendere*  
„ *ad præmiſſa.*

Addit

Addit deinde, *Papam elegantem super hac re epistolā scripsisse*, quā remedium adferret: sed eam non intexuit, quod doleo, & velim vidisse. Examina, te autem quæso, verba illius Monachi: putes de suo, an nostro ævo scripsisse? Sanè eò ventum est, mi Woueri, vt omnis vetus doctrina logi sint, & desipere censeantur qui fectitur. Robore opus est contra iudiciorum hos fluctus, & clauo recti iudicij, qui dirigat inter vnda obstantes. Ordines patriæ mecum agi iusserunt de Brabantiæ Historiâ scribendâ: neque abhorreo, & vtiliter ac more veteri fortasse possim. Tamea nihil etiam addixi, & *intexeo*. Vale mi optime. Louanij, III. Kal. Decembres. ∞. 1605.

## EPIST. LXXXIIII. Neapolim.

IO. ANDREAE PROCHNICIO,

*Legato Ser<sup>mi</sup> Regis Poloniæ.*

**S**I vlla epistola ex animo scripta est, hæc erit: rogo te audi. Accepi & legi tuas (binæ enim fuerunt) quibus, præter beniuolentiam, etiam beneficentiam adiungis, & munera mittis à sui pretio, sed quanto magis ab animo æstimanda? Lectis tuis litteris, non aliud subiit mihi, quàm exclamare, O amicū petitus! ô animum præci & aurei illius æui! Et rem dixi. Quis hodie virtuti & doctrinæ aut affectum aut pretium hoc ponit? Et habeo amicos tamen fæcor, atque etiam beneficos: sed officiis nempe prouocatos. De te autem, quid ego priuatim merui, nisi quia publica beneficia tibi inscribis, & alienum æs tuum facis? Sed profectò magis deinceps animus hic meus & affectus se exferent, & posteri scient talem virum vixisse, talem in me & Litteras ac Sapientiæ studia fuisse. Hoc sine iam nunc concepi, quod publicabo, si Deus vitam in paucos menses mihi donat. Sed ad tuas litteras. Scribis te illa & illa mittere, distinctè: nondum habeo, & via longa est, & prædonibus etiam ac periculis exposita: sed tamen vt si habeam gratias ago, & referam: quia non ipsa munera, sed animum pendere soleo & referre in acceptum. Edidi iam denique *Senecam*, & Summo Pontifici nostro inscripsi: vt vel sic orbi constet, quem caput Religionis in orbe esse velim. Diu me tenuit, & grande ac diffusum fuit, addo

& intricatum, præsertim si *Stoïca* nostra adiungis. Illum per Wouerium meâ manu inscriptum mitto: missurus & hæc, si scirem non habere. Publica nostra paullò meliora sunt, per diligentiam Spinulæ. At vobis in Poloniâ omnia plausu & lætitiâ personant, partim ob nuptias, partim ob victoriam de Sueco insignem. Deus longum sic esse velit, & te, Ill<sup>m</sup> & Reu<sup>m</sup> Domine, valere & viuere, vel in æui exemplum. Louanij, postridi Non. Decembres. ∞. 16cÿ.

## EPIST. LXXXV.

*Moguntiacum.*

STANISLAO KRZISTANOVVICIO S. D.

**A**MOR tuus V. C. & dona grata. Ille, quia à tali, id est amando & æstimando: istæc, quia talia, & pretium perfectò ac bonitatem in se habent. O pulchra illa olim mei Demetriji: pulchriora pænè dicam magni Zamoscij! Semper mihi ille vir inter Europæ lumina; nunc magis apparet, cum in ultimo illo effato, ubi simulatio & ambitio cessant, tam clavis certisque verbis solidam probitatem, veram pietatem expressit. Exosculatus sum voces & sensus ab omni vanitate & pompâ suum reuocantis, in priscis moribus, in priscâ religione, confirmantis. Quàm forte illud, quàm sanctum! *Non nasci satius, quàm in hac non mori.* Dicam iterum, sciui semper & habui Zamoscium inter prima virorum: nunc magis certiusque habebô, & à paucis verbis vltimis ad primam lineam eum ducam. De filio, opto imbibere hæc præcepta aurea, & illinc petere vitæ exempla. Sanè pater docuit quid litteræ & doctrina possint, ubi in bonam naturam cadunt: & quàm vtilis eæ ad pacis bellicque artes. Epistolam meam ibi editam non nimis gaudeo: & displicet exemplum. Munus libri gratum; & remuneror ecce, si non pretio, affectu pari. Ama me V. C. egote deinceps. Louanij, III. Idus Decembr. ∞. 16cÿ.

## EPIST. LXXXVI.

*Antuerpiam.*

IOANNI WOUERIO suo S. D.

**C**REDE mihi optime Woueri, animo meo malè factum est, cum audiui iterato te vulnere percussum: & in

in illo fratre, qui familiæ velut columen erat, & quem noui à probitate & industriâ, atque ideò amo. Doleo tecum: quid ergo? etiam iaceo, aut, quod tu, languco? Absit mi amice: erigere mecum, & ne supra humanam sortem aliquid velis aut tentes. Quid vis? hominem Deum esse. Soli illi æternitas: nos ex quo nati sumus, non dicam mori possumus, sed morimur; & omnis hora, omne monentum ad metam illam ducit. Alijs est alia, si tempus spectes; eadem, si finem. Et quod tempus? rideo cùm cogito. discrimen est dierum, mensium, paucorum annorum: & pone plurimos, sæculum dices. Quàm breue istud? quàm citò abiit, quàm citò aliud aduenit? Sed muniti animi, & qui magna non cogitant; qui Naturam rerum, quod caput est, non peruident; hæc habent in magnis. Pueri Saturnalia celebrant, & Reges aut Antistites imitantur & agunt: breue ludicrum est, & nos ridemus; sed illi sic amplectuntur & æstimant, vt longus annus sit, donec dies ille illucescat. Quid non simile facimus? nati sumus; spes & vota disponimus, in vxorem, in opes, in honores: & dum scæna instruitur, ecce Mors superuenit, & obliquo oculo ridet & interrumpit. Ita est. illâ damnatur; & cui nasci contigit, restat mori. O nostra imbecillitas! Homeri versum Pyrrho Philosophus in admiratione & ore semper habebat istum:

\* *Ὅτι περ φύλλων γένη, τοῖνδ' ἐκ' ἀνδράων.*

\* *Talis vis  
est animæ  
hominum  
est, qualis  
est, qualis  
foliorum.*

Merito nihil potuit aut verius, aut euidentius dici, in hanc sortem. Vides arborem illam quæ vere primo folia induit? Pulchra est, & viret, & umbram, & speciem gratam sui præbet: quid tamen est? mox ventus aut ictus folia pauca decutit, tum æstus aut siccitas, denique hiems omnibus spoliatur & nudat. En humanum genus! virent, vigent: ille atque ille moritur, morbo, vi, fraude; & cùm hiems senij superuenit, omnes naturæ lege. Miseras nostras narras, inquires: ego solatia exspecto. iam accipe, & seria. Non dicam illa ex Epicuri delirio,

*Post mortem nihil est, ipsaque mors nihil:*

hoc sapienter & piè dicam, *Mors intermittit vitam, non eripit: veniet iterum, qui nos in lucem reponat dies.* Agnoscis Senecam, sed Christianum ei sensum (quò verba ducunt) etiam adde. Quid est hæc vita? nihil, nisi ad illam aditus & præparatio,

Ll 3: illam

Serabo lib.  
27.

illam æternam, beatam, & cui vni vita hæc vivit. Sacra tibi non ingero, protrita sunt: sed Brachmanes illi Indi, veteris Philosophiæ, censebant; *Vitam habendam esse, quasi conceptorum in vtero statum; mortem autem, partum in veram vitam, & felicem quidem ipsi qui rectè sint philosophati.* Est mira sententia, & ex arcanis nostræ religionis prompta. Quid hæc vita? velut formamur in vtero, & præparamur ad illam æternam. Itaque Mors nomen tantum est nobis: & illam timeat, qui non sperat vivere post mortem. Audis hæc mi Voueri? admitte etiam: & vis aliquid pro cauê? Cogita abiisse amicos, sed & habere te hîc amicos. Parentes omitto, aliosque fratres: en confortem vitæ & rerum duxisti uxorem: & (vt alios fileam) me inter amicos habes, cui solatium, consilium & auxilium es: & à me eadem expectes. Cur, quasi conclamatis rebus te abijcis, & istuc oculos non reflectis? Ille abiit? nos supersumus: erige te vel nostrâ causâ, & scito in hac graui iam ætate, & dudum valetudine, usum mihi tui esse. Sincerè dicam, patientiùs ego diem meum expecto, quia te superstitem destino, & eorum etiam quæ post mortem volo curatorem. Hoc cogita: & sicut Seneca noster de Paullinâ, *ego tibi valetudinem meam commendem:* & scito in hoc iuvene senem etiam vivere, cui fatum sine culpâ non acceleres. Hæc ex animo scripsi: animi & corporis vires tibi reddi, Deum precor. Louanij, Idibus Decemb. ∞. lxxv.

Ad Prochnicium nostrum has mitto, qui valde de te etiam amicè scripsit. An non Senecam vnâ placet? & quomodo resoluiam me vinculo isto beneficiorum, quæ indies accumulât? O virum ab aureo æuo! Iam nunc parata est *Centuriæ Epistolarum selecta*, quam, siquid mihi continget, in arcâ meâ reperiis à te edendam, & illi ex meâ destinatione inscribendam: quod sine fraude rogo te facere, itemque nullâ epistolâ insertâ aut immutatâ. In Præfatione dic, quæ ego deberem.

## EPIST. LXXXVII.

FRID. TAVBMANO S. M. D.

**P**LAVTVM tuum veteres nostras delicias accepi, sed nunc tuum, nouâ & decorâ istâ faciè te perpolitum. O gratum

tum acceptumque donum! non dicam dolo. Certè industria & elegantia simul ingenij tui in concinnando hoc Opere sic apparent, vt alij omnes, qui conati, ad tuam accurationem & lucem luscitiosi videantur. Non percutio te palpo: ne verere: expers eo more sum, & apud amicum amicè, id est, verè loquor. Debeo tibi pro hoc dono & dicatione: & quid verbis opus est? cum ipso Comico;

*Ego tibi omnia facta cupio, cupiamque quæ voles.*

Sed dic sodes, quis ille facer & Germanicus liber est, de quo peruiam memoras? Vidi equidem annò, nisi fallor, editum, sed Anonymum, qui calumniosè & inclementer multa in me dicit. Talis iterum aliquis pilum iniecit? contemno: & delirent, fruiantque isti laruarum pleni homines, stabula malitiæ & columina audaciæ, non hilum me concutiant; & susque deque habebo, quod scribant, non scribant. Modestiam natura mihi conciliauit. à vitâ abire cupiam, cum ab hac abibo. Quid meus SENECA, quàm quietum de istis me esse iuber! huic ego insitam credere potius, & res alias præ Sapientiâ relictas habere. Quem tu Senecam in breui, me mittente, videbis, & habebis in fronte amicitiae tesseram inscriptam. Nundinis proximis fiet, neque antè video tutò posse. At tu homo hominum in illo tractu litteratissime, quoniam hoc Plautinum negotium sic sub manus successit, adde porrò operam consimilem, & in alio argumento vel scripto iuuentuti benè consultum eas, & optimas artes productum atque illustratum. Præsens igitur & posterum æuum debebit, & nos meliùs nati aut facti fauebimus, & plausum, vires, animosque addemus ad candidam calcem currenti. Delphis hoc tibi dictum credito, & dicentem ama. Louanij, Idib. Decembr. ∞. I.CV.

EPIST. LXXXVIII. *Mediolanum.*

FREDERICO BORROMAEO S. R. E. *Cardinali.*

**I**AM denique seriò intellexi ex benignis tuis ad me litteris consilium quod vsui publico suscepisti, neque tale & tantum id esse animo præsumebam. De Bibliothecâ suspicabar, eaque selectâ & simul copiosa: sed addis etiam Collegium, atque id noui  
gene-

tuo fr̃num aliquod dare, qui nuper incitabas ad respondendum. Læsit enim Diuam & te, inquebas. Diuam? non potest illa est extra ictum. Me? nec id quidem: sagittas in me misit, sed in aëre hæsuras, nec ad animum istum peruenturas. Miseros nos! si talibus configi necessum habeamus, quoties illi Massagætæ aut Scythæ iaculantur. Cur non sic appellem? inò omnibus barbaris immaniore sunt, qui nos modeste, grauitè, & sine cuiusquam iniuriâ scribentes inuadunt, & lacessunt. Atqui iniuria est in religione dissentire. Itane? & eò ventum? Illi nouitij, & nuper nati (nec ipsi negent) regnum capient, & veteranos possessione iustissimâ pellent? O LIBERTAS, quam præscribunt, & pro quâ armantur! Indignor hæc fieri, & mecum boni: sed mederi aliorum est, & à responsione nostrâ frustrâ id speres. Irritabimus. sicut ignem qui gladio fodit, scintillas in se plures & stricturas elicit: tale in istis; cæde & dissipa, acrius insurgunt. Est hoc ingenium contumaciæ, subijci posse, non domari. At enim quæ famam tuam spectant obijcit. Quæ illa? Ienæ fuisse. Publicè dudum sum factus. Quid etiam? Orationes ibi habuisse. Vel videnas, non nego. Tales illas improbas & impias. Hoc nego, hæc pernego: & palam editâ Epistolâ ostendi falsumionias istas meras esse. Tamen iterum aiunt. Quid ergo me vis facere? ora ijs claudere? non possum. Parum cauti aut probi sunt, vt rem dicam, qui attendunt: & occultè cupiunt aut esse tale aliquid (nouimus ingenia) aut simulant ambigere, vt in Arenam me proliciant, & voluptati eorum pugnem. Ego faciam? apage, honestior sum, non violò edictum Augusti. Possum alioqui, fareor:

\* Et mihi  
sunt hostia,  
sunt &  
mihi scuta  
rotunda.

*Kai moi diætera est, & xavides ouq' alogosai.*

& ostendi, ubi res aut vsus fuit: hic non committar, & cum his, quos nullâ meâ gloriâ vincam. Vno verbo, & breuiter. In frero illo adolescentiæ (nam hæc obijciunt, & ab annis triginta quinque circiter reptunt) in illo, inquam, æstu ac feruore ingenij aliquid fortasse inconsideratius dictum, aut factum: quid iam est? Ex veteri sententiâ, *Hinc æstimemur, cum nostri sumus*. Postquam curæ alienæ non fui, cum solidæ mentis, steti in solido: cetera Poenitentia defendat. cuius portus ex facili hanc cymbam admitter, quæ Reges, Principes, Ecclesiæ ipsos apices non excludit.

En

Epist. 1. 1.



En meam vitam à tot annis ! ubi vacillat , aut fluctuat ? Neque nescio quorundam hodie prauam sapientiam esse , frigus præferre , medios agere : vt de ijs Hòmericum illud iure efferas :

\* Τὸ δ' εἰδέναι δ' ὅτι καὶ γὰρ οὐκ ἔστιν ἀνθρώπων μέτρον :

mihi displicuit. Factis, scriptis, dictis ostendi, *vetera nouis, & quieta turbidis antehabere* : quid amplius poscunt ? Inimicitias conciliaui : etiámne lites , & quidem perpetuas , volunt ? Nam hic finis non sit, & oriantur *Tusca iurgia*, quod vetus verbum dixit. Ama me, hæc omitte : de *Diuis* nostris securus, quæ fremente impietate viuunt, & noster in Numen cultus. Louanij, poltrid. Idus Nouembr. ∞ . IOCV.

\* Tydidem  
hand nesses  
viris in  
partibus  
esset.

\* Tac. i. r.  
Annal.

## EPIST. LXXX.

Mediolanum.

IO. BAPTISTAE SILVATICO S. M. D.

**L**IBROS à te accepi, etsi non litteras : quid etiam ijs opus erat ? nam ipsa Præfatio epistola est, quâ labores tuos (vtilis & doctos, ita me Deus) mihi dedicatum is , & nomen meum tuâ etiam luce illustratum. Ita sentio, ita accipio : & quamquam in hac ætate ambitioni alienior, gaudeo vel in testimonio vel in beniuolentiâ, quæ vtrique erga me promissis. Remotus à vobis sum locorum spatijs : atque vtinam nunc propior sim, & Pegaso aliquo possim subuehi ! videres mi Siluatice in vultu, oculis, voce affectum erga te, & tuo merito susceptum : qui non, vt alij, elicere amorem meum, sed pignere voluisti. Obligor, hoc fateor : pande viam quâ resoluam, videbis Ingrati dicam scriptum mihi iure numquam iri. Dum id fiat, affectu gratus certè ero, & te in animi isto sinu geram & fovebo : tu quæso, quem vltro amplexus es, ne dimitte, & litteris me appella. quoniam ex, in hac locorum intercapedine, sermonis vicem debent possuntque obire. Fac, & te rogo. Louanij, XII. Kal. Decembres. ∞ . IOCV.

## EPIST. LXXXI.

Antuerpiam.

BALTHASARI MORETO suo S. D.

**R**EMITTO, quæ misisti. De numeris in *Icone Heuerlee*, vi. debo si pictor poterit : & dubito, quia breue est tempus.

Parum

Parum refert : præcipua modò sint notata & incisa . Censes tu tam accuratè hæc examinari ? Vtinam faciant ! & magis illa, quæ scribimus : & semper candidè, ac bonâ fide . Hanc quoties in multis requiro ? Occasio & caussa est, cur dicam . Incidi nudius tertius in nouellum librum, in quo mei perthonorifica mentio : sed alibi nota, *Lipsum Orchadas & Stæchadas insulas confundere* : quod non puto vsquam in somnio me fecisse . Alij etiam obliquè aliquid : *Vir doctissimus in Tacitum* . Non tu censes me esse ? neque ob elogium, sed auctorem . Quære tamen, notam aut vestigium non reperies in meis scriptis . Talia plura peccant, & præsertim isti nouelli, & vt sic dicam, mustei Critici : qui feruent, qui erumpunt, & laudem suam alienam criminationem censent . *Adde, quod Lipsius non vidit* . Quis tibi dicit, non vidisse ? & iudicio fortasse, cum satis testium esset, omisit . Sed non viderit : quæ culpa est, aliquid non fecisse ? Omissum hîc potest esse, non commissum : nec magis culpandum, quàm si à te exigam & confiscam, in Homerum non scripsisse . O vanitates, ô ambituunculas ! At ego ad hæc talia sileo, & silui ; & magno animo ostendo tales iniurias vel calumnias intra me sterisse . Est quidam, qui in Scholis, vt audio, materiem etiam me fecit, & in verba ac litteras, quid ? accentus etiam inquirat . Ille ipse, vt rem magnam, ter quater in scriptis iterauit, *Lipsum censuisse tesseras frumētarias è plumbo, aut tali metallo, fortasse fuisse* : ô flagitium ! è ligno, inquit, fuerunt, & Dio dicit . Dic ô bone, vbi hoc Dio ? Ille de tesseris ludorum asserit, nusquam de istis : & diuersa sanè ratio est : cur vt geminum aut idem obiectas ? Cur etiam obiectas ? nam ego disertè scripsi, *potuisse & è ligno esse* . Ecce in his talibus docti & arguti sumus : vetus simplicitas vbi es ? *Sceptici* olim sectam fecerunt : faciant nunc *Psæctici*, & magna manus erit . Ego illud seriò posteros rogem, si qui mea aut aliena legent, vt etiam conferant ; nec fidem statim habeant, hoc aut illud obiectanti aut refellenti . Aliter sæpè scripsi, & mente aut verbis aliis, sæpè & non scripsi . Et fac, age, in tam variis opusculis meis & materie aberrasse : quid magni, aut noui est ? Fecerunt veteres, nouitij isti magis ; & in Criticis certè, ac diuinatorio genere, pænè est necessum . Sicut ij qui rete iaciunt, fortem expectant, & sæpè truncum aut lapidem, pro pisce adducunt :

ducunt: tale in istis. opinio imponit, & addam cupiditas aliquid præter alios dicendi, aut iudicandi. At in scriptis mei stili aut argumenti, vt *Constantia*, *Politica*, talibus, audacter dicam paucos nauos aut nauulos esse: si sunt, eulpari nihil abnuo, imò & mulctari. Quidquid est (& hoc sine scribo) modestiam amo & teneo: numquam ad rescripta veniam, nec remedia amabo periculis peiora. Quisquis me carpit, vel hoc ipso sentiat bono viro iniuriam se fecisse. En, mi amice, plusculà, quæ calor iste scriptionis subiecit: tum & cogitatio de quibusdam, quos in hoc genere non stare scio & auferri. Nominasti, nec repero: sapiamus, & pro dignitate litteras tractemus. Vale, Louanij, XII. Kal. Decembr. ∞. IOCV.

## EPIST. LXXXII.

*Mechliniam.*

NICOLAO OVDARTO.

QVÆSTOR hodie denique ad me misit (antè absurdè responderat) pecuniam aliquam paratam fore, mitterem vxorem. Fiet iam à prandio. Quod ad historiam patriæ, non miror illum vestrum haud nimis probare: quia nec institutum fortasse meum nouit; atque ego ista nouitia nunc quidem non tangam. Diuisi in duas partes. veteres nostros Duces, tum istos Austriacos, qui à Maximiliano successerunt. Vsque ad illum, quid periculi aut suspicionum est? imò pleaque laudum plena, & generosi ac minimè Tiberiani imperij, quod sine fuco aut metu denarres. Ego, cum Deo dicam, in scriptis cautionem & prouidentiam, si quisquam, habeo: & in hac certè ætate, & statu etiam rerum, habebō. Sed res gestas fideliter posteris tradere, diuinum si non præceptum, exemplum est; & Moyse alijsque Pontifices aut sacerdotes, pace ac bello fecerunt. Vide libros sacros. Quid etiam regius Vates? *In memoriâ æternâ erit iustus: iniustus autem cum maledictione & ignominia recitabitur.* Hi sunt stimuli bonis Principibus, fræna improbis: & fuere ab æuo, atque erunt, nec vlla sæuitia tollet aut abolebit. Equidem inclino in hac ætate, quæ aliquid prudentiæ habere debet, & potest scriptis inspergere: atque ego Historiam veram & legitimam, ipsam esse prolem & fœ-

Ll

tum

tum Philosophiæ censeo, quod prisci illi scriptores dicant. Nam isti nouitij meras nugas agunt, & umbram pro re habent. De Riuius, spero: te amo mi optime Oudarte. Louanij, 1x. Kal. Decembres. ∞. 160v.

EPIST. LXXXIII. *Antuerpiani.*IO. WOVERIO *meo.*

\* Desit  
scribere &  
vivere in  
ANNO 1600.  
CC. LXXXIII.

**G**AUDEO, gaudeo, melius iam tibi esse. Sit longum, sit post me ætatem, & in te viuam. Quid destinaueris de Imagiine meâ, & adscriptione, vidi. An intercedam? non faciam: do fræna affectui, & in me Honestum à te amari oibis sciat. Si non ego tantus, quid refert? esse volui, & in bono conatus etiam sufficit, cum occasio deficit aut facultas. Prochnicij illius ardentem etiam animum agnosco, & videbo ut liquore aliquo infuso non exstinguam, sed alam. Intra duos aut tres menses sermonis copia inter nos erit; & aut ego ad vos veniam, aut te istuc inuitabo. Tum de eo quod suggeris, aliquid. Sed heus, his diebus fui in scriptore superioris, nec remoti nimis æui, *Matthæo Parisiensi*, qui Historiam Anglicam scripsit, industriè & inquisitè, si non eleganter aut scitè. Sed multa in eo bona & libera iudicia: miteris, si legas. Vnum, quod volui ad te referre super studiis hodierni æui:

„ Papa considerans ( Innocentius Quartus ) liberales artes iam in  
„ mechanicas penè fuisse conuersas, propter lucrum, vt verè possit dici de  
„ Philosophiâ,

„ Prostat, & in pretio pro meretrice sedet:  
„ Et quòd iam ferè omnes scholares, intactis Grammaticis rudimentis,  
„ Auctoribus, & Philosophis, ad Leges properant audiendas, quas constat  
„ non esse de numero artium liberalium. Artes enim propter se appetuntur,  
„ Leges autem vt salaria adquirantur. Imò etiam, vt omnibus liquet, ado-  
„ lescentes ætate & scientiâ satis simplices, ex quo nouerunt in paucis  
„ Sophismatibus perstreptentibus palmis congruere, cathedras ascendunt  
„ magistrales, vt nomine illo usurpato tumeant eleuati: & satè venera-  
„ biliores, sine fundamento scandunt ad culmina celsiora: cum melius esset  
„ & vtilius, Scholarum prius imbui experientiâ, & sic transcendere  
„ ad præmissa.

Addit

Addit deinde, *Papam elegantem super hac re epistolā scripsisse*, quā remedium adferret: sed eam non intexuit, quod doleo, & velim vidisse. Examina, te autem quæso, verba illius Monachi: putes de suo, an nostro ævo scripsisse? Sanè eò ventum est, mi Woueri, vt omnis verus doctrina logi sint, & desipere censeantur qui sectantur. Robore opus est contra iudiciorum hos fluctus, & clauo recti iudicij, qui dirigat inter vndas obstantes. Ordines patriæ mecum agi iusserunt de Brabantia Historiā scribendā: neque abhorreo, & vtiliter ac in ore veteri fortasse possim. Tamen nihil etiam addixi, & *mixto*. Vale mi optime. Louanij, 111. Kal. Decembres. ∞. 15CV.

EPIST. LXXXIIII. *Neapolim.*

IO. ANDREAE PROCHNICIO,  
*Legato Ser<sup>mi</sup> Regis Poloniae.*

**S**i vlla epistola ex animo scripta est, hæc erit: rogo te audi. Accepi & legi tuas (binæ enim fuerunt) quibus, præter beniuolentiam, etiam beneficentiam adiungis, & munera mittis à sui pretio, sed quanto magis ab animo æstimanda? Lectis tuis litteris, non aliud subiit mihi, quàm exclamare, O amicū petctus! ô animum prisce & aurei illius æui! Et rem dixi. Quis hodie virtuti & doctrinæ aut affectum aut pretium hoc ponit? Et habeo amicos tamen fareor, atque etiam beneficos: sed officiis nempe prouocatos. De te autem, quid ego priuatim merui, nisi quia publica beneficia tibi inscribis, & alienum æs tuum facis? Sed profectò magis deinceps animus hic meus & affectus se exferent, & posteri scient talem virum vixisse, talem in me & Litteras ac Sapientie studia fuisse. Hoc sine iam nunc concepi, quod publicabo, si Deus vitam in paucos menses mihi donat. Sed ad tuas litteras. Scribis te illa & illa mittere, distinctè: nondum habeo, & via longa est, & prædonibus etiam ac periculis exposita: sed tamen vt si habeam gratias ago, & referam: quia non ipsa munera, sed animum pendere soleo & referre in acceptum. Edidi iam denique *Senecam*, & Summo Pontifici nostro inscripsi: vt vel sic orbi constet, quem caput Religionis in orbe esse velim. Diu me tenuit, & grande ac diffusum fuit, addo

LI 2 &

& intricatum, præsertim si *Stoïca* nostra adiungis. Illum per Wouerium meâ manu inscriptum mitto: missurus & hæc, si scirem non habere. Publica nostra paullò meliora sunt, per diligentiam Spinulæ. At vobis in Poloniâ omnia plausu & lætitiâ personant, partim ob nuptias, partim ob victoriam de Sueco insignem. Deus longum sic esse velit, & te, Ill<sup>me</sup> & Reu<sup>me</sup> Domine, valere & viuere, vel in æui exemplum. Louanij, postridi. Non. Decembres. ∞. 16cŷ.

## EPIST. LXXXV.

*Moguntiacum.*

STANISLAO KRZISTANOVVICIO S. D.

**A**MOR tuus V. C. & dona grata. Ille, quia à tali, id est amando & æstimando: istæc, quia talia, & pretium profecto ac bonitatem in se habent. O pulchra illa olim mei Demetrii! ô pulchriora pænè dicam magni Zamoscij! Semper mihi ille vir inter Europæ lumina, nunc magis apparet, cum in ultimo illo effato, ubi simulatio & ambitio cessant, tam clarris certisque verbis solidam probitatem, veram pietatem expressit. Exosculatus sum voces & sensus ab omni vanitate & pompâ suum reuocantis, in priscis moribus, in priscâ religione, confirmantis. Quàm forte illud, quàm sanctum! *Non nasci satius, quàm in hac non mori.* Dicam iterum, sciui semper & habui Zamoscium inter prima virorum: nunc magis certiusque habebō, & à paucis verbis vltimis ad primam lineam eum ducam. De filio, opto imbibere hæc præcepta aurea, & illinc petere vitæ exempla. Sanè pater docuit quid litteræ & doctrina possint, ubi in bonam naturam cadunt: & quàm vtilis eæ ad pacis beliquæ artes. Epistolam meam ibi editam non nimis gaudeo: & displicet exemplum. Munus libri gratum; & remunerator ecce, si non pretio, affectu pari. Ama me V. C. ego te deinceps. Louanij, III. Idus Decembr. ∞. 16cŷ.

## EPIST. LXXXVI.

*Antuerpiam.*

IOANNI WOUERIO suo S. D.

**C**REDE mihi optime Woueri, animo meo malè factum est, cum audiui iterato te vulnere percussum: & in

in illo fratre, qui familiæ velut columen erat, & quem noui à probitate & industriâ, atque ideò amo. Doleo tecum: quid ergo? etiam iaceo, aut, quod tu, languco? Absit mi amice: erigere mecum, & ne supra humanam fortem aliquid velis aut tentes. Quid vis? hominem Deum esse. Soli illi æternitas: nos ex quo nati sumus, non dicam mori possumus, sed morimur; & omnis hora, omne monentum ad metam illam ducit. Alijs est alia, si tempus spectes; eadem, si finem. Et quod tempus? rideo cùm cogito. discrimen est dierum, mensium, paucorum annorum: & pone plurimos, sæculum dices. Quàm breue istud? quàm citò abiit, quàm citò aliud aduenit? Sed muniti animi, & qui magna non cogitant; qui Naturam rerum, quod caput est, non peruident; hæc habent in magnis. Pueri Saturnalia celebrant, & Reges aut Antistites imitantur & agunt: breue ludicrum est, & nos ridemus; sed illi sic amplectuntur & æstimant, vt longus annus sit, donec dies ille illucescat. Quid non simile facimus? nati sumus; spes & vota disponimus, in vxorem, in opes, in honores: & dum scæna instruitur, ecce Mors superuenit, & obliquo oculo ridet & interrumpit. Ita est. illâ damnatur; & cui nasci contigit, restat mori. O nostra imbecillitas! Homeri verbum Pyrrho Philosophus in admiratione & ore semper habebat istum:

\* Οἷν περ φύλλων γερὴν, τοῖδ' ἐκ' αἰὸς ῥαῖν.

\* Talis vi-  
ta atq[ue]  
hominum  
est, qualis  
foliorum.

Meritò nihil potuit aut verius, aut euidentius dici, in hanc fortem. Vides arborem illam quæ vere primo folia induit? Pulchra est, & viret, & vimbram, & speciem gratam sui præbet: quid tamen est? mox ventus aut ictus folia pauca decutit, tum æstus aut siccitas, denique hiems omnibus spoliatur & nudat. En humanum genus! virent, vigent: ille atque ille moritur, morbo, vi, fraude; & cùm hiems senij superuenit, omnes naturæ lege. Miseras nostras narras, inquires: ego solatia exspecto. Iam accipe, & seria. Non dicam illa ex Epicuri delirio,

*Post mortem nihil est, ipsaque mors nihil:*

hoc sapienter & piè dicam, *Mors intermittit vitam, non eripit: veniet iterum, qui nos in lucem reponat dies.* Agnoscis Senecam, sed Christianum ei sensum (quò verba ducunt) etiam adde. Quid est hæc vita? nihil, nisi ad illam aditus & præparatio,

Ll 3; illam

Strabo lib.  
XI.

illam æternam, beatam, & cui vni vita hæc vivit. Sacra tibi non ingero, prostrata sunt: sed Brachmanes illi Indi, veteris Philosophiæ, censebant; *Vitam habendam esse, quasi concepturum in vtero statum; mortem autem, partum in veram vitam, & felicem quidem is qui rectè sint philosophati.* Est mira sententia, & ex arcanis nostræ religionis prompta. Quid hæc vita? velut formamur in vtero, & præparamur ad illam æternam. Itaque Mors nomen tantum est nobis: & illam timeat, qui non sperat vivere post mortem. Audis hæc mi Woueri? admitte etiam: & vis aliquid pro cauê? Cogita abijisse amicos, sed & habere te hîc amicos. Parentes omitto, aliosque fratres: en confortem vitæ & rerum duxisti uxorem: & (vt alios sileam) me inter amicos habes, cui solatium, consilium & auxilium es: & à me eadem expectes. Cur, quasi conclamatis rebus te abijcis, & istuc oculos non reflectis? Ille abiit? nos supersumus: erige te vel nostrâ causâ, & scito in hac graui iam ætate, & dudum valetudine, usum mihi tui esse. Sincerè dicam, patientius ego diem meum expecto, quia te superstitem destino, & eorum etiam quæ post mortem volo curatorem. Hoc cogita: & sicut Seneca noster de Paullinâ, *ego tibi valetudinem meam commendam:* & scito in hoc iuvene senem etiam viuere, cui fatum sine culpâ non acceleres. Hæc ex animo scripsi: animi & corporis vires tibi reddi, Deum precor. Louanij, Idibus Decemb. ∞. IDCv.

Ad Prochnicium nostrum has mitto, qui valde de te etiam amicè scripsit. An non Senecam vnâ placet? & quomodo resoluaui me vinculo isto beneficiorum, quæ indies accumulæ? O virum ab aureo æuo! Iam nunc parata est *Centuriæ Epistolarum selecta*, quam, siquid mihi contingeret, in arcâ meâ reperies à te edendam, & illi ex meâ destinatione inscribendam: quod sine fraude rogo te facere, itemque nullâ epistolâ insertâ aut immutatâ. In Præfatione dic, quæ ego deberem.

## EPIST. LXXXVII.

FRID. TAVBMANO S. M. D.

**P**LAVTVM tuum veteres nostras delicias accepi, sed nunc tuum, nouâ & decorâ istâ faciè à te perpolitum. O gratum



tum acceptumque donum! non dicam dolo. Certè industria & elegantia simul ingenij tui in concinnando hoc Opere sic apparent, vt alij omnes, qui conati, ad tuam accurationem & lucem luscitiosi videantur. Non percutio te palpo: ne verere: expers eo more sum, & apud amicum amice, id est, verè loquor. Debeo tibi pro hoc dono & dicatione: & quid verbis opus est? cum ipso Comico;

*Ego tibi omnia facta cupio, cupiamque que voles.*

Sed dic sodes, quis iste sacer & Germanicus liber est, de quo peruiam memoras? Vidi equidem annò, nisi fallor, editum, sed Anonymum, qui calumniosè & inclementer multa in me dicit. Talis iterum aliquis pilum iniicit? contemno: & delirent, fruiantque isti laruarum pleni homines, stabula malitiæ & columina audaciæ, non hilum me concutiant; & susque deque habebo, quod scribant, non scribant. Modestiam natura mihi conciliauit. à vitâ abire cupiam, cum ab hac abibo. Quid meus SENECA, quàm quietum de istis me esse iubet! huic ego insitam credere potius, & res alias præ Sapientiâ relictas habere. Quem tu Senecam in breui, me mittente, videbis, & habebis in fronte amicitiaë tesseram inscriptam. Nundinis proximis fiet, neque antè video tutò posse. At tu homo hominum in illo tractu litteratissime, quoniam hoc Plautinum negotium sic sub manus successit, adde porrò operam consimilem, & in alio argumento vel scripto iuuentuti benè consultum eas, & optimas artes productum atque illustratum. Præsens igitur & posterum æuum debebit, & nos melius nati aut facti fauebimus, & plausum, vires, animosque addemus ad candidam calcem currenti. Delphis hoc tibi dictum credito, & dicentem ama. Louanij, Idib. Decembr. ∞. Idcv.

EPIST. LXXXVIII. *Mediolanum.*

FREDERICO BORROMAEO S. R. E. *Cardinali.*

**I**AM denique seriò intellexi ex benignis tuis ad me litteris consilium quod vsui publico suscepisti, neque tale & tantum id esse animo præsumebam. De Bibliothecâ suspicabar, eaque selectâ & simul copiosa: sed addis etiam Collegium, atque id noui gene-

generis, in quo non iuuenes, sed grandiores alantur, & qui facti aptique iam sint scriptis, consilio, voce alios iuuare vel docere. Sanè iamdiu est cùm hoc institutum apud me approbo: atque adeò publicè aliquod testimonium dedi, in laudando & aperiendo Musèo Alexandrino. Nam & illud viros admisit tantum & habuit, vel benè meritos iam de republicâ litterariâ, vel meritorios. Itaque utrâque manu & toto animi sensu consilium tuum approbo, & gratulor hunc animum, & Deum rogo successum & fructum pro eo esse. Erit autem si legibus bonis firmisque institutum tuum alliges: sine quibus diffluet; & vt re viuo maneat, functo metuendus est lapsus aut ruina. Ego in similibus sæpè vidi fraudes aut frigora, quæ interueniunt, maxime à Conditoris morte: & ad cauendum, omnis opera danda, vt electio fiat prudens eorum, qui simillimum tui animum & iudicium adferre post te possint. Nam, mihi crede, in prioribus vix ego laboro, & prudentia tua ac tuorum faciliè instituet ac gubernabit: postuma cogitanda sunt, & vt maneat institutum, & vt idonei beneficio tam grandi fruendo eligantur. Idonei, inquam: & quantus hic fructus, si tales? Vnus alterque quot præsentis & posteros iuuare poterunt, & præluce in signi aliquâ doctrinæ face? Atque huic rei, etsi grandiores illæ scientiæ principatum tenere videantur, Theologia, Iurisprudencia, Medicina: tamen paucos è prioribus eligam, nullos ex ultimâ, quia vulgo satis grande pretium vel æstimatio iis est, & commodis excitantur. At non idem in linguarum litterarumque scientiâ, non item in Philosophiâ: quarum artium, quæ verè pabula animorum sunt, & grauiorum item illarum adiumenta vel fundamenta, suadeam rationem & adspectum maxime te habere. Negliguntur passim: & quis exitus erit? barbaries & tenebræ quas magno opere discusserunt boni prouidique maiores nostri; utinam nos faciamus, vt ne frustra! Sed tu facies pro tuâ parte Ill<sup>m</sup> & Reu<sup>m</sup> Domine: sequantur duo, tres, in Europâ, ô magnum breui & diffusum lumen! Enimuerò sæpè miratus sum, cùm tam multa passim Collegia aut Scholæ instituuntur pueris aut iuuentuti formandæ: neminem adhuc fuisse, qui propriè sollicitus esset & curaret de doctoribus: sine quibus cui vsui omnis illa institutio est? Speciem non rem habet, & multi in cursu

curſu ſunt, pauci ad metam veniunt & verum ſtudioꝝ ſinem. Cauendi proſpiciendiq; ratio aut hæc eſt, quam inis, aut nulla: & ipſi eligendi, alendi, formandi ſunt, qui ſorment. ILL<sup>ME</sup> ET REV<sup>ME</sup> DOMINE, Deum rogo proſperare conatus tuos tam laudabiles, teipſum firmum & validum diu ſupereſſe ad conſummandum. Louanij, x. Kal. Ianuar. anni noui inſtantis ∞. IDCVI.

## EPIST. LXXXIX.

*Auguſtini.*

MARCO VELSERO V. I. S. M. D.

**S**ENECAM noſtrum à te acceptum, & verè acceptum, id eſt ſgratum, fuiſſe gaudeo. An non eſſet ſcriptor optimus viro optimo? Quod ais deſiderare quosdam reliqua: pauca ſunt, & hodie mos obtinet reliquatores eſſe, imò conturbatores. Detur venia, aut certè mora aliqua, valetudini: & fortaſſe altera editio dabit. Sunt & in illis libris, quæ volenti haud peribunt. At tu de elogio debere proſiteris. Et ſic loqueris? iudicio, dicere debes: & ideò nihil debere. Mihi crede, vt ſi iuratus in Senatu ſententiam dicerem, ſic dixi. Amote iamdudum mi Velfere, ſed affectus illam animi lucem non obtenebrat. Sed heus, eſt quod comuni litteratoꝝ nomine commendemus, vel peramus. Andreæ Schotti, magni amici noſtri, PHOTIVS Latinus iamdiu apud vos eſt, & quando ipſe lucem, nos eum videbimus? Certè inter paucos ille ſcriptor meretur: qui ſolus tot clariffimorum ingenioꝝ monumenta à fato eripuit: toto dico fato, & ſaltem nomina & ſcriptorum velut inembra ſeruaui. Quàm multos ille legit, ex iis elegit, & vt ſic loquar, deſlorauit, quos noſſe nobis aliter non eſſet? E ſacris, profanis; tractatoribus, hiſtoricis, oratoribus, poëtis, & nihil eſt in Græcâ omni litteraturâ, aut vt veriùs dicam, librariâ, quod ille vir non libarrit. Pulcherrimus mos in menſâ legendi, vel audiendi: ſed iſte pulchrior vtiliorq; annotandi, cenſendi, excerptendi. PHOTIVS fecit, & qui ad nos peruenerint ſolus. David Hæſchelius veſter, & veſtris etiam auſpiciis, Græcum primitus & variè atque indiſtriè caſtigatum dedit: ſed noſti quò ventum ſit ignauia xui; pauci hæc legunt aut capiunt, & niſi Latina addantur,

M in pænè

pænè dicam non dedisse. Ergo A. Schottus, vir bono publico natus, allaborauit, & Latinum totum dedit, & tibi commisit: ecce iure te flagitamus, fac quod soles & natus es, rem publicam vel priuatæ tuæ damno iuua. Mi Velsere, da hanc operam: etsi quàm trepidis & pænè desperatis Europæ rebus? Pannonia, & iam Illyricum finitimum, sollicitos nos habent:

*Quò pondus istud verget? vbi ponet minas?*

Vbicumque, stemus; & in Honesto firmi, omnem Fati vim excipiamus, imò vincamus, id est feramus. Vale. Louanij, postridie Natalis Dominici, anno ∞. IOCV.

## E P I S T. X C.

IOANNI MIRAEO *Episcopo Antuerpiensi.*

**M**ERITÒ scriptionem istam amplector, tam benigni animi, & à tali viro, testem. L O V A N I V M non displicuisse significas, & hortaris porro ad patriam Historiam vniuersam scribendam. Magnus mihi stimulus, faccor, vel ab auctoritate tuâ, vel à iudicio: & sentio sponte hunc animum meum inclinare, in magnam parentem, vt debet, affectum. Cùm tamen vacillantem valetudinem video, cùm etiam sciculum & iudicia (neque enim omnes M I R A E I sunt: ) frigus aliquod subit, & pænè resisto in cursu, cui carceres iam video apertos. Nam & ipse collegi quædam, & Comes Baussigniacus tradi quædam iussit, etsi adhuc per alias manus oberrantia; & R<sup>ma</sup> D. tua offert Dinterum suum, magnum adiumentum ad rem emoliendam. Videbo an D. Prælati Parcensis hic sit, & tradet eum: si non, rogò verbo vel scriptiunculâ velis admonere. Ego sine iactantiâ proferam, posse me & stilum & iudicium ad historiam adferre, atque eam veteri more & exemplo scribendam. Si ex usu & gloriâ Patriæ est, Deus mihi vires donet, te autem, Reu<sup>me</sup> in Christo Pater & Domine, longum Ecclesiæ atque eidem Patriæ nostræ seruet. Louanij, v. Idus Ianuar. ∞. IOCVI.

EPIST.

## EPIST. XCI.

Gracium.

CAROLO *Archiduci Austria, Imp. nepoti & pronepoti.*SER<sup>ME</sup> PRINCEPS,

**P**LACVIT humanitate istâ in me vti, vt non solùm salute impertiri iuberes, sed etiam manu tuâ eam consignares. O benignitatem ab alto animo! & cui vnum fontem video, amorem erga res honestas & Doctrinam. Dignus ille tali Principe, tali stirpe. Si audaciam me sumere vis, quam ætas grandior donat, sic perge magnæ spei Princeps, & cum Pietatis studio (id primas habet) ista iunge, quæ menti lumen infundunt, quæ clariùs res videre & arbitrari faciunt, quæ hominem supra communes istos homines tollunt. MAXIMILIANVS Augustus inter proavos tuos exemplum præbeat, qui audire semper doctos aut percunctari, qui ipse legere, scribere & commentari solitus: idque ævo illo, quo caligo adhuc ferè in Germaniâ, nec clara ista fax litterarum satis illata. Doctores, Dei beneficio & Parentum tuorum, habes ad vtraque omnium maximè idoneos: obsecro, vtere; & hoc iuuentutis tempore fructus velut in horreum collige, quibus reliquum æui suauiter fruate. Significas & à nostris libris non abhorre, & Discipulum meum profiteris: ô magnum mihi & gaudium, & honorem! equidem scripta mea publicè prodesse multis (eo sine pangimus) cupio & voueo: sed Principes etiam legere & affici, super modestiam voti mei est. & tamen gaudio meritò, si fiat. Nam è Principe erudito scio quantus in vniuersam rempublicam manare fructus aliquando possit. Vnus peritus gubernator nauem regit & seruat, vnus Imperator exercitum: tale in vobis, & vnus prudentia ac virtus populo est salutaris.

SER<sup>ME</sup> PRINCEPS, hæc pauca expressit mihi humanitas tua: benignè interpretare; & ab eo profecta scito, qui est SER<sup>ME</sup> gentis tuæ, & priuatim TVAE SER<sup>TIS</sup> deuotissimus cliens. Louanij, IIII. Idus Ianuar. ∞. IOCVI.

Mm 2

EPIST.

## EPIST. XCII.

*Antuerpiam.*

BALTHAZARI MORETO.

**H**EM, hem, quid hoc est mi Morete? gratiæ conciliandæ ego illa scripseram, & affectui in patriam testando: aliorum verit, & inuidiam aut cauillos (vt tu quoque audis) LOVANIVM mihi concinnat. Quâ culpâ aut merito? rogo te audire paullum, & æquâ iudicij librâ pensitare. Parcè enim, neque omnia dixisti, inquiunt. Libens fateor, neque hîc neque alibi omnia dicere amo: selecta tantum & præcipua: & credo tamen insignia pleraque ad laudem (is finis noster fuit) attulisse. Panegyrica quædam, vt sic dicam, ista scriptio, non propriè Historica: & hoc stilus ipse dicet, qui florem, colorem, non vigorem solum habet. Et vbi tamen historiæ locus fuit, in pugnis, in seditionibus; à lege eius abisse me non censeo, imò vel iuxta veterum exemplum tractasse. Atquin alia nos etiam habemus, aiunt. Aiunt, proferant & applaudam: si tamen pondus habent, & rei momentum aliquod addunt. Sed non dissimulo, quosdam esse qui curiosos & peritos se simulant, sed Pythagorico quodam exemplo tacitos: & minantur aut iactant assidue edere, nihil edunt. Edunt? nec communicant quidem edentibus: & siquid petis, obliquo oculo, aut renidentes, abnuunt: & Pluris sibi esse; denique, Sibi esse. Per me habeant, premant: nos non premant, qui siquid notitiæ nostræ esse potuit, iuimus perquisitum. Petrus Diuæus triginta, opinor, annos, aut circiter, à ciuicis hîc Regestis fuit: vidit eadem excussitque Io. Molanus Theologus eximius, idemq. historiarum cupiens & sciens. Hos consului, Annales vicinarum etiam gentium adij: quid vltra volunt fecisse? In Vestalia illa secreta penetrare non potui, nec inuitis ædituis excutere Capitolinas istas Flauissas. At quædam etiam aliter dixi. Sanè sequi me tutò in plerisque dictos auctores censui: & siquid erratum, veniam illis mihiq. vnâ operâ peto. Mihi etiam seorsim, quòd appropriatum hoc opusculum. (in occasione illâ, vt tu optimè scis, Nuptiarum) nec limam aut exactiorem curam admisit. Itaque in numeris corrigendum alibi erat: postea factum. Poterant & accuratius vel  
vberius

vberius quædam de Lotharingâ vel Brabantia dici: & à me exigunt. Iniqui! & nonne melius aptiusque in suo loco ea dici? Et profiteor apud te ac clamo, animum mihi tunc fuisse tractandæ Historiæ Patriæ: eoquæ, ex consilio multa omiſſa, aut certè dilata. At, inquiunt etiam, familias nostras veteres parum distinctè rangis: ipsum opidum haud annosum satis facis. De familiis; meum non est, faciunt \* *γαλαζοι*, quorum hodie manus est, & \* *familiarum scriptores.* huic studio vel \* *περίργως* operantur. De vetustate; si erro, doceant, & bono auctore aliam æuitatem ostendant: fauebo. De nomine sanè non abnuimus, non item de conuentu aut digniore aliquo loco: & palàm hoc \* scripsi: sed nihil etiam nunc magis \* *ἔυλογον* \* *Lib. I. cap. VIII.* *rationi aut fidei consonum.* *ἡδὲ πιθανόν* occurrit, quàm hunc ambitum & clausuram origine illâ esse, quàm dixi. Quid verbis opus? aliud, inquam, doceant, & sileo: aut si non, ipsi sileant. Quod ad fabellas aut opinatiunculas attinet; sciant nos exteris posterisque ista, & ideo firmiter, scripsisse: sciant etiam, neque apud ipsos populares nostros scænum omnes esse. Incresco, & melius est definam. alioquin & illi accurrent, qui singula Collegia describi, etiam ipsas alimonias (nostro sermone *Bursas*) desiderent, imò iam desiderauerint. Heu Lipsi, heu Lipsiane stile, quò vocamini? Otium agere, aut certè alias res agere melius; nec ad plèbeia argumenta aut iudicia vltà venire. Audis? audio: & cum Homero,

\* *Ἡ δὲ δέ μοι κατὰ θυμὸν ἀρίστη φαίνεται βουλὴ.*

At ex istis, mi Morete, vides quo præmio scribimus: & alibi fortasse in gratiâ, domi frigemus. Sic solet, fero, & Genium meæ patriæ (si Deo visum) elegantiorē votis exposco. Louanij, III. Idus Ianuarias. ∞. I. CCVI.

\* *Hoc mihi consilium præstare in pectore visum.*

## EPIST. XCIII.

Mechliniam.

PETRO PECKIO *Consiliario.*

**B**ENEFICIUM sanè mihi tribuisti inſſione nouitij huius libri è Galliâ. quem ego historicis an politicis magis accenscam, sententia hæret. Vtraque habet, & flore præterea sermonis aspergit; qui omnem seueritatem recreet & diffundat. Non sic veteres, fateor, & magis restricti atque accifi sunt: sed tamen delectat, docetque hæc vbertas, & meo iudicio gratiam

M m ; atque

atque vsum suum habet. Sunt in quibus fidem tamen requiras, & partium studium aut adulationes deprehendas: ignorantiam etiam aut alucinationem interdum in externis. Sed interdum; & compensat alijs virtutibus. Ego pro vsuario libro, libellum hunc ecce mancipio mitto, à me donum. Leuis res & scriptio est; & cum leges, animaduertes calamum alas habuisse. Nam quid dissimulem? Serio hoc argumenti numquam cogitaueram: alio sine aliquid in Aduersaria conieceram: & incidit vt in nuptijs istis (rogatus eram) concinnarem, & vulgarem. Prædico, vt remissione animo ac iudicio legas, nec acrimoniam tuam ubiq. adhibeas, aut meam requiras. Sunt tamen, præsertim vbi materies fauit, in quibus ad altiore stilum assurgo, & historiæ veteris faciem conatus sum referre. Auctores mihi quidam sunt, vt in rebus Brabantiae idem faciam: ego delibero, & ætatem meam & valetudinem, sed & sæculum in alterâ lance pono. Sæculum. nam quàm pauci hæc capiunt, siue legunt? Quò igitur pondus verget, nescio: & verum fortasse tempus dicet. Tu vir Clar<sup>us</sup> & Prud<sup>ens</sup> vt me ames, qui te serio, rogo. Louanij, postrid. Idus Ianuarias. ∞. I. DCVI.

## EPIST. XCIIII.

HENRICO HALMALIO V. N.

**L**EGISSE te Louanium meum libens audio: etsi cum in tales manus venit, vellem accuratiore limâ perpolitum. Nam verè dixi, & subitum & festinatum etiam, ob instantes Nuptias fuisse: atque idèò ingenuè fateor, aut quædam mihi non dicta, aut aliter dicta. Sed imedebitur aut supplebit siue sequens Editio, siue ipsa Brabantiae Historia, si tamen ad eam ire & pergere valetudo patieretur. Alia quidem res (hoc tibi spondeo) non auocabit, & vltimos istos annos Patriæ libens ibo consecratum. Quod cum fier, non omittam rogare te, vt id quod sponte & benignè offers, re exsequare, & me subsidijs tuis & apparatu vario instruas, in communem vsum. Scio iamdiu te industrium & sedulum conquisitorem atque inquisitorem talium fuisse: potes igitur re, potes & consilio ac directione nos iuuare. Coràm, vbi Antuerpiam nostram venero, plura & distin-



distinctionibus licebit: nunc Nobilis & Clar<sup>me</sup> Domine valere te, & nos amare, opto. Louanij, postrid. Idus Ianuar. ∞. 156VI.

## EPIST. XCV.

Antuerpiam.

ANDREAE SCHOTTO. V. R.

**N**ON indelectatum te Louanio nostro, benè est mi Pater, & gaudeo in tuo iudicio: sed plebeia apud nos voces non sic consonant, & ad nugas suas aut ineptias multi me conuicio trahunt. Cur vetustius opidum non fecit? cur familias illas veteres non inseruit? meam cur omisit? Quid collegia? hæc nominat, illa transilit: denique priuati vellent & suum alibi nomen legi. Hæc pati necessum est eum, qui res in omnium sensibus oculisque scribit: & ista cogitatio nonnihil à Brabantia rebus me absterret. Noui ambitionem multorum, qui se aut suos volunt esse argumentum. At altior animus Historico esse debet, & causam æui agere duplicis, cuius quod fuit, & quod erit. Illud vt ex vero repræsentet, hoc vt vtilibus narrationibus, siue monitis interdum, instruat, nec ad vana aut futilia, & pueriles animos oblectatura, declinet. Videbo vt modum teneam, si opus aggredior, & scribam ex patriæ, ex historia, & meâ dignitate. Adulari, calumniari, nugari non luber. Hactenus Musas virgines habui, non prostitui pretio aut pella: cîa inductus: perseverabo honesti animi, recti iudicii (Deus adiuet) esse. De Cantipratano benè mones, & iam vidimus, & corrigi in alijs exemplaribus iussimus. Sanè sciebam discipulum Alberti Magni fuisse: sed properantia & calor, quæ in hoc opusculo adhibita pænè necessariò, mentem obnubilant, aut certè manum faciunt delirare. Sunt & alia quædam, in quibus nuto, aliàs corrigenda. Felix Recitatio veterum, & aduocati in consilium amici: nunc deferunt, & Typographia nec poenitentia locum; aut si illi, non emendationi relinquit. De Idolo Hallensi, lumbos nugatori impio frangam, si fustem, id est calamum sumo. Sed adhuc tempero, & inhibeo, & Modestiam ingenitam vsurpo. Caveat à calore. P. Leonardus noster etiam illuc? dimidium nostri habetis, remittite, aut (si aura admittat) me habere. P. Rectorem & illum saluto. Louanij, ad lumen vespertinum, XVI. Kal. Febr. ∞. 156VI.

EPIST.

## EPIST. XCVI.

IOANNI MIRAE O *Episcopo Antuerpiensi.*

**I**N amici causâ breues has litteras scribo, quem mihi institutio (discipulus enim mihi fuit) & morum probitas, & magis constans pietas, commendarunt. Isest Io. Hemelarius gente Batavus, insigni ingenio & doctrinâ: sed qui patriam deseruit maculofam & infectam. Romam igitur se contulit, & cum ad Ecclesiasticum ordinem adspiraret, à S. Pontifice impetrauit Canonizarum in vestrâ Ecclesiâ Antuerpiensi, in locum defuncti Iacobi Antonij: defuncti, inquam, in mense Pontificiæ collationis, vt scribit. Itaque ius putat clarum & certum esse, petit tantum insinuari R<sup>m</sup> D. tuæ, & significari qualis esset. Reuera spondere audeo gratum acceptumque futurum R<sup>m</sup> D. tuæ & Collegis: ita non solum dotes habet, quæ ornamento sint, sed mores suaves & mites, qui delectationi. Nihil tribuo affectui, Reu<sup>m</sup> in Christo Pater & Domine, Deum testari possum: quem rogo & veneror, vt te talem Antistitem Ecclesiæ & nobis diu velit superesse. Louanij, iix. Kal. Februar. ∞. 156vi.

## EPIST. XCVII.

*Bruxellam.*IOANNI RICHARDOTO *Præsidi.*

**E**T iterum iterumque Fortuna te petiit, & vix cicatrix à priore ictu obducta est, aliam plagam inflixit? O scuitiam! accusare eam libet, & tecum dolere: si tamen hoc remedium sit, habere comites in querelâ aut dolore. Præstaret qui alleuarent & erigerent: & iam conor: sed dicta aut monita vbi reperiam? Solita consumpsi, & eadem dicere nec ex decore, nec ex more meo, possum. An vnum hoc nouum, & magni animi, succurrit? in Fortunam Fortunæ exemplo repugna. Pertinaciter te incurrit, nec dignitati, nec ætati tuæ parcit: indue item pertinaciam; & non ratione solum, sed irâ quâdam honestâ pedem in eam firma. Quid tibi vis? ideo destinor vincendus, quia non vicisti? Hoc ipso sumo animos, & prior victoria de sequenti spondet. Nepotulum amisi: sed antea liberos. in paruâ hunc ætate:

ætate : antea plenæ ætatis & roboris , & qui propinquam de se spem , aut præsens gaudium , dabant . In isto quantum perdidit ? Flos , non fructus fuit : vix etiam flos ; & in paucis non mensibus , sed diebus , natum amisi .

*Monstrarunt terris hunc tantum Fata :*

atque ecce , firmum solatium , si attendis . Fata , inquam , dederunt , eadem abstulerunt : quid iuvat , aut decet queri ? Non iuvat , quia non mutabis , semel abiit : non decet , quia lex à Deo est , in quem impius qui repugnat . Ille firmiter sanxit , quidquid natum est mori , & alternante tempore ac vicibus mori , senes , viros , iuvenes , pueros : nullum discrimen est , & cæca illa Dea per omnes furit , & datum ius exercet .

*Poma vt in arboribus pendent , sic corpora nostra*

*Aut matura cadunt , aut citò acerbarunt .*

Verus poëta hoc scitâ & verissimâ imagine scripsit : auellimur , deiicimur , sponte cadimus , & hæc omnia ex fatali lege . O pareamus Deo , imò assentiamur ! & hoc Christianum pectus decet . Sed ante omnia vrgeo quod tetigi , paruulum hunc fuisse . Vix limen vitæ ingressus erat , & ablatus est : id est , vix habuisti . In aliis grandioribus reminisci licebat facta aliqua aut verba laudanda , siue amanda ; in paullò etiam grandiusculis iocos , blanditias , gestus , & quæ parentum affectus exosculatur & notat . Quid in isto ? spem modò ostendit , germen & propago futurus vetustæ ac nobilissimæ stirpis , si Deo visum fuisset : sed non est visum , quid contra æternum cursum molimur ? Nondum gaudia alia ex illo erant : vix oculo , aut tenui risu matrem , non dicam auum , agnouit : quid ergo firmæ aut solidæ iacturæ est ? Excute ipsum te , videbis vmbra & imaginem adhuc amasse . Si initio concepti fœtus parens abortisset , minùs doleres : eadem ratio valeat , & infirma adhuc proles non gignat dolorem aut desiderium firmum . Hæc ex communi etiam Sapientia : quid illud ex Christianâ ? Puram hanc animulam , & omnis adhuc labis expertem , an non palam in pura & beata illa loca misistis ? Ne reuocate : ipse doleat , & tot periculis , addam etiam curis molestiisque , iterum exponi . In spem eos educamus bonam : sed quàm sæpè fallacem ? Optimè nati , quàm degenerant , nec gaudium aut decus ( vt lenissimè loquar ) suis do-

N n

nant ?

nant? Dehonestamenta maiorum multi, propudia publica: & exempla in isto atque alio æuo videmus. En, in certâ securitate, in gloriâ, in gaudio nunc agit: ponite spem metumque, & applaudite potius ac suspicite sublimatum. Oblectare parentes poterat, nunc iuuare: precibus eius votisque locus est, & apud Numen fundit. Enimuerò apud te, non loco magis quam prudentiâ Præsidentem, etiam hoc solatio utar. Vide non dicam Belgicæ, sed Europæ, hodiernum statum: quid læti aut firini posteris polliceris? Sunt turbæ, erunt turbæ; mutationes priuatæ & publicæ; & nisi Deus pacatiore oculo respiciat, exitia statuum & rerum. Quis in talia libenter suos educet, aut mittat? Sunt & maneant, quos Deus dedit, habituri suam sortem: alios voto ne adsciscamus, inò gratulemur euocatis. Hæc apud te breuiter, Ampl<sup>me</sup> & Nobil<sup>me</sup> Domine: & vides quò fiducia me impellit? Ipse solatij iam compos, filiam tuam solare, sexu infirmam, & grauiore ictu percussam: & verba robusta aut ex corde profer, aut ore adsimula & vultu. Debes illam erigere. maritus non est, nec alius affectus propior: patrem illa spectat: si amas, fac ut per te vires recipiat animi corporisque, quod opto. Vtrasque, Ampl<sup>me</sup> & Nobil<sup>me</sup> Domine, etiam tibi. Louanij, xii. Kal. Martij. ∞. lxcvi.

## EPIST. XC VIII.

PAVLLO V. PONTIFICI O. M.

**B**EATISSIME PATER: Accepi BREVE, quod S. V<sup>RA</sup> dignata est mihi scribere; & ipsum, ac benedictionem, interiore mentis gaudio & omni veneratione sum complexus. Inter suprema beneficia, quæ Deus mihi contulit, hoc recensebo semper, quod à Vicario eius manauit. Hortatur me in eo S. V<sup>RA</sup> ut stilum & ingenium ad ornandâ Ecclesiam, & magnitudinem eius propagandam, velim conferre: quod ego velut diuinitus imperatum suscipio, & promitto S. V<sup>RA</sup> me operam omnem huic rei daturum, quam valetudo mea tolerabit. Incalui enim meritò ab hoc stimulo, & ostendam paternam admonitionem quantum apud verè filium ponderis habeat & robustæ auctoritatis. Etsi, BEAT<sup>ME</sup> PATER, iamantè  
hunc

hunc animum cœpi ostendere, & publicè militem agere in Ecclesiæ castris. Nam scripsi & emisi hoc anno libros duos, priorem quo MIRACVLA & laudes DIVAE VIRGINIS HALLENSIS continebantur; alterum, quo DIVAE SICHEMIENSIS. Non possumus aliâ re, credo, efficacius frangere & calcare hæresim, quàm hoc Miraculorum fulmine: vbi non verbis, sed factis disputamus, & impudentissimorum etiam oculos atque animos perstringimus istâ rerum maiestate. Si dignum censuissim donum, quod oculis S. V<sup>RE</sup> subiret, misissem ad arbitrandum, & saltem promptum & apertum meum pro Religione studium cōspiciendum. Quod porro etiâ dignatur scribere VESTRA S<sup>TAS</sup> cogitaturam se de Pace publicâ procurandâ, & bellorum apud nos motibus sedandis; ego eam flexis mentis genibus iterum precor. Necessitas postulat, & discrimen grande quod toti Ecclesiæ (ita loqui audeo) tramontanæ imminet, si Hæresis & Rebello limitem hunc Belgicæ perrumpunt, qui adhuc resistit. Resistit, sed validè concutitur, & vicini etiam aliqui Principes oleum in hanc flammam conferunt, priuatâ æmulatione aut spe, utinam auctoritate S. V<sup>RE</sup> comprimendi! Atque utinam etiam fidâ inter eos pace, arma contra communes & Ecclesiæ hostes vertant, felicius & gloriosius triumphaturi! Sed hæc Sapientiæ vestræ, cui cælestis ille Spiritus semper adsistit, & inspirando dirigit, dispicienda & gubernanda permitto, precatus ab illo longæuam tuam Ecclesiæ præsentiam & tutelam, atque ego,

BEATISSIME PATER,

tuam sanctam mihi benedictionem. Louanij, III. Kal. Martias. ∞. IOCVI.

EPIST. XCIX.

*Leodicum.*

HADRIANO FLERONTINO I<sup>to</sup>.

**T**RISTEM, inquis, nuntium adfero. Certè tristem, & magnum in animo isto ictum. Ita Carolum Billéum amisimus, rarâ laude, prudentem, pariter probum, pium, & vno verbo, optimum Aulicorum? Amisimus nos amicum,

N n 2

cum,

cum, vos præsidium, Princeps consilium : & mihi crede, facilius reperietur qui locum subibit, quàm implebit. Ecce mortalitas ! Scripseram ad eum ipsâ horâ, quâ tuas accepi, epistolam, quâ de filio promebam quid videretur : scripseram, & statim disco non esse ad quem scripsi. Vis & aliud philosophiæ ? amare eam soles ; & ut sapias, ama. Intraui cœnaculum meum ambulaturus, & in cogitatione super Billéo meo defixus. Coniicio oculos in vitreas ; quæ octodecim, ut scis, locum illustant : atque ibi amicorum aliquot nomina & insignia, amoris vel domini monumentum. Coniicio ; & statim animum tangit, illum atque illum mortuos esse. Numerare incipio : & ecce vndecim ex inscriptis Parca viuorum numero expunctos mortuis adscripsit. Hem quid hoc est ? intra annos nouem ? Progredior etiam in atrium adiunctum : sex fenestras numero, & è donatoribus quinque fatum suum obijisse. Vides, inquam, quàm densè morimur ? Atque isti ex amicis tuis Belgis : quid in exterisquot amisisti ? quid ex ignotis quàm multi cottidie percutunt : innumerus hic numerus. Solari me cœpi : & quid in vno dolemus, vbi tam frequens vel assidua iactura est ? Huc nascimur : & ipsum nasci, est non nisi partus in mortem. In caueâ te claude, ferro & ære conde :

*Mors tamen inclusum protrahet inde caput.*

Cogitemus in Flerontine, & præiuisse amicum nostrum, quò certo gradu sequimur : non error abducet, non vis subducet. Benè precemur mortuo, & gratâ mente ac linguâ, cum vsus, memoriam eius prosequamur : — Τὸ γὰρ πλεον ἐστὶ θανόντων, ut ille ait. Vale, & me ama : parentem etiam tuum, & Templum Canonicum à me saluta. Louanij, Prid. Idus Martij, ∞. locvi.

Patruus tuus Prouincialis heri in prandio mihi aderat, & multa locuti super Billéo eramus, & de litteris communiter mittendis. Ille inter primos dolet, scio.

IOANNIS WOVERI Antuerpiensis  
Ad æquum & amicum LECTOREM  
in IVSTI LIPSII V. C.

Orationem de CALVMNIA

P R Æ F A T I O.

**V**LTIMAM hac pagina epistolam tamquam suam expectabat. Subtrahi tamē istam nemo emulus tam indignabitur, quā boni omnes exultabunt, Calumnia crimen, parvis hodie & magnis commune ingenius, protrahi, imo proferri. Quod quamvis vitium neque novum, neque veteribus insoles, in aetatem nostram influxerit, tantō tamen iniquius nunc exercetur, quā caritatis & diuina legis præscriptū scelestius violatur. Amicos enim (immensa eruditionis Afer scripsit) diligere omnium est, inimicos autem solorum Christianorum. Sed aduersus istos ita vindicta hodie obtinuit, ut nec præsentī planē narrationi desint, qui pro laudibus criminationes, pro beneficiis iniurias etiam amicissimis reponunt. Ah! vel tali furore plebeiam furere scurrilitatem, utinam Erebi ipsis furis placuisset! nunc augetur immensum hoc dedecus primarię claritudinis designationibus; & litteræ olim ornamenta ingeniorum cum Sapientia ancillarentur, ita auctorata ad has pugnas accedunt, ut à paucorum libidine insaniaque si æstimentur, nihil obset, quò minus vanitatis & inhumanitatis nouis nominibus innotescant. Inuisum meritis bonis vitium, quod homini seipsum eripit. Nec feris inter se bella sunt; nec, si forent, eadem hominem deceant, placidum, proximumque diuino genus. Auget præterea remediorum desperatio sic præsens hoc malum, ut nec mecum calumnie abstinentiam à se impetraturos arbitrer, qui recidiuæ iniuriæ malignitatem citius ostendunt, quā vomici huius morbi curationem admittunt.

mittunt. Religiose enim dicent, pro Epistola non bonâ fide Orationem editam. Sed his, ne interni vlcus purulentiam obijciam, dico, integrum esse, ut primum apud Saxonie prætorem dicam scribant, Ienensis, sed non germanæ fidei declamatoribus, quibus ad calumniandum tantum otij superfuit, ut iniuriosiores LIPSIO esse non possent, nisi infantia suæ macie, totoque invidia pallore, bonam chartam male commacularent. Tamen & opera quoque huius ut compendium faciant; satis ipse olim noster uaxapirne, vegrandem hancce, apertissimâque mendacijs instructam expunxit iniuriam. Cum hoc quoque satis constet, neminem non modo melioris, sed vel sani sensus esse, qui scholasticorum plumbeas has paginas cum illius componat; qui vnus temporibus nostris monetam aurei eloqui in vetustatis incude sic finxit, ut non immerito optimorum iudicio habitus fuerit (uti Symmachus alibi scripsit) IVS TVS heres veterum litterarum. Nam nuperam illam putidissimi liuoris inscitiam, solâ dignam miseratione iudico, quâ quispiam latine parum LIPSIVM, nec aptis satis imaginibus celestis ingenij opera texuisse, ostendere cepit. Sed quoniam illi homini insanire, & in omnes passim incurrere doctos, tralaticium est; ego reponere oraculum maximi naturæ Mysterium solum hoc possum: Homines quosdam ut venena nasci, qui nullum aliud abominati spiritus præmium nouere, quàm odisse omnia. Tu contra amare optima, & sic LIPSIANA, beniuole Lector, perge, ac salutare istud aduersus calumniam eiusque carcinomata quasi alexipharmacum accipe, & vale.



# IVSTI LIPSI DE CALVMNIA ORATIO.

**D**E Calumniâ dicturus hodie, & hoc quidquid est vitij in lucem protrahaturus sum. Tu DEVS, qui bonitas, candor, amor totus es, dirige & præluce mihi aduersus inimicum tibi vitium; & mentem ac linguam moue, vt generi humano innocentiam instillem, & in vitâ, dictis,

scriptis probitatem, pacem & caritatem. Calumniam hîc definio occultam læsionem, imminutionemque alterius, in sermone aut scripto, mixtam fraude. dicta ea est à caluendo, quod prisco verbo frustra habere & decipere significabat. Omnis enim calumnia mentitur & fallit, vt mox dicam, & mendacium aut fucum auctorem habet. Græci *δολοῦν* dixere. item appositè, quòd quasi traiciat ac penetret, & noxio linguæ suæ telo defigat. Finis scilicet illi primus, fallere; quod Latini considerarunt: ultimus, lædere; quod Græci. O vitiorum vitium! & tamen quod hodie crebrius est? quod cum maiori perniciæ coniunctum rei priuatæ & communis? Addo etiam, quod neglectum magis à nouis scriptoribus & antiquis? Quare cum nemo studiosius paullò, quod sciam, de illo aut in illud dixerit; ita spero vt tractatio eius non solùm fructuosa futura vobis sit, sed nec mihi ingloria: qui primus ingredior aperire id & diffundere stilo. De istâ igitur tria hæc dicam. Quàm scæda sit: Quàm perniciofa: Quomodo cauenda. Hæc singula dum subtilius paullò & vberius persequor, quæso vos Auditores, adhibere mihi non aures solùm sed animos: & vela hæc, vt sic dicam, orationis meæ, Zephyro beniuolentiæ vestræ afflate atque dirigite.

Et sceditatem quidem Calumniæ, quo clariùs vobis argumento ostendam, quàm istoc duplici? Quòd & in scèdissimas ea personas cadat: & quòd scèdissima sit ipsa. Personas quidem triplici hac notâ insignes, Viles, Ignauas, Loquaces. Viles: adco  
verè

verè à me dictum, vt nequem, non dicam bonam, sed mediocriter bonam altamque indolem, vniquam hac labe fuisse aspersam. Vetus, & nostrum, æuū excute. non aliter leges, videbis, audies; quàm tristes quasdam malignasque naturas, quas sidere suo Saturnus afflauit, aliis inuidentes, sibi diffidentes, pronas ad hoc vitium & factas. Videtisne minutos illos canes & degeneres, qui hospites allatrant, feras non tangunt? tales deteriores isti hominum, qui lædere tantum innoxios nati & vexare. Nati, inquam, quia reuera ad hoc vitium ita vergunt & inclinant, vt quies iis non sit nisi aliis inquietis. Tum Notâ alterâ, Ignauos feci. quid clarius? prima scintilla & fomes Calumniæ orium est: nec vniquam aut vacabit aut lubebit in alienas res inquirere, quem suæ distinebunt. Apud desides & ignauos mala Diua habitat, & apud eos sedem posuit sui regni. Negat quispiam? Forum & Basilicas nostras paullisper adeat: in quibus vberissima cottidie calumniarum seges seritur, non nisi ab istis quibus vnum hoc opus est, Ambulare & Fabulari. Publica illuc & priuata vapulant: Princeps, & administri peccant: alius hoc fecit, alius hoc dixit: denique nulla de quoquam fabula est, quæ apud eos stet, vt cum poëtâ dicam, talo recto. Atque hæc si periti ipsi rerum facerent, minùs indignarer. nunc homines non solum ignauissimi, sed & ignarissimi, rebus iis calumniando semiscent, ad quas cogitatione & sensu non pertingunt. Vt in naui nemo vectorem ferat qui nautas moneat idemtidem aut culpet, ipse intercâ imperitus manum non dicam clauo adinouere, sed remo: ita meritò importuna nobis & molesta vascula hæc inania; quæ maximè tinniant, & liquoris minimum habent. Denique Nora tertia, Loquaces. & quæ potest aliter? Naturâ hoc lingulacis insitum, vt non multa solum loquantur, sed mala. Siquis vestrum adfuit indomitis istis, & quibus, vt Pin-darus ait, os sine frano: nonne præcipuus illorum sermo, non solum de aliquo, sed in aliquem est? certè. Audita enim & non audita efferunt, quæ vera, quæ vana. & vt in Iudææ lacu Asphaltite nihil mergitur, sed supernatant omnia iniecta: sic in istorum pectore nihil conditur, superfluunt imò effluunt cuncta. Et quid aliis parcere eos credas? nec sibi. quoniam huic morbo id quoque proprium, vt si in alienos dicere nihil habeant, in suos dicant,

dicant, atque adeò in sese. Vt in longâ fame, corpora nostra alimento defecta, ipsa se depascuntur: simile euenit in istis.

Atque ecce Personas habetis, quibus gaudet & affidet Calumnia: quod ordo nunc iubet, producam ipsam, & quidem in vero suo vultu. Omne ego vitium detestandum & fœdum factor: verùm hoc eximiè. quod non solum in fœdis, sed natum & cõstatum è fœdis. Poëtæ Chimæram suam è triplici corpore fingunt: sed fingunt. hîc ipsa res est, & ad hoc monstrum Calumniæ constituendum cœtus & mixtio concurrit trium vitiorum. Nam architecti eius præcipui & quasi parentes sunt, Mendacium & Inuidia: Curiositas autem nutrix. Cogitate ipsi, quàm bella hæc proles sit, à bellâ hac vitiorum trigâ. Mendacium inquam, ei pater. quidni? quod animat scilicet & inspirat omnem Calumniam; quæ iaceat, nec vitam aut sanguinem habeat sine illo. Quis calumniator simplici vero contentus vîquam fuit? quis ficum, dicere ficum? nec potest quidem. quia aliter vim nocendi non habeat, nec finem suum assequatur nisi abeat extra veri fines. Itaque auget malitiosè omnia & attollit. atque vt conuallium ille sonus, quem Echo dicimus, pro vnâ voce acceptâ duas tresque reddit: sic iste geminat visa & audita. Verbulo de quopiam questus sum? grauiter accusasse me dicet. Leue aliquid notauit? carpisse omnia. Ambiguum sermonem habui? quod deterius est, eliger. & ad summam, quod medici de cucurbitis dicunt quas corpori affigunt, non nisi prauum eas vitiosumque sanguinem educere: veriùs de isto ego, qui adtrahit ad se non nisi mala. Atque vînam adtrahat tantùm! sed sæpè à se addit & inspergit: & vt dicta, vt facta refert, quæ nec in somnio nobis cogitata. Sicut aranæ casses & filamenta mirâ arte è suo corpore gignunt: sic iste fraudium argutos laqueos suopte ingenio nectit. Iure igitur Mendacium ei pater: sed mater etiam Inuidia: quæ in illo maligno ingenij vtero concipit, gestat, parit denique hanc infantem. E moribus & factis calumniantium quis id non approbet? Rarò enim in viles & sui similes relum hoc armant aut exerunt: sed in eos quos virtute, doctrinâ, aut quâ aliâ laude alios vident anteire. Athletæ in cursu, non eos respiciunt quos reliquerunt, sed intendunt saltem in priores: sic Calumnia dirigitur in meliores. In ludis olim & are-

Oo

nâ ob-

nâ obseruatum fuit, tauros purpurâ & rubore maximè concitari, qui tamen pulcherrimi sunt colorum: simile in istis licet dicas, quorum virus prouocat ipsa virtus. At postremò Curiositatem etiam, Nutricem Calumniæ addidi. verissimè: quia scilicet fouet & nutrit hanc puellam quæsito vndique rumorum & sermonum cibo. Tolle eam à Calumniâ: quid poterit? imbecilla, ieiuna, vacua sedebit: & quæ nocere velit potius, quàm possit. Nam hæc est quæ materiem suppeditat, quæ domini numquam, foris semper, imò in foris habitat; omnium ædes, omnium animos penetrat; vigil assiduè & sine somno. Hæc rumores passim colligit: & Heus tu da dextram. ecquid noui? in Aulâ quid sit? Qui status in Angliâ? quis in Galliâ? Titius quid agit, quid Seius? Talia ac plura scrutatur atque excipit: numquam tamen plena & satura. sed vt pædidum ac membrum scabiosum fricari semper vult: sic ista sermonibus, & pressetis asperis malisque, assiduè scabi. Nec verò aures solum huius prurientes & auidæ; sed actes quoq. & acuti oculi. quos cum semel aperuit, quid ea non videt? etiam quod non videt. Quid non scrutatur? aperta, & operata. Tiberium Imp<sup>rem</sup> eâ oculorum indole fuisse ferunt, vt noctu pariter atque interdiu cerneret: de hac appositè dixerim, quæ etiam ea quæ in tenebris & solitudine geruntur explorat. Domum tuam claudis? penetrabit. Linguam contines? pectus inspiciet. Homines fugis? ipsa te inueniet. & vt muscas atque eiusmodi minuta animalia nullâ curâ submoueas: non item vllâ cautione istam. Hæc Curionum illa gens, quam poëta Comicus scitè depinxit:

*Qui res alienas curant opere maximo;*

*Qui omnia se simulant scire, nec quidquam sciunt;*

*Id quod regina rex in aurem dixerit,*

*Sciunt; quod Iuno fabulata est cum Ioue.*

*Quæ neque futura neque sunt facta, tamen sciunt:*

Atque ex his palàm videris, quanta fœditas sit Calumniæ. quæ in turpibus, quæ è turpibus: quam Mendacium genuit, Inuidia peperit, Curiositas educauit.

Agite, sequimini me ad Perniciem: quam alterum velut spatium esse volui mei cursus. Quod tamen priusquam ingredior, reficite paullisper animos, & mecum respirate.

Perni-

Perniciem ego in Calumniâ Validam & Variam inuenio: quantam nec in vllò (verè hoc, non oratoriè dicam) vitiorum. Validam idèò: quia Acutè imprimis & Occultè lædit: Variam, quia in plerâque omni re, & plerosque omnes. Singula hæc breuiter videamus. Acutè dico lædere. & mecum facer ille Vates, qui exclamat: *Dentes eorum tela & sagittæ, & lingua eorum gladius acutus*. Nec longè à mente aut verbis diuini viri hic Spartanus: qui interrogatus de gladio, *Satisne acutus esset? Acutior*, inquit, *Calumniâ*. videlicet hoc significans nullam è chalybe aut ferro aciem esse, quæ conferri possit cum acie hac linguæ. Quid enim ea non tangat, aut tactum non penetret? vt fulminis subtilis illa vis omnia peruadit: sic hæc quamuis seposita & clausa perurit. Idquæ eò efficacius, quoniam Occultè, vt addidi, & ex insidiis id facit: Quî vites telum, quod nec vides? Tempestatem nobis nubes denuntiant, incendium fumus, hostem explorator: at subita & improuisa perniciem est à calumniante. Minari cum credis? blanditur. Hostem præferre? amicum. & eaiipsâ linguâ quâ te faciat, verborum prius, imò & laudum illecebris demulcet. Vt scorpionum si manu teneas, ludere paullisper videtur, mox ferit te obliquâ caudâ: tale imò amplius in isto est, à quo cum lædi nihil timeas, iam læsit. O fraudem detestabilem! & ex oraculo ab Historico meo scriptum, *Pessimum inimicorum genus, laudantes*. Venena mihi nuda & aperta porrige, vitabo: si cibo aut vino callidè mixta, quî possum? non aliter de Calumniâ censeo: quam bono iure dixerim, Mel venenatum. *Hostem aduersum*, ait egregiè Sallustius, *deprimere homini strenuo haud difficile est: occulta pericula neque facere, neque vitare, bonis in promptu est*. Itaque Validam ab eâ perniciem esse (primò à me positum) satis vobis liquet: nunc quàm Variâ eadem, audite. Lædit enim & tangit in plerâque omni re, vt dixi, & plerosque omnes. quod sanè eximium in Calumniâ adnotes, & præter sortem aliorum vitiorum. Quæ noxam nocere non negauerim: sed quid nisi vnâ? sed quid nisi vni alterive? Nempe libidinosum me fac: duos imputitate contaminino. Pone avarum: tres, quattuor, pecuniolâ defraudo. Ebriosum cense; vnus aut alter obuius verbera manuum mearum excipient aut linguæ. At in Calumniâ res habet aliter: quæ in omnem ætatem, sexum,

ordinem debacchatur; calamitas publica, & Phaëthon quidam, ut sic dicam, orbis-terræ. Quis tam felix aut sapiens, qui iacet ab eâ esse liber? nemo. Paratum enim strictumque liuidum illum dentem in omnes habet: sed tamen in eos maxime, qui magni. Quicumque, quacumque in re, excellit: hunc ite depressum. & ut ij qui ruere ædificia volunt, columnas primò subtrahunt: sic hæc cui perdere genus humanum libido sit, perdit eos quibus innixus publicus hic, status. Prudentes, probos, doctos, hostes omnes habet: & eos modò criminationum machinis violentè concutit, modò suspicionum cuniculis callidè subuertit. Varios igitur lædit: sed & variâ in re lædit. nec quidquam homini carum acceptumque est, quod non eripi, certè immiui, videas per calumniæ rethnas. Te opes delectant? si potest, exuer. Alium honores? priuabit. Amici quempiam? hic verò vim suam artesque exeret: & Lælium à Scipione, Pyladem ab Oreste diueller. Iam quid rerum humanarum carius famâ? quæ iure est bonis, ante bona omnia & ipsam vitam. Nam hæc vtraque caduca & fluxa sunt: & opes quidem ante nos sapè, vita nobiscum semper abit: nomen autem & Fama æternant; eaque sola, cum non erimus, hic erunt. Atqui hanc, vnicum Sapientum thesaurum, purissimâ vitæ geminam, appetit calumniator assiduè; & subtrahere aut maculare conatur omni fraude. Virtutem enim ipsam quia lædere non potest (summum in nobis propriumque bonum:) hanc lædit; splendorem, lucem, & quasi imaginè virtutis. Et quid de hominibus quetor, aut rebus humanis? Proh summe Deus! nec tibi quidè parcat, & tuo cælo. In rebus enim diuinis & religione inuenit iam quod exagitet; per quod nos, imò telædat. Tua enim illa vox decretumque est, tua sanctio, **ABDITA MENTIVM CAELESTI MENTI RESERVANDA**; nec pectoris huius fibras pulsandas cuiquam aut referandas, nisi qui eas fecit. At Calumnia aliter. & passim iam (ô labem nostri æui!) oculos, linguamque illuc coniicit, & adyta interioris huius templi scrutatur & calcât. Ille in religione parum purus est, ille parum fortis, tertius parum apertus. Et quid iam superest, nisi ut palàm & per præconem an imi nostri sensa citentur ad Calumniatorium hoc tribunal? *Homerus ille, nec quidem iudice, non vatum solùm sed*  
homi-

hominum (de profanis loquor) semper-Princeps, Aten quam-piam deam finxit: à quâ in populos deriuatæ omnes noxæ. quo fabulæ inuolucro calumniam eum tegere & tangere voluisse tam mihi certum, quàm loqui me nunc & spirare. Nam ita describit,

*Perniciosa dea* (verba eius pressè interpretor) *quæ omnes offendit:*

*Quæ terram non tangit, incedit autem per capita virorum:*

*Quæ Iouem ipsum læsit.*

Per vestram fidem, vllusne pictor artifice suo penicillo, aut orator vbere stilo, clariùs expressiusque signauerit germanam Calumniæ formam? non opinor. *Quæ omnes*, inquit, *offendit*. nōne hoc ipsum est quod doceo, passim & omnes ab eâ lædi? *Terram non tangit*. certè. rarò enim in viles aut humiles incurrit: sed, quod addit, *incedit per capita virorum*: id est, summa petit, & summates. Denique *Iouem ipsum lædit*. quippin? siue quia diuinas quoque actiones calumniatur & carpit; siue quod iam dixi, nec religionem immunem habet improbi sui dentis. Atque hæ noxæ illæ sunt, quas priuatim adhuc ludit. verè ludit: si cum ijs compares, quas publicè patrat & in Principum aulis. Hic enim ei sedes: hic admissis equis lasciuuit & currit, vt in suo circo. Non mihi fas singillatim persequi: (tempus vetat:) breuiter hoc accipite. Quidquid fraudum, oppressionum, scelerum vsquam aut vmquam in aulis fuit: id manasse ab hoc capite, ab hoc fonte. Alexandrum illum Magnum in tot amicorum nece quid nisi Calumnia impulit? Socratem vitâ, Rutilium ciuitate quid nisi Calumnia expulit? Tiberios, Caligulas, Neronas, & tot portenta tyrannorum, quid nisi Calumnia peperit? & ne vetera tantùm cogitemus: hoc, hoc, miserrimo tempore, fugas, clades, cædes, & maria calamitatum quas patimur, natæ primò non nisi ab riuulis istis in Aulâ calumniarum. Doletis hære in reip. visceribus discordiarum hæc tela? Calumnia iniecit. Ardere tot iam annos faciem hanc ciuiliū bellorum? Calumnia accendit. Nec quidquam malorum videmus aut vidimus, quod non ab hac scaturigine diffusum. Populi in reges, reges in populos, non aliâ re excitati primò atque irritati sunt, quàm

hoc linguario flabello. ut maria suâ sponte quieta vento intumescunt: sic Principes naturâ sepe boni aut mites, per incendiariorum istos inardescunt. Perniciem igitur Validam, & Variam, in Calumniâ nunc habetis. quam Christiani nostri veteres præclare intellexisse mihi videntur, cum patrem omnis vitij, imò ipsum vitium, monstrum inquam illud ab inferno, Græcâ voce Diabolum, id est calumniatorem, propriè dixerunt: arbitrari scilicet, nocentissimum hostem, non alio nocentiori nomine potuisse designari. Nec minùs indomitam eius vim legislatores prisca considerant, qui cum vitia cetera legibus aut pœnis coercerent: huic uni, quod miremur, apertos carceres & velut liberum campum reliquerunt ad nocendum. Itæ enim per omnes hominum gentes: fallor; aut nullam mihi dabitis, ubi vitium hoc legum fræno aut sanctione comprimatur. Apud Athenienses quidem multa pecuniaria calumniatoribus fuit, fateor: apud Romanos frons ipsius inusta K litteræ notâ: sed ne ino erret; non istis meis susurronibus, dumtaxat illis qui in iudicio & publicâ accusatione calumniabantur. Quid ergo? aut tam cæci illi, ut perniciem hanc non viderint: aut tam fatui, ut visam approbarent? Nihil horum. sed scienter & iudicio vitium extra pœnam habuerunt, quod esset extra medicinam. Mediocribus omnibus repagula sua sunt: communi alicui diluvio qui aggeres resistunt: Orbem terræ Calumniâ inundavit; hæret & habitat in pessimâ huius naturæ medullis; nec iam inter culpas censetur, sed mores. Quid facerent? opinor, quod prudentes & pudentes medici, qui nec cancro manum temerè adinouent nec tibi. Itaque mali magnitudo & diffusio asseruerunt hanc in libertatem: nec comprobata ea, cum desperata est.

Sed ne longiori oratione me fatigem, vos detineam: flectere hanc nauim ad portum incipio, & venio ad tertiam, ultimamque partem, quæ est de Calumniæ cautione. Quam si quis ita accipit, ut immunem tutumque ab omni calumniâ futurum se speret: næ ille errat, & exigit à me quod non est virium humanarum. Prodeat, non dicam Thales ille alumnus Sapientiæ, sed Sapientia ipsa: numquam eum dabunt. Quid ergo est? duos tantum velut clypeos suggerere possum, qui vim aciemque eius incurrentis frangant & retundant. è quibus prior-

rem,



rem, Innocentiam; alterum, Patientiam appello. Innocentiâ inquam ante omnia te muni, quisquis effugere vis malæ & hiantis huius diuæ morsum. Nam certè qui vitâ integri, linguâ cauti, actione modesti: quid ab eâ timeant? Vt locis læuibus & politis ægrè sordium aliquid adhærescit: sic maledictum sedem vix inuenit in vitâ puriore. Itaque sæpè tegmen hoc profuit: mentiar tamen, si dicam semper. Ciceronem scio scribere: *Vt ignis in aquam coniectus continuo restinguitur: sic falsum crimen in castam vitam.* Vtinam tam verè, quàm diserte: quàm multos enim vel purissimæ & penè supra hominem vitæ Calumnia læsit, & lædet? & efficaciter læsit: adeò vt sanguinem omnem ab ijs succumque duxerit bonæ Famæ. Nec miremur. Calumnia enim, vt docui, mendacio ferè grassatur; & id tutò: quia apud iudicem vnum; & qui non querit plerumque, sed credit. Itaque rem hanc præ magno Oratore vidit melius. Magni Regis adulator & copria: qui identidem monere solitus, *Quidvis in quosvis esse consurgendum.* Vt enim, aiebat, *vulnus maxime sanat, manebit tamen cicatrix.* Pestilens, sed, ita me Deus amet; ingeniosum dictum: & cui origo, atque item fides, ab ipsâ nostrâ naturâ. Insitum enim plerisque hominum, non solum patulas sed etiam credulas aures, delationibus habere: & id magis, si ad læsos ex pertinent, aut lædendos. Et cum semel aspersus sis, vix est vt plenè eluas hanc labem. Suspicio inquam manet, vbi non crimen. Ergo altero etiam clypeo meritò te muniui: quem Patientiam dixi: Eius vim & usum hunc esse volo, vt calumniæ quas vitare non potes, fortiter & erectâ ceruice feras. Varronis argurum olim dictum fuit de malâ coniuge: *Ferendam eam, aut tollendam esse:* tu vsurpa in pessimâ hac viperarum, & tolera, quod non tollis. Feras autem? imò & spernas. Vt bonus & animosus miles lenia & circum galeas crepitantia tela contemnit: sic vir robustus & sapiens dicteria. Quid enim tibi tollunt? Famam? bona ea semper erit apud bonos. Virtutem aut Sapientiam? non subiacent ea arbitrio humano. Denique cum omnia carptores isti fecerint, dixerint: vero altoque animo clamabis, *Omnia mea mecum porto.* Quod si infamiæ tamen specie moueris: benè, si verâ; sin autem falsâ, quid ad te? Nè applica tibi, non eam habes. Diogenes ille Cynicus altæ sapientiæ vir, & qui non vici-

solum

solum hominem, sed excessit, dicere solitus cum turbæ subsan-  
narent : *Illi me rident ? ego non rideor.* Tu idem fac : & dicta illa  
omnia siue scommata sic audi , quasi iacta in alienum . Nemo  
ab istis conteritur aut contemnitur , nisi qui antè se contempsit.  
M. Cato , Romanus ille Socrates , in os percussus à quodam,  
cum idem satisfaceret deinde & deprecaretur : *Non hercules* , in-  
quit, *animaduerteam.* O eximium & supra viros virum ! qui al-  
tius meliusque putauit non agnouisse iniuriam , quam igno-  
uisse . Et verò , si iudicio examinamus , quantum ista sunt , quæ  
nos turbant ? rerum plerumque nihil , sed verborum aliquot nu-  
gæ : quorum maior etiam pars constat vitio interpretantis.  
Noli ea intelligere , pèrit conuiciatori contumeliæ suæ fructus.  
Hæc vera, Auditores, hæc solida in Calumniam arma sunt: non  
illa quæ vulgus vsurpat, reponere & vindicare. Vt in viâ, si ca-  
nis aut equus luto me adspersit, non excandesco statim & vi-  
cissim in illum regero ; sed potius me purgo : ita hîc facien-  
dum, & omnes isti pro caniculis aut equuleis habendi, qui non  
iudicio sed impetu & proteruitiâ lædunt.

Sed iam desino, & complico, vt sic dicam, Orationis meæ  
vela. Tria hæc audistis, Fœditatem huius vitij, Perniciem, Cau-  
tionem. Oro, obtestorque vos Auditores per Deum immorta-  
lem, spernite à vobis longissimè hanc pestem ; nec à linguis so-  
lùm , sed ab auribus etiam vestris. Peccat enim hîc non modò  
qui dicit calumniam, sed qui excipit : & vt ferrum ignitum tan-  
gere sine noxâ non est , non item assistere amburentibus hisce  
linguis. Blandiuntur & insinuant , scio : verbis comitatem, vul-  
tu amorem præferunt . vos mihi credite : aspides illæ sunt, &  
venenum suum inspirant sapiente quodam & fallente morsu.  
Quod ad ipsos attinet , nihil eos moneo . voueo & imprecor  
cum Dauide potius : *Muta fiant labia dolosa , quæ loquuntur  
aduersus* IVSTVM.

FINIS.

CENSV.

## C E N S U R A.

**H**ÆC selectarum Epistolarum Centuria, ex supremis panè lucubrationibus IVSTI LIPSI V. C. collecta, & in ordinem digesta, quòd Virum Clariss. pridem ereptum, Orbi restituat, & quàm magnus semper inter Magnos fuerit, luculenter ostendat; meritò typis excusa, diuulgabitur. Actum Antuerpiæ, XII. Kal. Iulij. ∞. 16CVII.

Laurentius Beyerlinck Antwerp. S. Theolog. Licentiat. Librorumque Censor.

# PRIVILEGIUM CÆSAREVM.

**R**VDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriz, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto IVSTO LIPSIØ gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram scque dignam illi præstant, qui diligentem iis ipsis in litteris ac disciplinis operam ponunt, præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantie tenebris quasi manu educant. Quos excitare, quos amare atque animare, ad dignitatis nostræ munus, ad quod Diuino vocati beneficio concessumque sumus, inprimis pertinere existimamus. Cum itaque ab iis, quorum nobis spectata fides, quique iudicare de Litteris possint, acceperimus, insigneste animi ingeniique tui dotes tibi à natura insitas, à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc æui præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituissti, dum vetusta Latine antiquitatis rudera in nouam subinde structuram singularem artificie eleganter conuertissti: ad exquisitam adeo & raram doctrinam, quæ magnam de te apud doctos quosque viros opinionem excitavit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptiois genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores minificè recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, acceperimus, Diplomate hoc nostro privilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

aut

aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines, triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiæve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscumque modis coërceri curent, ni & ipsimet grauissimam nostram in se conuètere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

*Subsign.*

**RVDOLPHVS.**

Iacobus Curtius à Senfftenaw.

*Ad mandatum sacre Cæsareæ M<sup>te</sup> proprium.*

Io. Baruitius.

*Additum sigillum Cæs. M<sup>te</sup> in cerâ tinctâ.*

SVMMA PRIVILEGII REGIS CATHOLICI.

**P**HILIPPVS Dei gratia Hispaniarum, &c. Rex Catholicus, diplomate suo sanxit, nequis, IUSTI LIPSI Historiarum in alma Vniuersitate Louaniensi Professoris, & item Historiographi sui libros quoscumque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalesve habeat. Qui secùs faxit, præter librorum confiscationem triginta marcharum auri puri illatione mulctabitur. Vti latiùs patet in litteris, datis Bruxella, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

**H**ENRICVS Dei gratia Galliarum & Nauarræ Rex Christianissimus, singulari priuilegio sanxit, nequis per vniuersos Regnorum suorum fines, IUSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secùs faxit, præter librorum confiscationem, ter mille florenorum illatione mulctabitur, vti latiùs patet in litteris, datis Parisiis, XIII. Iulij, M. DC. V.

Signat.

Perrochel.

**T**ibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti EPISTOLARVM mearum CENTVRIAS typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.

ANTVERPIÆ,  
EX OFFICINA PLANTINIANA,  
Apud Ioannem Moretum.

CLC. IBC. VII.

